



御纂醫宗金鑑

胡廷氏



外科

(1)

行刊局書益廣



御纂醫宗金鑑目次

外科

卷上

編輯外科心法要訣

十二經循行部位歌	一	十二經氣血多少歌	一九
頭前正面歌	一	癰疽總論歌	一〇
頭後頂頭歌	二	癰疽陽證歌	一一
胸腹脊背歌	三	癰疽陰證歌	一一
手背臂外內歌	五	癰疽半陰半陽歌	一一
足膝外內歌	六	癰疽五善歌	一二
肺經歌	七	癰疽七惡歌	一二
大腸經歌	七	癰疽順證歌	一二
胃經歌	七	癰疽逆證歌	一三
脾經歌	八	癰疽辨腫歌	一三
心經歌	八	癰疽辨癢歌	一四
小腸經歌	九	癰疽辨癢歌	一四
膀胱經歌	九	癰疽總論治法歌	一五
腎經歌	〇	內消治法歌	一七
心包絡經歌	一	內託治法歌	一七
三焦經歌	一	虛實治法歌	一七
膽經歌	一	癰疽砭法歌	一八
肝經歌	二	癰疽灸法歌	一八
督脈歌	二	癰疽烙法歌	一九
任脈歌	二	癰疽烙法歌	一九
脈訣	三	神燈照法歌	二〇
脈部位歌	三	桑柴火烘法歌	二一
		牛膠蒸法歌	二二
		藥筒拔法歌	二二
		腫瘍主治類方	二三
		腫瘍敷貼類方	二九

御纂醫宗金鑑 外科 目次

潰瘍主治類方	四四	面遊風	七七	下搭手	〇六
洗滌類方	四九	疔腫	七九	蓮子發	〇七
膏藥類方	五〇	癩癧	七八	蜂窩發	〇七
麻藥類方	五五	骨槽風	八〇	陰陽二氣疽	〇八
去腐類方	五六	發頤	八一	串疽	〇八
生肌類方	五七	時毒	八二	酒毒發	〇九
頭部	六〇	鳳眉疽	八二	連珠發	〇〇
百會疽	六〇	眉心疽	八三	丹毒發	〇〇
透腦疽	六二	龍泉疽	八三	禽疽	〇一
侵腦疽	六二	虎髯毒	八四	痰注發	〇一
傍頂疽	六三	燕窩瘡	八五	黃瓜瘡	〇一
額疽	六三	雀斑	八五	腰部	〇一
勇疽	六四	黑痣	八六	腎俞發	〇三
發疽	六四	黛黑疔瘡	八七	中石疽	〇三
天疽銳毒	六五	項部	八七	纏腰火丹	〇四
耳後疽	六六	腦疽	八八	眼部	〇五
耳發	六六	天柱疽	八八	眼胞菌毒	〇五
耳根毒	六七	魚尾毒	八九	眼丹	〇六
玉枕疽	六八	百脈疽	九〇	鹹眼	〇七
腦後發	六八	結喉瘻	九〇	眼胞痰核	〇八
腦發	六九	夾喉瘻	九〇	椒瘡粟瘡	〇八
油風	六九	瘰癧	九一	皮翻證	〇九
白屑風	七〇	瘰癧未潰敷貼	九八	漏睛瘡	〇九
禿瘡	七一	瘰癧潰後方	九九	目中努肉	〇一
蟻蟻瘡	七二	上石疽	〇〇	鼻部	〇一
髮際瘡	七四	失榮證	〇一	鼻疔	〇一
頭風傷目	七四	鈕扣風	〇二	鼻疔	〇一
面部	七五	背部	〇三	鼻淵	〇三
顛癩類疽	七五	上中下發背	〇三	鼻壅瘡	〇三
顛癩	七六	上搭手	〇四	鼻痔	〇四
面發毒	七七	中搭手	〇五		〇五

肺風粉刺

酒皰鼻

二二五

重舌 痰核 重腐 舌疔

一四一

腹部分

編韓外科心法要訣

一

耳部

黑疔

二二七

喉閉 (附燥濕風)

一四二

腹部分

中脘疽

二

耳疔

耳蝨

二二七

喉閉 (附酒毒喉閉)

一四三

腹部分

中脘疽

二

耳痔耳聾耳挺

二二八

二二八

喉疔

一四四

一四五

腹部分

少腹疽

三

法耳瘡

二二九

二二九

喉疔

一四六

一四七

腹部分

少腹疽

三

口糜

二二九

二二九

喉疔

一四七

一四八

腹部分

少腹疽

三

六人口破

二二九

二二九

喉疔

一四七

一四八

腹部分

少腹疽

三

鵝口瘡

二二九

二二九

喉疔

一四七

一四八

腹部分

少腹疽

三

唇部

唇疔

二二九

喉疔

一四七

一四八

腹部分

少腹疽

三

唇部

唇疔

二二九

喉疔

一四七

一四八

腹部分

少腹疽

三

唇部

唇疔

二二九

喉疔

一四七

一四八

腹部分

少腹疽

三

唇部

唇疔

二二九

喉疔

一四七

一四八

腹部分

少腹疽

三

唇部

唇疔

二二九

喉疔

一四七

一四八

腹部分

少腹疽

三

唇部

唇疔

二二九

喉疔

一四七

一四八

腹部分

少腹疽

三

唇部

唇疔

二二九

喉疔

一四七

一四八

腹部分

少腹疽

三

唇部

唇疔

二二九

喉疔

一四七

一四八

腹部分

少腹疽

三

卷下

乳癰

一五九

一五九

腹部分

三魚癰

一

乳癰

一五八

一五八

腹部分

三魚癰

一

乳癰

一五七

一五七

腹部分

三魚癰

一

乳癰

一五六

一五六

腹部分

三魚癰

一

乳癰

一五五

一五五

腹部分

三魚癰

一

齒疔

三三七

內外吹乳

一五六

一五六

腹部分

大小腸癰

一

齒疔

三三六

齒疔

一五五

一五五

一

齒疔

三三五

齒疔

一五五

一五五

一

齒疔

三三四

齒疔

一五五

一五五

腹部分

內發丹毒

一

齒疔

三三三

齒疔

一五五

一五五

一

齒疔

三三二

齒疔

一五五

一五五

一

齒疔

三三一

齒疔

一五五

一五五

腹部分

助疽

一

齒疔

三三〇

齒疔

一五〇

一五〇

一

齒疔

三二九

齒疔

一五〇

一五〇

一

齒疔

三二八

齒疔

一五〇

一五〇

腹部分

助疽

一

齒疔

三二七

齒疔

一五〇

一五〇

一

齒疔

三二六

齒疔

一五〇

一五〇

一

齒疔

三二五

齒疔

一五〇

一五〇

腹部分

助疽

一

齒疔

三二四

齒疔

一五〇

一五〇

一

齒疔

三二三

齒疔

一五〇

一五〇

一

齒疔

三二二

齒疔

一五〇

一五〇

腹部分

助疽

一

齒疔

三二一

齒疔

一五〇

一五〇

一

齒疔

三二〇

齒疔

一五〇

一五〇

一

齒疔

三一九

齒疔

一五〇

一五〇

腹部分

助疽

一

齒疔

三一八

齒疔

一五〇

一五〇

一

齒疔

三一七

齒疔

一五〇

一五〇

一

齒疔

三一六

齒疔

一五〇

一五〇

腹部分

助疽

一

齒疔

三一五

齒疔

一五〇

一五〇

一

齒疔

三一四

齒疔

一五〇

一五〇

一

齒疔

三一三

齒疔

一五〇

一五〇

腹部分

助疽

一

齒疔

三一二

齒疔

一五〇

一五〇

肩部	一八	下部	三五	膝眼風	六二
肩中疽	一八	懸癰	三五	鶴膝風	六三
膠疽	一九	穿筋毒	三六	下石疽	六四
榮疽	二〇	跨馬癰	三七	緩疽	六五
臍部	二一	便毒	三七	委中毒	六五
臍癰(附藕包毒)	二一	疔瘡	三八	上水魚	六六
魚肚發	二一	陰風瘡	四〇	人面瘡	六六
石榴疽	二二	腎囊癰	四一	脛部	六七
附癰	二三	腎囊風	四二	三里發	六七
臂部	二三	婦人陰瘡	四二	腓腸發	六七
臂癰(附疽)	二三	臂部	四三	黃蠟癰	六八
腕癰	二四	鶴口疽	四四	青蛇毒	六八
腕癰	二四	坐馬癰	四五	接骨發	六九
穿骨疽	二五	臂癰	四五	附陰疽	七〇
骨蟻疽	二五	上馬癰	四六	內踝疽	七〇
蟻蝥串	二六	涌泉疽	四六	穿踝疽	七一
手部	二六	蠱毒	四七	濕毒流注(附瓜藤癰)	七一
手發背	二六	痔瘡	四八	腎氣遊風	七二
掌心毒	二七	坐收瘡	四八	腫瘡	七三
虎口疽(附合谷疔)	二七	股部	五二	鱗瘡	七五
病癩	二八	附骨疽	五三	四臂風	七五
手丫發	二八	股陰疽	五三	風疽	七六
調疽	二九	橫痃疽	五五	足部	七六
蛇頭疔	二九	伏兔疽	五六	足發背	七六
蛇眼疔	二九	股腸疽	五七	湧泉疽	七七
代指	三〇	肚門癰	五七	脫疽	七七
蜈蚣疔	三一	環跳疽	五八	救疽	七八
瘡瘡	三一	箕門癰	五九	甲疽	八〇
疽瘡	三二	青腿牙疔	六〇	足跟疽	八一
狐尿刺	三三	膝部	六一	厲癰	八二
龜掌風	三四	膝癰疽	六一	四淫	八三
				臭田螺	八三

牛程腫.....八三
 土粟.....八四
 冷疔.....八四
 神氣瘡.....八五
 田螺脫.....八六
 肉刺.....八七
 發無定處.....八七
 疔瘡.....八七
 流注.....八七
 癰瘡.....八七
 多骨疽.....八七
 疔核.....八七
 疔發.....八七
 瘰癧.....八七
 烏白癩.....八七
 大麻風.....八七
 岩梅瘡.....八七
 岩梅結毒.....八七
 赤白遊風.....八七
 紫白癩風.....八七
 白影風.....八七
 瘰癧風.....八七
 丹毒.....八七
 粟瘡作癢.....八七
 杜松筋箭.....八七
 赤疥瘡.....八七
 疥瘡.....八七
 黃水瘡.....八七
 暑令痛毒小瘡.....八七
 瘰癧.....八七
 產後癰疽.....八七

翻花瘡.....二二
 血風瘡.....二二
 瘡癩.....二二
 浸淫瘡.....二二
 火赤瘡.....二二
 魚脊瘡.....二二
 骨痠瘡.....二二
 風疔.....二二
 血疔.....二二
 白疔.....二二
 漆瘡.....二二
 血箭.....二二
 血毒.....二二
 脫痛.....二二
 瘡口誤入毒水.....二二
 諸瘡生蠅蛆.....二二
 雜證部.....二二
 跌撲.....二二
 金瘡.....二二
 箭頭入肉.....二二
 鐵針入肉.....二二
 鐵針誤入咽喉.....二二
 誤吞銅錢.....二二
 骨鯁咽喉.....二二
 杖瘡.....二二
 夾傷.....二二
 竹木刺入肉.....二二
 破傷風.....二二
 發瘰.....二二
 湯火傷.....二二
 凍瘡.....二二

人蚊傷.....四二
 熊虎狼傷人.....四二
 馬蚊傷.....四二
 瘋犬蚊傷.....四二
 瘋犬蚊傷救法.....四二
 馬汗腫涎入瘡.....四二
 蛇蚊傷.....四二
 蜈蚣蚊傷.....四二
 蠍螫.....四二
 射工傷.....四二
 蚯蚓傷.....四二
 天蛇瘡.....四二
 繩縛傷.....四二
 百蟲入耳.....四二
 嬰兒部.....四二
 赤遊丹毒.....四二
 胎癩.....四二
 紅絲癩.....四二
 胎癩瘡.....四二
 痘癩.....四二
 葡萄瘡.....四二
 胎驚丹毒.....四二
 滯熱丹毒.....四二
 嬰兒瘡瘍.....四二
 垂癰.....四二
 胎風.....四二
 臍瘡.....四二
 臍突.....四二
 陰腫.....四二
 脫肛.....四二
 肛門作瘡.....四二

御纂醫宗金鑑 外科 目次

遺毒	一五三	痘癩	一五六	十二支日人神所在歌	一五七
痘裏夾瀉	一五四	痘風瘡	一五六	十干日不宜用鍼刺之病多	一五八
痘疔	一五五	逐日人神所在不宜鍼灸歌	一五七	反覆	一五八
痘裏法丹	一五六	十二時人神歌	一五七	九宮尻神歌	一五八

御纂醫宗金鑑卷上

外科

編輯外科心法要訣

十二經循行部位歌


手之三陽手外頭手之三陰胸內手足之三陽頭外足之三陰足內走(註)手之三陽手外頭者謂手陽明大腸經從手次指內側之端上行手臂外之上行(音杭)至頭鼻孔兩旁也手少陽三焦經從手四指外側之端上行手臂外之中行至頭耳前動脈也手太陽小腸經從手小指外側之端上行手臂外之下行至頭耳中珠子也手之三陰胸內手者謂手太陰肺經從胸乳上循行臍內下行肘臂內之上行至手大指內側之端也手厥陰心包絡經從腋下乳外循行臍內下行肘臂內之中行至手中指之端也手少陰心經從腋筋間循行臍外下行肘臂內之下行至手小指內側之端也足之三陽頭外足者謂足陽明胃經從頭目下循頰頸乳中下行腹外股膝跗之前行至足二指之端也足少陽膽經從頭目外眦循行繞耳顛顛下行脇跨膝跗之中行至足四指外側之端也足太陽膀胱經從頭目內眦循行額顛項背外行臀膕膕之後行至足小指外側之端也足之三陰足內走者謂足厥陰肝經從足大指外側之端循行前行上內踝上膕膕膝之中行內行陰器腹脇之外行上至乳下也足太陰脾經從足大指內側之端循行內踝膝裏股內之中行上行腹中至季脇也足少陰腎經從足心循行內踝足跟內循之後行上腹內至胸也諸陽行外諸陰行裏四肢背腹皆如此也



頭前正面歌

頭督唇任五中行，皆傍足太陽手陽。側上足少繞耳手，鼻傍手明唇足方。〔註〕頭之正面分五行，（音杭）其中行上
 脣唇以上屬督脈，下脣唇以下屬任脈。此為中行也。其第二行目內皆旁上屬足太陽經，鼻旁下屬手陽明經。此為

頭前正面圖




第二行也。其第四行，面額骨外旁屬手太陽經，頭側上屬足少陽經，繞耳前後屬手少陽經。此為第四行也。其第三
 行唇旁屬足陽明經，為第三行也。

頭後項頸歌

頭後七行督中行，惟二足太陽少陽。頸前任中二足明，三手四手太陽。五足少陽六是手，七足太陽督中行。〔註〕

頭後項頸分七行，其中行屬督脈，惟兩旁第二行屬足太陽經，其餘第三行、四行、五行皆屬足少陽經，頸前中行屬

頭後項頸圖




任脈二行屬足陽明經，三行屬手陽明經，四行屬手太陽經，五行屬足少陽經，六行屬手少陽經，七行屬足太陽經。項後中行屬督脈經也。


胸腹脊背歌

胸腹二行足少陰，三足陽明，四大陰，五足厥陰，六少陽，脊背二三足太陽，(註)胸腹之中行屬任脈，兩旁第二行屬足少陰腎經，第三行屬足陽明胃經，第四行屬足太陰脾經，乳下脇上第五行屬足厥陰肝經，脇後第六行屬足少

胸 腹 任 脈 圖



脊 背 圖




陽膽經脊外兩旁二行三行俱屬足太陽膀胱經脊之中行屬督脈經


手髀臂外內歌

手髀臂外上手明中手少陽下太陽手髀臂內上中下手太厥少分三行〔註〕手髀臂之外面係手三陽經部位也
 上行屬手陽明經中行屬手少陽經下行屬手太陽經手髀臂之內面係手三陰經部位也
 上行屬手太陽經中行屬手少陰經下行屬手厥陰經

手髀臂外圖



手髀臂內圖



足膝外內歌

足膝外前足陽明，中行少陽後太陽，足膝之內前中後，足厥太少分三行。
 〔註〕足膝之外面，係足三陽經部位也。前行屬足陽明經，中行屬足少陽經，後行屬足太陽經。足膝之內面，係足三陰經部位也。足大指外側之前行，股內之中行，屬足厥陰經，內側之中行，股內之前行，屬足太陰經，足心繞踝之後行，屬足少陰經。

足膝外圖



足膝內圖



肺經歌

太陰肺經起乳上系橫出腋肱中廉達肘循臂入寸口。
 上魚大指內側邊〔註〕手太陰肺經起於乳上三肋端。
 去中行旁開六寸腋前外彎前至臑間由肱中廉達肘。
 內循臂裏過前廉入寸口上魚際終於手大指內側去
 爪甲角如韭葉。

手太陰肺經圖



大腸經歌

手陽明大腸經圖



陽明之脈手大腸次指內側起商陽循手臂外過肘臑。
 達肩入缺上頸旁貫頰下齒出入中上俠鼻孔終迎香。
 〔註〕手陽明大腸經起於手大指之次指內側去爪甲
 角如韭葉許循大指次指之歧骨行臂外前廉過肘外。
 自臑達肩行缺盆直上頸頭之側環出入中之左右以
 俠鼻孔兩旁迎香穴而終焉。

胃經歌

陽明胃起目下胞從鼻入齒還承漿頤後頰裏上耳前額顙下循兩頸旁從缺盆口下乳中循腹腿班腿面行外抵
 膝臑走足跗至足中指外側齒〔註〕足陽明胃經起於目下鼻旁下夾口吻繞腮上行耳前至額角下行頸側夾結
 喉至肩橫骨陷中下行當乳之中去中行旁開四寸從乳頂下行至臑旁去中行旁開三寸從臑旁下行至腿之
 合縫去中行旁開二寸從合縫斜行向外直下膝外前廉至臑骨倒上復轉注而下行至足中指之端去爪甲角如

足陽明胃經圖



荏苒而止。

脾經歌

太陰脾起足大指上循內側白肉際核骨之後內踝前上臚循行脛膝裏股內前廉入腹中斜行九肋季脇止〔註〕
足太陰脾經起於足大指端內側去爪甲角韭葉許由內側白肉際核骨之後過內踝之前自裏中廉上膝由大腿
內廉入腹裏至乳上旁開四寸五分至胸中行旁開六寸許是其部也向外行至九肋間季脇之端而終。

足太陰脾經圖



心經歌

少陰心經筋。腕後肘臂內後廉。由內後廉至銳骨。小指內側爪甲端。〔註〕手少陰心經起於臂內腋下筋間。循臂肱之外後廉。至肘內廉。循臂內後廉。下抵掌後銳骨之中。行於手小指內側。去爪甲角如韭葉許而終。

手少陰心經圖



小腸經歌

太陽小腸小指端。循手外廉。踝骨前。從手踝骨出肘外。上循臑外出後廉。上過肩。解繞肩胛。交肩貫頸。曲頰邊。面鳩骨下陷中。取耳中珠子經穴。〔註〕手太陽小腸經起於手小指外側之端。去爪甲角如韭葉許。由手外側至手踝骨之前。行肘外後廉。上循臑外。過肩後廉。而上行肩。自肩貫頸。過曲頰斜上顴骨。至耳前而終。

手太陽小腸經圖



膀胱經歌

太陽膀胱起內眦。上額交顛耳後尋。下項循肩膊內。俠脊抵腰下。貫臀。貫臀斜入委中穴。與支下合。膈中存。貫臍。

內出外踝後小指外側終至陰〔註〕足太陽膀胱經起於目內眦上額交顛從顛至耳上角後行下項循肩膊內有
 二道一道俠脊旁開寸半抵腰中腰中有四空從腰中下貫臀入臍中一道又從膊內左右分下貫胛俠脊內旁開
 三寸下過髀樞循髀外後廉下合臍中以下貫臍內出外踝之後循京骨至小指外側端去爪甲角如韭葉許至陰
 穴而終

圖經膀胱陽太足



腎經歌

少陰腎經起足心上內踝骨足後跟上臚出臚入股內行
 至胸中部位分〔註〕足少陰腎經起於足心陷中循內踝
 入足後跟中行內踝之上上臚分中出臚內廉後股內上
 行至合縫自合縫上行去腹中行旁開一寸至臍從臍旁
 上行腹上去中行旁開一寸五分從腹上行至胸中旁開
 二寸而終

圖經腎陰少足



心包絡經歌

厥陰心包腋下起，腋下乳外膈內行，入肘下行兩筋間，入掌中指之端止。〔註〕手厥陰心包絡經起於腋下三寸，乳外側二寸許，從腋下向外上轉循臂內，入肘內下行兩筋之間，入掌中，循中指出其端而終。

三焦經歌

手少陽三焦經圖



膽經歌

少陽膽經起外背，繞耳前後上額顛，顛後頸肩腋季脇，跨膝踝附小指出。〔註〕足少陽膽經起於目外眥斜貫耳前，循行耳後，上抵額顛至顛後，行頸側過肩下腋，走之身側季脇，下腿跨行膝之外，至外踝之前，內行足跗，至足小指次指之外側，去爪甲角如韭葉許而終。

手厥陰心包絡經圖



少陽三焦四指端，手腕臂外兩骨間，貫肘上肩項耳後，上繞耳前動脈間。〔註〕手少陽三焦經起於手小指次指之外側，去爪甲角如韭葉許，由小指次指岐骨之間上行，手腕臂外兩骨中間，貫肘上肩，由肩項至耳後，上繞耳上角，下循耳前動脈而終。

足少陽膽經圖



肝經歌

厥陰肝經起聚毛，循行足跗內踝間，上膈環陰器，季肋上行乳下二肋端。〔註〕足厥陰肝經起於足大指後，去爪甲，莖葉聚毛處，循行足跗上面，走內踝，上行膈，膈過膝，直上環陰器，向外灣行至季肋內，斜上行直乳下二肋端而終。

圖經肝陰厥足



任脈



任脈歌

任脈起於兩陰中，上行毛際腹中行，頸下結喉中央，唇稜下陷承漿名。〔註〕任脈起於前陰後陰之中間，前行橫骨，上行毛際，由毛際直上腹之中行，上行頸下結喉上之中央，由結喉上行，至下唇稜下陷中而終。


督脈歌

督脈起於尻骨端，後行脊背腰腦顛，前行鼻柱皆中道，唇內齒上齦縫間。〔註〕督脈起於尻骨之端，由尻骨後行脊背之中行，上行至顛頂之中，前行至鼻下人中，至唇內門牙之中縫而終。

圖脈督



分配藏府脈圖



按素問脈要精微論曰尺內兩旁則季脇也尺外以候腎尺內以候腹中附上左外以候肝內以候胃右外以候脾內以候脾上附上右外以候肺內以候胸中左外以候心內以候膻中然外以候府內以候藏內經脈書確然可考豈有獨於脾胃則曰右外以候胃內以候脾者耶當以右外以候胃內以候脾之句爲正其尺外之外字當是內字尺裏之裏字當是外字中附上左右之內外字上附上左右之內外字皆當改之故不循舊圖所列以符內候藏外候府之義

脈訣

脈部位歌

脈爲血脈百骸通大會之地寸口宗掌後高骨名關上關之前後寸尺名註脈者血之府也周身血脈運行貫通十二經中皆有動脈獨取寸口者蓋以其經每至寅時各經之氣皆上朝而大會於肺故曰寸口宗也掌後有高骨

隆起界於尺脈寸脈之間名曰關部關前之位其名曰寸關後之位其名曰尺尺寸者謂從關上至魚際長一寸從關下至尺澤長一尺故名之也。

脈分主歌

上焦候寸下焦尺中焦之候屬兩關包絡與心左寸應膽與肝家在左關膀胱小腸腎左尺胸中及肺右寸間胃與脾脈右關取大腸並腎右尺班〔註〕兩寸之脈主候上焦胸中兩關之脈主候中焦膈中兩尺之脈主候下焦腹中左寸之脈浮候包絡沉以候心左關之脈浮以候膽沉以候肝左尺之脈浮候膀胱小腸沉以候腎右寸之脈浮候胸中沉以候肺右關之脈浮以候胃沉以候脾右尺之脈浮候大腸沉亦候腎此遵內經分配三部診脈法也。僞訣以大腸小腸配寸三焦命門配尺包絡竟置不問悉屬不經滑壽以左尺候小腸膀胱右尺候大腸千古隻眼也當從之。

浮沉脈歌

浮沉從肉上下行皮浮屬肺血心經筋沉屬肝骨沉腎肌肉為脾候在中〔註〕脈從肉上行者謂之浮脈從肉下行者謂之沉然心肺俱浮於皮毛取之而得者肺之浮也於血脈取之而得者心之浮也故曰皮浮屬肺血心經也肝腎俱沉以筋平取之而得者肝之沉也至骨取之而得者腎之沉也故曰筋沉屬肝骨沉腎也肌肉在浮沉之間屬腎其候在中故曰候在中也凡脈以部位而得者皆統於浮沉故以浮沉為提綱以統濡弱扎伏牢革虛實微散諸脈也。

濡弱扎伏牢革諸脈歌

浮沉無力曰濡弱中取無力扎脈看沉極筋骨為伏脈浮沉極力革牢參〔註〕浮而無力謂之濡脈沉而無力謂之弱脈浮沉有力中取無力狀如葱管謂之扎脈沉極推至筋骨按之而始得者謂之伏脈浮而極有力者謂之革脈

沉而極有力者謂之牢脈

虛實微散諸脈歌

三部有力曰實脈。三部無力虛脈稱。三部無力而且小似有如無微脈名。三部無力而且大渙漫不收散脈形。〔註〕浮中沉三部俱有力謂之實脈。浮中沉三部俱無力謂之虛脈。浮中沈三部無力按之且小似有似無謂之微脈。浮中沉三部無力按之且大渙漫不收謂之散脈。

遲數緩疾結促代諸脈歌

三至爲遲六至數四至爲緩七至疾緩止爲結數止促動止難還代脈證。〔註〕一呼一吸謂之一息。一息三至謂之遲脈。一息四至謂之緩脈。一息六至謂之數脈。一息七至謂之疾脈。緩脈動時一止謂之結脈。數脈動時一止謂之促脈。結促之脈動而中止不能自還謂之代脈。凡脈以至數而得名者皆統於遲數故以遲數爲提綱。以統緩疾結促代五脈也。

滑瀉弦緊洪細大長短動諸脈歌

滑脈如珠溜不定瀉脈滯澀往來艱弦脈端直細且勁緊比弦粗勁且彈來盛去衰洪脈是細則如絲大豁然長脈迢迢短縮縮如豆搖搖作動者。〔註〕形狀如珠滑溜不定謂之滑脈。往來滯澀進退維艱謂之瀉脈。狀如弓弦細而端直按之且勁謂之弦脈。較弦則粗按之勁左右彈者謂之緊脈。上來應指而感下去減力而衰謂之洪脈。脈形軟直如絲者謂之細脈。脈形粗大豁然者謂之大脈。來去迢迢而長謂之長脈。來去縮縮而短謂之短脈。其形如豆約約動搖不移者謂之動脈。凡脈以形狀而得名者皆統於滑瀉故以滑瀉爲提綱。以統弦緊洪細大長短動八脈也。

癰疽疔脈疔見癰脈歌

癰脈脹宜洪大數若逢年短化膿難疽脈最宜沉與弱浮大且散命歸泉〔註〕癰乃陽毒應見陽脈若洪大而數則毒易潰若見牢短之脈則爲陰凝氣少故曰化膿難也疽乃陰毒脈應見沉與弱是爲順脈若見浮大而散則爲陽脫氣敗故曰命歸泉也

癰疽伏脈歌

癰疽伏脈理當明毒閉於經六脈停審證無凶宜穿發氣通脈道自然行〔註〕癰疽二證有見伏脈者皆由於毒氣閉塞經絡榮衛壅滯之故以致六脈停止沉伏不見也若審其證無凶象非死脈也治之惟宜穿通經絡宣發榮衛使氣得通而脈道自然行矣

腫瘍潰瘍浮脈歌

腫瘍浮脈恐多虛或有風寒在表居潰後脈浮氣外瀉頻加補劑始相宜〔註〕腫瘍脈浮者非氣血不足卽爲風寒在表須詳證施治潰瘍脈浮者乃氣從外瀉須補劑調養始爲合法

腫瘍潰瘍沉遲脈歌

腫瘍沉脈多毒閉潰後多毒在內存無力須詳毒內陷遲寒數熱更當分〔註〕腫瘍不當脈沉而脈沉者乃毒閉使然也潰後而沉者是毒尙存於內也若沉而無力恐內虛毒陷當詳審之沉而遲則爲兼寒沉而數則爲兼熱更當分別

腫瘍潰瘍數脈歌

腫瘍數脈宜熱毒數且兼洪欲作膿潰後洪大爲病進膿出洪數治無功〔註〕腫瘍脈數作膿兼洪皆正應之脈也若潰後洪大膿出數洪者皆爲邪盛正虛病脈相反其病日進治亦無功

腫瘍潰瘍滑脈歌

腫瘍潰脈尚爲順初起有痰治痰宜潰後痰多恐氣乏喘生毒陷死之機〔註〕滑主流通腫瘍初起脈滑無痰尚爲順脈若有痰則當以治痰爲急恐潰後痰多氣乏必致喘生毒陷而死也。

腫瘍潰瘍瀆脈歌

腫瘍瀆脈屬毒滯有力爲實無力虛潰後脈瀆爲傷血急補氣血莫遲疑〔註〕瀆主滯澀腫瘍初起脈瀆者乃氣血爲毒滯之徵若按之有力毒滯爲實按之無力正損爲虛不可不辨若潰後脈瀆爲傷血不足之象急當大補氣血莫遲疑也。

腫瘍潰瘍虛實脈歌

腫瘍脈虛宜內託潰後內虛大補寧腫瘍脈實宜消散潰後如實毒未清〔註〕腫瘍未潰脈虛者不須攻毒惟宜內託已潰脈應虛者急當以大補收功如腫瘍未潰脈實者當消毒散毒已潰脈實者乃毒氣猶未清也。

腫瘍潰瘍長脈歌

腫瘍長脈爲有餘消散之方任所施潰後得之爲氣治條然和暢不須醫〔註〕腫瘍見脈長者乃氣血有餘消散之方任意施治潰後脈長者乃氣之暢也故曰氣治不待醫藥自能愈也。

腫瘍潰瘍短脈歌

腫瘍短脈元氣虛大加補劑始相宜潰後脈短爲虛甚補之仍短決死期〔註〕腫瘍脈短者元氣虛也非大加補益之劑不可潰後脈短者虛之甚也若補之而脈仍短者則爲敗證其死必矣。

腫瘍潰瘍洪脈歌

腫瘍洪脈陽熱感宣熱攻毒必有功潰後洪脈毒留內治之不退自然凶〔註〕腫瘍未潰脈洪者熱感也宣熱攻毒之法可施若潰後脈洪者邪感也服藥而脈洪不退者爲正虛邪感其凶不免。

腫瘍潰瘍微脈歌

腫瘍微脈爲虛候內託受補始能痊潰後見此雖爲順微細無神作逆觀〔註〕腫瘍脈微者乃虛候也當以內託補劑爲主受補者方能痊可若潰後脈微雖爲順候設按之微細無神則根本已虧亦當作逆證觀也

腫瘍潰瘍動緊脈歌

腫瘍將發脈動緊乃因毒氣外搏經潰後見之毒內搏此爲殘賊證不輕〔註〕腫瘍見動脈緊脈者乃毒氣外搏於經之象也若潰後見動緊之脈則爲毒氣內搏於臟腑之象蓋動緊乃殘賊之脈潰後不宜見之故曰證不輕也

腫瘍潰瘍緩脈歌

腫瘍脈緩何須藥和緩從容最吉祥潰後見之爲胃好便和飲食自然康〔註〕腫瘍脈緩乃氣血和平不待服藥自然安愈之吉兆也潰後見之則爲胃和飲食自甘二便自調其證自然康寧也

腫瘍潰瘍扎弦脈歌

腫瘍扎脈血原虛潰後見扎理所宜腫瘍弦脈邪作痛潰後而弦邪病脾〔註〕腫瘍未潰脈扎者其血必素虛也潰後見扎乃去血之後亦理之所宜也腫瘍脈弦者乃毒攻作痛之象蓋弦主痛也若潰後脈弦者則爲肝邪侮脾蓋弦乃肝脈也

腫瘍潰瘍牢脈歌

腫瘍牢脈爲邪固未作膿時脈見牢已潰見牢邪難已結核瘰癧不能消〔註〕腫瘍脈牢未作膿時見之主毒邪牢固難消潰後見之邪亦難已若一切結核瘰癧見此牢脈皆主牢固不能消之候也

腫瘍潰瘍濡弱脈歌

腫瘍濡弱脈不足扶虛託裏始能痊潰後雖爲脈病應但無虛候始得安〔註〕腫瘍脈見濡弱不足者必用扶元託

裏之劑始能痊也。潰後脈見濡弱，雖爲脈病相應，但無虛證，始得安全。若精神疲憊，飲食不思，亦危候也。

腫瘍潰瘍散脈歌

腫瘍散脈最可愁，毒感氣散不能收。潰後見斯亦爲逆，投補固或無憂。〔註〕腫瘍最忌散脈，蓋散脈爲毒感氣散，不能收功之診。潰後見之，亦主逆也。急投補虛收固之劑，或有生者。

腫瘍潰瘍大細脈歌

腫瘍脈大爲順候，潰後脈大不相宜。腫瘍潰後脈細小，總主癰疽氣血虛。〔註〕腫瘍脈大爲正實，毒必易出爲順候也。潰後脈大爲病進，其毒難化爲不宜也。腫瘍潰瘍脈見細小者，總屬氣血兩虛，惟大補爲宜。

腫瘍潰瘍促脈歌

促脈無分腫潰瘍，總爲陽結不宜常。漸退毒散猶可愈，常進不退必然亡。〔註〕腫瘍潰瘍脈見促者，皆爲陽結，但宜暫而不可常也。如促脈漸漸而退，則毒亦漸漸而散，猶或可愈。若常進不退，其亡必矣。

腫瘍潰瘍結代脈歌

腫瘍結脈爲陰結，急宜溫解始能康。潰後見結陰虛歇，如代之歇定然亡。〔註〕腫瘍脈結者，乃陰結也。急用溫散解毒之劑，始可獲效。若潰後見結脈，則爲陰虛之歇止，尚不主死。若如代脈之歇，動而中止，不能自還，則爲眞臟之脈，見定主亡也。

十二經氣血多少歌

多氣多血惟陽明，少氣太陽厥陰經。二少太陰常少血，血虧行氣補其榮。氣少破血宜補氣，氣血兩充功易成。厥陰少陽多相火，若發癰疽最難平。〔註〕人之十二經，有氣血多少之分。多則易愈，少則難痊。瘍醫明此，臨證可豫知癰疽瘡瘍之始終難易，而用藥消補之法始當也。如手陽明大腸、足陽明胃，此二經常多氣多血；手太陽小腸、足太陽

膀胱手厥陰包絡足厥陰肝此四經常多血少氣手少陽三焦足少陽膽手少陰心足少陰腎手太陰肺足太陰脾此六經常多氣少血大法血多者則破其血氣多者則行其氣氣少者難於起發宜託補之血少者難於收斂宜滋養之氣血兩充則易於起發易於收斂惟手足厥陰少陽四經倍多相火此四經若發癰疽肌肉難長瘡口難合倘過用驅毒峻利之藥以伐其氣以消其血必難收功故明其經之氣血多少則用藥不致有妄汗妄下之弊矣

癰疽總論歌

癰疽原是火毒生經絡阻隔氣血凝外因六淫八風感內因六慾共七情飲食起居不內外負挑跌撲損身形膏粱之變榮衛過藜藿之虧氣血窮疽由筋骨陰分發肉脈陽分發曰癰瘍起皮裏肉之外瘡發皮膚癩通名陽威痲腫赤痛易陰威色黯陷不疼半陰半陽不高腫微痛微焮不甚紅五善爲順七惡逆見三見四死生明臨證色脈須詳察取法溫涼補汗攻善治傷寒雜證易能療癰疽腫毒精〔註〕經云諸痛癢瘡瘍皆屬心火故曰癰疽原是火毒生也癰疽皆因榮衛不足氣血凝結經絡阻隔而生故曰經絡阻隔氣血凝也其因有三外因內因不內外因也外因者由於春之風夏之熱暑長夏之濕秋之燥冬之寒也當其時而至則爲正氣非其時而至或過感則爲淫邪凡此六淫爲病皆屬外因亦有因於八風相感如冬至日正北大剛風立春日東北凶風春分日正東嬰兒風立夏日東南弱風夏至日正南大弱風立秋日西南謀風秋分日正西剛風立冬日西北折風應時而至主生養萬物不應時而至主殺害萬物若人感受內生重病外生癰腫凡此八風爲病亦屬外因故曰外因六淫八風感也內因者起於耳聽淫聲眼觀邪色鼻聞過臭舌貪滋味心思過度意念妄生皆損人神氣凡此六慾爲病皆屬內因又有喜過傷心怒過傷肝思過傷脾悲過傷肺恐過傷腎憂久則氣結卒驚則氣縮凡此七情爲病亦屬內因故曰內因六慾共七情也不內外因者由於飲食不節起居不慎過飲醇酒則生火消灼陰液過飲茶水則生濕停飲過食五辛則損氣血傷飢失飽則傷脾胃凡此皆飲食之致病也晝日過勞挑輕負重跌撲捫墜等類損其身形夜不靜息強力入

房勞傷精氣凡此皆起居之致病也其起於膏梁厚味者多令人榮衛不從火毒內結起於藜藿薄食者多令人胃氣不充氣血虧少凡此亦屬不外因也人之身體計有五層皮脈肉筋骨也發於筋骨間者名疽屬陰被於肉脈之間者名癰屬陽發於皮裏肉外者名曰瘍毒只發於皮膚之上者名曰瘡癤凡癰疽陽成者初起焮腫色赤疼痛則易潰易斂順而易治以其爲陽證也陰成者初起色黯不紅塌陷不腫木硬不疼則難潰難斂逆而難治以其爲陰證也半陰半陽者漫腫不高微痛不甚微焮不熱色不甚紅此證屬險若能隨證施治不失其宜則轉險爲順否則逆矣五善者五善之證也諸瘡見之爲順則易治七惡者七惡之證也諸瘡見之爲逆則難治凡患癰疽者五善爲順七惡爲逆見三善者則必生見四惡者則必死也醫者於臨證之時須詳察色脈宜溫者溫之宜涼者涼之宜補者補之宜汗者汗之宜攻者攻之庶有濟也然外證癰疽猶如內證傷寒善治傷寒則雜病無不易治能療癰疽則諸瘡無不精妙蓋以能辨表裏陰陽虛實寒熱也

癰疽陽證歌

陽證初起焮赤痛根束聲清腫如弓七日或疼時或止二七瘡內漸生膿痛隨膿減精神爽腐脫生新氣血充嫩肉如珠顏色美更兼鮮潤若榴紅自然七惡全無犯應當五善喜俱逢須知此屬純陽證醫學調和自有功〔註〕凡癰疽初起焮熱赤痛根束者壘不散也聲清者不漫腫也腫如弓者高腫也此皆屬陽之證故潰膿脫腐生新收口俱見易也

癰疽陰證歌

陰證初起如粟大不紅不腫痞瘡僵木硬不痛不焮熱瘡根平大黯無光七朝之後不潰腐陷軟無膿結空倉瘡上生衣如脫甲孔中結子似含芳紫黑膿稀多臭穢若見七惡定知亡須知此屬純陰證雖有岐黃命不長〔註〕凡癰疽初起如粟米大之痞瘡不紅不腫不焮熱木硬不痛瘡根散漫色黯無光者此皆屬陰之證故不潰腐空倉無膿

生衣如甲葉不脫。孔中結子如花含子紫黑膿清臭穢俱見難愈也。

癰疽半陰半陽歌

陰陽相半屬險證。陽吉陰凶生死昭。似陽微痛微掀腫。如陰半硬半腫高。腫而不潰因脾弱。潰而不斂爲膿鏡。五善之證雖兼有。七惡之證不全逃。若能飲食知味美。二便調和尙可療。按法施治應手效。陽長陰消自可調。〔註〕凡癰疽似陽不甚。愀熱腫痛似陰不甚。木硬平陷。此屬半陰半陽之險證。若漸生善證則生。漸生惡證則死也。

癰疽五善歌

心善精神爽。言清舌潤鮮。不躁不煩渴。寤寐兩安然。肝善身輕便。不怒不驚煩。指甲紅潤色。瘦和便不難。脾善唇滋潤。知味喜加餐。膿黃稠不穢。大便不稀乾。肺善聲音響。不喘無嗽痰。皮膚光潤澤。呼吸氣息安。腎善不午熱。口和齒不乾。小水清且白。夜臥靜如山。〔註〕寤寐者醒與睡也。不怒不驚者不自怒驚也。瘦者小水也。便者大便也。不午熱者不午後發熱也。

癰疽七惡歌

一惡神昏憤。心煩舌燥乾。滄色多紫黑。言語自呢喃。二惡身筋強。目睛正視難。瘡頭流血水。驚悸是傷肝。三惡形消瘦。瘡形陷又堅。膿清多臭穢。不食脾敗難。四惡皮膚槁。痰多韻不圓。喘生鼻煽動。肺絕必歸泉。五惡時引飲。咽喉若燎烟。腎亡容慘黑。囊縮死之原。六惡身浮腫。腸鳴嘔餽繁。大腸多滑泄。臟腑敗之端。七惡瘡倒陷。如剝鱗一般。時時流污水。四肢厥逆寒。〔註〕呢喃言語不清也。驚悸心驚跳也。消瘦肌肉消瘦也。皮膚槁乾槁也。韻不圓不響亮也。鼻煽動鼻孔煽動也。咽喉若燎烟乾熱嗆痛也。容慘不樂也。囊縮外腎縮也。嘔餽嘔而作格逆也。如剝鱗瘡面無皮似剝皮鱗魚之狀也。

癰疽順證歌

順證初起小漸大憎寒壯熱漸熾氣感頂尖高腫起血感根脚收束紅陽證二七膿熱潰陰證廿一膿始成已潰
斃氣無滄氣腐脫新生飲食增瘡形雖大終無害老少壯弱俱成功〔註〕癰疽初起從小而大漸漸憎寒壯熱漸漸
疼痛赤氣感者頂尖高腫而起血感者則根脚收束而紅此順證也陽證則十四日而膿即熟者陽性速也陰證
必待廿一日而膿始成者陰性遲也已潰膿有醃氣而無滄氣者則腐肉易脫新肉易生飲食自增瘡形雖大終無
害也醃氣卽俗呼哈拉氣也

癰疽逆證歌

逆證黍米不知疼漫腫不熱頂塌平未老白頭堅且硬舌乾煩躁不生膿肉腫瘡陷豬肝紫遺尿直視并撮空眼神
透露精神短身縮循衣脅吻青面若塗脂皮枯槁唇白腹脹定難生已潰內堅皮破爛腐後心煩膿水清新肉不生
多臭穢頭低項軟憔悴容陽病指甲青必絕陰病顛紅命必終鼻生煙煤謔妄語新肉板片瀉直傾面色土黃耳枯
黑人中抽縮溝坦平口張氣出無回返鼻孔相撮隨息行汗出如珠不易散血水如肺痰膠凝肉綻爛斑神離亂滿
面黑氣慘天庭綿潰內似葡萄椀眼昏迷漫黑氣濃以上無論腫與潰但逢此證悉屬凶〔註〕癰疽初起形如黍米
不知疼痛漫腫不熱頂見平塌未潰白頭按之堅硬舌乾煩躁此等逆證決不化膿肉腫瘡不腫而陷其色如猪肝
之紫者是毒邪已深也若更見遺尿直視神露神短撮空循衣脅吻青面若塗脂皮膚枯槁唇白腹脹種種惡候斷
無生理已潰後內堅皮爛腐後心煩膿水清稀新肉不生臭穢難近頭低項軟形容憔悴陽病指甲青色陰病兩顛
紅赤以至眼昏迷漫黑氣濃等證無論毒之腫潰但逢此數者皆爲凶證難治也

癰疽辨腫歌

虛漫實高火嫩紅寒腫木硬紫黯青濕深肉綿淺起胞風腫宣浮微熱痰腫硬綿不紅熱鬱結更硬若巖稜氣腫
皮緊而內軟喜消怒長無熱紅瘀血跌撲暴腫熱產後閃挫久瘀經木硬不熱微紅色將潰色紫已成膿〔註〕人之

氣血周流不息，稍有壅滯，即作腫矣。然腫有虛腫、實腫、寒腫、濕腫、風腫、痰腫，有鬱結傷肝作腫，有氣腫，有跌撲瘀血作腫，有產後與閃挫瘀血作腫，諸腫形勢各異。如虛者漫腫，實者高腫，火腫者色紅，皮光焮熱，癰硬，寒腫者其勢木硬，色紫黯，膏濕腫者皮肉重墜，深則按之如爛綿，淺則起光亮水疱，破流黃水，風腫者皮膚拘皺，不紅，其勢宜浮微熱，微疼，痰腫者軟如綿，硬如錘，不紅不熱，鬱結傷肝作腫者，不紅不熱，堅硬如石棱角，狀如巖凸，氣腫者以手按之，皮緊而內軟，遇喜則消，遇怒則長，無紅無熱，皮色如常，跌仆瘀血作腫者，暴腫大熱，脾脹不紅，產後與閃挫瘀血作腫者，瘀血久滯於經絡，忽發則木硬不熱，微紅，若膿已成而將潰者，其色必紫，諸腫形狀如此，不可一概而論也。

癰疽辨痛歌

輕痛肌肉皮膚淺，重痛深在骨筋間，虛痛飢甚不眠閉，喜人揉按暫時安，實痛飽甚多眠閉，畏人挨按痛難言，寒痛喜煖色不變，熱痛掀痛遇冷歡，膿痛鼓長按復起，瘀痛隱潰不然，風痛氣痛皆走注，風刺氣刺細心看，〔註〕痛由不通，然亦種種不一，有輕痛、重痛、虛痛、實痛、寒痛、熱痛、膿痛、瘀血凝結作痛、風痛、氣痛之別，輕痛者肌肉皮膚作痛，屬淺，重痛者痛徹筋骨，屬深，虛痛者腹飢則甚，不脹不閉，喜人揉按，暫時可安，實痛者食飽則甚，又脹又閉，畏人挨按，痛不可言，寒痛者痛處定而不移，皮色不變，遇煖則喜，熱痛者皮色焮赤，遇冷則歡，膿痛者增寒壯熱，形勢鼓長，按而復起，瘀血凝結作痛者，初起隱隱作痛，微熱微脹，將潰則色紫微痛，既潰則不疼，風痛者走注甚速，氣痛者流走無定，刺痛難忍，諸痛如此，不可不詳辨也。

癰疽辨膿歌

癰疽未成宜消託，已成當辨有無膿，按之堅硬無膿象，不熱無膿熱有膿，大軟應知膿已熟，半軟半硬膿未成，按之即起膿已有，不起無膿氣血窮，深按速起稀黃水，深按緩起壞污膿，實而痛甚內是血，內是氣令按不疼，輕按即痛，知膿淺，重按方疼，深有膿，薄皮剝起其膿淺，皮不高阜膿必濃稠黃，白膿宜先出，桃紅紅水次第行，肥人膿多瘦人

少反此當究有變凶稠黃氣實虛稀白粉漿污水定難生汗後膿穢猶可愈膿出身熱治無功〔註〕凡看癰疽瘡瘍形勢未成者即用內消之法若形勢已成即用內託之法當辨膿之有無淺深以手按之堅硬者無膿之象按之不熱者無膿熱者有膿按之大軟者內膿已熟半硬者膿未全成按之指起即復者有膿不復者無膿其氣血必窮而虛甚也深按之而速起者內是稀黃水深按之而緩起者內是壞汚膿按之實而痛甚者內必是血按之虛而不疼者內必是氣輕按即痛者其膿淺重按方痛者其膿深薄皮刺起者其膿必淺皮色不變不高阜者其膿必稠大抵癰疽瘡瘍先宜出黃白稠膿次宜出桃花膿再次宜流淡紅水胖人宜於膿多瘦人宜於膿少若胖人膿少是肉不腐瘦人膿多是肉敗壞皆非吉也又凡氣實者多稠黃膿氣虛者多稀白膿半虛半實者多稠白膿又有膿出如粉漿如污水者謂之敗膿不治之證也命必難生惟汗後膿穢者可愈若穢已出而身猶大熱不休者治亦無功蓋癰疽之得膿如傷寒之得汗汗出而反大熱者壞傷寒也膿出而身猶大熱者壞癰疽也

癰疽辨癢歌

初起作癢因風熱潰後膿溼或冒風將斂作癢生新肉癢若蟲行氣血充〔註〕癢屬風亦各有因凡腫瘍初起皮膚作癢者爲風熱相搏潰後作癢者輕由膿溼甚由瘡口冒風故突起疙瘡形如小米抓破之後津水者是脾濕津血者是脾燥若將斂作癢者緣初腫時肌肉結滯氣血罕來乃至將斂氣血漸充助養新肉故癢也然必癢若蟲行方稱美疾他如疥癬作癢皆屬風淫勿視爲一類也

癰疽辨暈歌

眞暈應知非腫痕瘡旁形狀若紅筋藏府蘊受銳毒發三暈可愈五傷身〔註〕俗以腫痕爲暈非眞暈也眞暈生於瘡口之旁狀若紅筋皆由藏府蘊受銳毒而成二三暈可治五暈難醫

癰疽總論治法歌

癰疽瘡瘍初如粟，麻澆熾痛即大毒。不論陰陽灸最宜，灸後湯洗膏固護。內用疎解與宣通，外宜敷藥四圍束。輕證神燈照三枝，平塌須急補不足。高腫不可過於攻，內熱毒感須消毒。二便秘結宜通利，臟腑宣通方爲福。十日以後瘡尚堅，鉸鍼點破最宜先。半月之後膿若少，藥筒拔提膿要黏。瘡已潰爛腐不脫，當腐剪破開其竅。能令膿管得流通，自然瘡頭無閉塞。頻將湯洗忌風吹，去腐須當上靈藥。生肌散用將斂時，保養須勤毋怠惰。切忌膿出投寒涼，冬宜溫室夏明窗。肌肉長平將蒼斂，謹慎調理更加詳。新肉如珠皮不斂，若失保養命多亡。〔註〕癰疽瘡瘍初起如粟，若麻癢熾痛者，卽毒甚也。七日以前形勢未成，不論陰陽，俱先當灸之。輕者使毒氣隨火而散，重者拔引鬱毒通徹內外，實良法也。灸完卽用湯洗之法，洗完用太乙膏貼於瘡頂上，預防風襲。內服疎解宣通之劑，如神授衛生湯內陳黃連湯蟾酥丸之類。外國敷藥，如沖和膏玉龍膏之類。四圍束之，輕證以神燈照之，每用三枝。如形勢已成，當因證施治。平塌者宜投補劑，以益其不足，使毒外出。高腫者不可過於攻伐，以傷元氣，致難潰斂。內熱感者，須佐消毒之劑，以防毒熾。二便秘結者，急用通利之方，使臟腑宣通，方爲佳兆。如十日之後，瘡尚堅硬，必須用鉸鍼當頭點破。半月之後，膿尙少者，急用藥筒拔法拔之。膿血膠黏者爲順，紫血稀水者爲逆。過二十一日，縱有稀膿，亦難治矣。若已潰之後，腐仍不脫，堪瘡瘡口者，用刀剪當頭開寸餘，使膿管通流，自然瘡不閉塞。拔膿剪腐已完，用方盤一箇，瘡下放定，將猪蹄湯以輭帛淋洗瘡上，併入孔內，輕手擦淨內膿。庶敗腐宿膿隨湯而出，以淨爲度。再以輭帛疊成七八重，勿令太乾，帶湯乘熱覆於瘡上。兩手輕按片時，帛溫再換。如此洗按四五次，血氣疏通，患者自然爽快。每日如是洗之，謹避風寒，腐肉處以黃靈藥搽之。候腐肉脫盡，已見紅肉時，洗後隨用抵脚挑玉紅膏於手上，塗化搽塗瘡口內。外用太乙膏蓋之，不數日新肉頓生，瘡勢將斂，以生肌散或珍珠散撒之，保養謹慎，不可怠緩。膿出後切忌投以寒涼之藥，患者冬宜溫室，防其寒也。夏宜明窗，避風暑也。肌肉長平，瘡斂時尤加小心，謹慎調理，卽使新肉如珠，皮口將斂，若調理疏忽，失於保養，恐致虛脫暴變，命必危亡矣。

內消治法歌

內消表散有奇功，脈證俱實用最靈。脈證俱虛宜兼補，發渴便秘貴疏通。清熱解毒活氣血，更看部位屬何經。主治隨加引經藥，毒消肌肉自然平。〔註〕經云：發表不遺熱。又云：汗之則瘡已。故曰：內消表散有奇功也。惟脈證俱實者，斯可用之。若脈證俱虛，便宜兼補。發渴便秘，須急疏行，不可概施表散之劑也。癰疽皆因氣血凝結，火毒太盛所致，故以清熱解毒活氣活血為主，更宜詳看部位，屬何經絡，即用引經之藥以治之，則腫痛自消，肌肉自平矣。

內託治法歌

已成不起更無膿，堅硬不赤或不疼。膿少清稀口不斂，大補氣血調衛榮。佐以祛毒行滯品，寒加溫熱禦寒風。腫消膿出腐肉去，新生口斂內託功。〔註〕凡瘡腫已成，不能突起，亦難潰膿，或堅腫不赤而疼，或不疼，膿少清稀，瘡口不合，皆氣血虛也。宜以大補氣血，調和榮衛爲君，祛毒爲佐，加以辛香，行其鬱滯，加以溫熱，禦其風寒，俟膿出腫消，腐肉盡去，氣血充足，新肉自然生矣。

虛實治法歌

癰疽未膿灸最良，藥服託裏自安康。發熱惡寒身拘緊，無汗表散功最長。腫硬口乾二便秘，下利毒熱自然涼。掀痛熱感煩躁渴，便和清熱自吉昌。內膿不出瘀肉塞，用刀開割法相當。輕漫無膿不腐潰，宜服溫補助生陽。潰後新肉如凍色，倍加溫熱自吉祥。大汗亡陽桂枝附，自汗肢厥四逆湯。脾虛潰後肌消瘦，膿水清稀面白黃。不眠發熱瘡口懈，食少作渴大便澀。宜服清補助脾劑，投方應證保無妨。〔註〕凡治癰疽，不問陰陽表裏，日數遠近，但未見膿時，俱宜灸之。掀腫發熱，脈浮者，宜用託裏之藥。若脈緊，發熱惡寒，偏身拘緊，無汗者，宜用表散之藥。腫硬口乾，二便秘澀者，宜用下利之藥，以洩其毒。熱掀痛勢深，煩躁飲冷，口燥舌乾便和者，宜用清熱之藥。內膿不出，瘀肉堵塞瘡口者，用刀開割之，輕漫無膿，不腐潰者，陽虛也，助以溫補之劑，以生其陽。潰後新肉生遲，如凍色者，肉冷肌寒也，宜倍加

溫熱之藥如大汗不止者亡陽也宜用桂枝附子等藥自汗肢厥者宜用四逆湯若潰後肌肉消瘦膿水清稀面色黃白者脾虛也不寐發熱者虛火上炎也瘡口懈大者氣陷不固也食少作渴大便澹者脾虛熱也俱宜服清補助脾之藥

癰疽鍼法歌

取膿除瘻用鉞鍼輕重疾徐在一心皮薄鍼深傷好肉肉厚鍼淺毒猶存腫高且輒鍼四五堅腫宜鍼六七分腫平肉色全不變此證當鍼寸許深背腹肋脅生毒患扁鍼斜入始全身欲大開口鍼斜出小開直出法須遵氣虛先補鉞宜後膿出證退效如神用在十日半月後使毒外出不傷人又有不宜用鉞處癰瘡冬月與骨筋〔註〕經云癰氣之瀉者當以鉞開除去之又云鉞鍼末如鋒銳以取大膿故曰取膿除瘻用鉞鍼也其輕重疾徐自有一定在人心度量用之不可亂施蓋皮薄鍼深反傷好肉肉厚鍼淺毒又難出大抵腫高而輒者在肌肉鍼四五分腫下而堅者在筋脈鍼六七分腫平肉色不變者附於骨也宜鍼寸許若毒生背腹肋脅等處宜扁鍼斜入以防透膜鉞既透膜視瘡口必有膿意如珠斯時欲大開口則將鉞斜出欲小開口則將鉞直出所謂逆而奪之順而取之也隨以棉紙拭蘸元珠膏度之使膿會齊二三時將拭取出瘡口貼太乙膏四圍敷烏龍骨元氣虛者必先補而後鍼膿一出則諸證悉退再者用鉞自有其時不可太早亦不可太遲如十日之間瘡尚堅硬用鉞當頭點破半月後不作膿腐者用鉞品字樣三孔開之不問深淺以知痛爲住隨用藥筒拔法拔之又有不宜鉞者如癰瘤結核之類肚臍骨節近筋之處及冬月閉藏之時皆在所禁也

癰疽砭法歌

癰疽腫赤走不定赤遊丹毒紅絲疔時毒瘀血壅感證砭石治法最宜行只須刺皮無傷肉磁鋒對患最宜輕毒血過刺皆出盡腫消紅散有奇功〔註〕凡癰疽紅腫色赤遊走不定及赤遊丹毒紅絲疔走散時毒瘀血壅感等證皆

宜行砭石之法然忌其太深內經所謂刺皮無傷肉也法用細磁器擊碎取有鋒芒者一塊用筋一根將頭劈開夾而縛之用二指輕捺筋槽以磁鋒對患處懸寸許再用重筋一根頻擊筋頭令毒血過刺皆出至次日腫未全消再量行砭之以腫消紅散爲度

癰疽灸法歌

癰疽初起七日内開結拔毒灸最宜不痛灸至痛方止瘡疼灸至不疼時法以濕紙覆其上乾處先灸不宜濕蒜灸黃蠟附子灸豆豉蟻蟻各用之〔註〕凡癰疽初起七日以前開結拔毒非灸不可不痛者灸至知痛瘡疼者灸至不疼蓋著毒則不痛至好肉則痛必灸至知痛者令火氣至好肉方止也著皮肉未壞處則痛著毒則不痛必灸至不疼者令火氣著毒方止也法以紙蘸水滿覆患上看紙先乾處即先灸之但灸法貴於早施如證起二三日即灸十證可全八九四五日灸者十證可全六七六七日灸者十證可全四五愈早愈妙其法不一有隔蒜灸者有當肉灸者有用黃蠟灸者有用附子灸豆豉蟻蟻灸者一壯灸至百壯以效爲度至艾壯之大小則量瘡勢以定之然灸有應忌者如腎俞發不宜灸恐消腎液手指不宜灸因皮肉薄薄恐皮裂肉努至於頭乃諸陽之首諸書俱云禁灸若誤灸逼毒入裏令人痰喘上涌反加大腫然遇純陰下陷之證必當灸之不灸則不能回陽若半陰半陽之證則仍當禁而不灸

〔隔蒜灸法〕大蒜切成片約三錢厚安瘡頭上用大艾壯灸之三壯即換一蒜片若漫腫無頭者以濕紙覆其上視其先乾處置蒜片灸之兩三處先乾兩三處齊灸之有一點白粒如粟四圍紅腫如錢者即於白粒上灸之若瘡勢大日數多者以蒜搗爛鋪於瘡上艾鋪蒜上灸之蒜敗再易以知痛甚爲效凡癰疽流注鶴膝風每日灸二十壯癰疽陰瘡等證艾數必多宜先服護心散以防火氣入內灸小兒先將蒜置大人臂上燃艾候蒜溫即移於小兒毒上其法照前經云寒邪客於經絡之中則血泣血泣則不通不通則衛氣從之壅遏而不得行故熱大

熱不止則肉腐爲膿。蓋毒原本於火，然與外寒相搏，故以艾火蒜灸之，使開結其毒，以移深居淺也。

〔黃蠟灸法〕 凡癰疽發背惡瘡頑瘡，先以濕麵隨腫根作圈，高寸餘，實貼皮上，如井口形，勿令滲漏。圈外圍布數重，防火氣烘膚。圈內鋪蠟屑三四分，厚次以銅漏杓盛桑木炭火，懸蠟上烘之，令蠟化至滾，再添蠟屑，隨添以井滿爲度。皮不痛者毒淺，灸至知痛爲度。皮痛者毒深，灸至不知痛爲度。去火杓，即噴冷水少許於蠟上，俟冷起蠟，蠟底之色青黑，此毒出之徵也。如漫腫無頭者，亦以濕紙試之，於先乾處灸之。初起者一二次即消，已成者二三次即潰。瘡久潰不斂，四圍頑硬者，即於膿口上灸之，蠟從孔入，愈深愈妙。其頑腐癩膿盡化，收斂甚速。

〔附子餅灸法〕 生川附子爲末，黃酒合作餅，如三錢厚，安瘡上，以艾壯灸之。每日灸數壯，但令微熱，勿令疼痛如餅乾，再易餅灸之。務以瘡口紅活爲度。治潰瘍氣血俱虛，不能收斂，或風寒襲之，以致血氣不能運行者，實有奇驗。

〔豆豉餅灸法〕 癰疽發背已潰未潰，用江西淡豆豉爲末，量瘡大小，黃酒合作餅，厚三分，置患處灸之。餅乾再易餅，如已有瘡孔，勿覆孔上。四布豉餅列艾其上灸之，使微熱，勿令肉破。如熱痛急，易之日灸三度，令瘡孔出汗，卽瘥。

〔蟻螬灸法〕 疔癩惡瘡，諸藥不驗者，取蟻螬剪去兩頭，安瘡口上，以艾灸之。七壯一易，不過七枚，無不效者。

〔麥冬梗米飲〕 此方治癰疽陰瘡，法當艾灸，或灸太過者，或陽瘡不應灸，而誤灸者，以致火毒入裏，令患者頭項浮腫，神昏痰湧，吁吁作喘，急服此藥，以清解火毒甚效。 麥門冬去心 梗米各三 水二鍾煎一鍾，徐徐熱服。

〔方歌〕 麥門梗米各等分，能醫灸後頭項腫，神昏痰湧作喘聲，水煎徐徐功最勇。

癰疽烙法歌

烙鍼二枚須一樣，筋大頭圓七寸長。燃時蘸油燒火上，斜入向輒烙斯良。一烙不透宜再烙，膿水流始安康。再用

紙捲入烙口外貼膏藥古稱強此法今時不常用惟恐患者畏驚惶今時多用陽燧錠代火鍼烙實奇方〔註〕瘡疽流注經久不消內潰不痛宜用火鍼烙之二枚形如筋粗頭圓長七寸捲時蘸香油炭火上燒紅於瘡頭近下斜入向輒處烙之一烙不透再烙必得膿水不假手按流出方用綿紙搓捲如繩狀隨深淺捲入烙口餘紙分開外貼膏藥此古法也今罕用之蓋恐患者驚懼故以陽燧錠代之

〔陽燧錠〕 蟾酥末 川烏末 草烏各五分 直殭蠶末一條 以上共和勻用硫黃一兩五錢置杓內

微火炖化次入前蟾酥等末攪勻再入當門子麝香二分冰片一分攪勻即傾入濕磁盤內速盪轉成片俟冷取收磁罐內用時取甜瓜子大一塊要上尖下平先用紅棗肉擦灸處黏藥於上用燈草蘸油燃火焙藥錠上灸五壯或七壯九壯畢即飲米醋半酒鍾候起小泡用線鍼串破出黃水些須貼萬應膏其毒即消如風氣痛用筋子於骨縫中按之痠痛處以墨點記灸之再諸瘡初起於腫處各灸三五壯立瘥

〔方歌〕陽燧錠灸寒腫瘡珠砂二烏殭硫黃火煉加蟾共冰麝乘熱傾出成片良

神燈照法歌

瘡疽輕證七日時神燈照法最相宜未成自消已成潰即發即腐實稱奇油浸灼火周圍照初用三根漸加之照後敷藥貼患上有膿湯洗不宜遲〔註〕凡瘡疽輕證初起七日前後神燈照法最宜能使未成者自消已成者自潰不起發者即起發不腐者即腐實有奇驗將神燈照麻油浸透用火點著離瘡半寸許自外而內周圍徐徐照之火頭向上藥氣入內毒氣隨火解散自不致內侵臟腑初用三根漸加至四五根候瘡勢漸消時仍照之但照後即用敷藥圍敷瘡根比瘡暈大二三分為率瘡口用萬應膏貼之如乾及有膿用猪蹄湯潤洗之如已潰大膿瀉時不必用此照法

〔神燈照法方〕 珠砂 雄黃 血竭 沒藥各一 麝香四分 共為細末每用三分紅綿紙裹藥搓捲長七寸

麻油浸透聽用。

〔方歌〕神燈照法功速急，爵沒雄珠血竭宜。爲末紙裹麻油潤，火點薰瘡火毒離。

桑柴火烘法歌

癰疽初起腫且疼，重者負石不潰膿。桑柴烘法能解毒，止痛消腫有奇功。新桑樹根劈條用，木枝長有九寸零。劈如指粗一頭燃，吹滅用火患處烘。片時火盡宜再換，每用三四枝方靈。每日須烘二三次，腫潰腐脫新肉生。〔註〕凡癰疽初起腫痛，重者負石，堅而不潰者，桑柴烘之，能解毒止痛，消腫散瘀。毒水一出，即能內消。若潰而不腐，新肉不生，疼痛不止者，用之助陽氣，散瘀毒，生肌肉，移深居淺，實有奇驗。用法用新桑樹根，劈成條，或桑木枝，長九寸，劈如指粗，一頭燃著吹滅，用火向患處烘片時，火盡再換，每次烘三四枝，每日烘二三次，以知熱腫潰肉腐爲度。此古法也。但桑柴火力甚猛，宜用於未潰之先，可以生發陽氣，速潰速腐。若已潰之後，或瘡口寒，或天氣寒，或肌肉生遲者，亦須烘之，使肌肉常煖。法以桑木燒作紅炭，以漏杓盛之，懸患上，自四圍烘之。瘡口或高或低，總以瘡知熱爲度。每日烘後，再換敷貼之藥，蓋肌肉過煖則生，潰後烘法，亦瘍科所不可缺也。

牛膠蒸法歌

癰疽發背痔漏瘡，牛膠蒸法最相當。熬稠攤紙貼患上，醋煮軟布熱蒸良。溫易瘡癢膿出盡，洗法膠紙貫衆湯。〔註〕癰疽發背，痔漏惡瘡，膿瘡久，頑不斂等瘡，用牛皮膠一塊，水熬稀稠得所，攤厚紙上，每剪一塊，貼瘡口，次用醋醋煮軟布二塊，乘熱罨膠紙上，蒸之稍溫再易，蒸至瘡癢膿出至盡，豫用貫衆二兩，煎湯熱洗去膠紙，外用膏藥貼之。次日照前蒸洗，直至膿盡瘡乾爲度。

藥筒拔法歌

癰疽陰證半月間，不發不潰硬而堅。重如負石毒膿鬱，致生煩躁拔爲先。鉸鍼放孔品字樣，膿鮮爲順紫黑難。〔註〕

癰疽陰證十五日前後瘡不起發膿至深不能外潰瘡勢堅硬重如負石毒膿內潰好肉致生煩躁宜用藥筒拔法為先令毒膿得門路而出豫將竹筒藥水煮熟次用鉸鉞置瘡頂一寸之內品字樣放開三孔深一寸或半寸量瘡之高下取竹筒乘熱合於瘡孔上拔出膿血紅黃鮮明者為順證易治若膿血紫黑者為敗證難治

〔蕒竹筒方〕 羌活 獨活 紫蘇 蘆艾 菖蒲 白芷 甘草各五分 連翹二兩 水十碗熬數滾聽用次用

鮮嫩竹一段長七寸徑口一寸平一頭留節刮去青皮厚約分許靠節鑽一小孔以杉木條塞之放前藥水內煮數十滾將藥水鍋置患人榻前取筒傾去藥水乘熱急合瘡頂鉸孔上按緊自然吸住待片時藥筒已濕拔去杉木塞子其筒易落外用膏藥蓋貼勿令受風膿血不盡次日再煮仍按舊孔再拔治陰瘡擠膿不受疼之良法也勿忽之如陽瘡則不必用此法恐傷氣血慎之

〔方歌〕藥水蕒筒有奇能令瘡膿出不受疼菖蘇羌獨艾芷草整蕒竹筒水煎濃

腫瘍主治類方

〔仙方活命飲〕 此方治一切癰疽不論陰陽瘡毒未成者即消已成者即潰化膿生肌散瘀消腫乃瘡癰之聖藥誠外科之首方也故名之仙方活命飲

穿山甲三錢 皂刺五分 歸尾五分 甘草節一錢 金銀花二錢 赤芍藥五分 乳香五分 沒藥五分 花粉一錢

防風七分 貝母一錢 白芷一錢 陳皮五分 以上十三味好酒煎服悉飲盡碎

〔方歌〕仙方活命飲平劑瘡毒癰疽俱可醫未成即消疼腫去已成膿化立生肌穿山皂刺當歸尾草節金銀赤芍宜乳沒天花防貝芷陳皮好酒共煎之

〔神授衛生湯〕 此方治癰疽發背疔瘡對口一切丹瘤惡毒諸證服之宜熱散風行瘀活血消腫解毒疎通藏府乃表裏兩實之劑功效甚速

皂角刺錢 防風分 羌活分 白芷分 穿山甲炒分 連翹分 歸尾錢 乳香分 沉香分 金銀花錢

石決明分 天花粉錢 甘草節錢 紅花分 大黃二錢酒 以上十五味水二碗煎八分病在上部先飲酒

一杯後服藥病在下部先服藥後飲酒一杯以行藥力如氣虛便利者不用大黃

〔方歌〕神授衛生表裏劑癰疽諸瘡惡毒良行瘀活血兼消腫表裏疎瀉實劑方皂刺防風羌芷甲連翹歸尾乳沉香金銀石決天花粉甘草紅花共大黃

〔清熱消風散〕 此方治癰疽瘡腫已成未成之際無表無裏故外不惡寒內不便秘惟紅腫焮痛高腫有頭者宜服此藥以和解之也

皂角刺錢 防風分 陳皮錢 連翹去心錢 花粉分 柴胡錢 黃芩分 川芎分 白芍分 甘草分 當歸分 黃耆錢 金銀花分 蒼朮錢 紅花錢 以上十五味水二鍾煎八分食遠服

〔方歌〕清熱消風無表裏癰疽諸毒和解方皂刺防風陳翹粉柴芎芍草耆當銀花蒼朮紅花入婦女還加香附

良若婦人加香附子用意便炒

〔乳香黃耆散〕 此方治癰疽發背諸毒疼痛不可忍者乃氣虛不勝毒之故也服之未成即消已成即潰不用刀

砒惡肉自脫并治打撲損傷筋骨疼痛之證

當歸錢 白芍炒錢 人參錢 生黃耆錢 川芎錢 熟地錢 乳香分 沒藥分 陳皮錢 粟殼一錢去

炙甘草節錢 用水二鍾煎八分量病上下食前後服之

〔方歌〕乳香黃耆治氣弱癰疽諸毒痛難當未成即消已成潰歸芍參耆芎地黃乳沒粟陳甘草節更醫打撲筋骨

傷

〔內疎黃連湯〕 此方治癰疽陽毒在裏火熱發狂發熱二便秘澀煩躁嘔噦舌乾口渴飲冷等證六脈沉數有力

者急宜服之以除裏熱。

山梔錢一 連翹錢一 薄荷錢一 甘草分五 黃芩錢一 黃連錢一 桔梗錢一 大黃錢二 當歸錢一 白芍錢一 木香

錢一 檳榔錢一 用水二茶鍾煎八分。食前服。加蜜二匙亦可。

〔方歌〕內疎黃連瀉裏熱。癰瘡毒火陽威狂。腫硬發熱二便秘。煩躁乾嘔渴飲涼。梔翹薄荷草連桔。大黃歸芍木檳榔。

〔回陽二建湯〕 此方治癰疽發背初起。不疼。不腫。不紅。不熱。堅如頑石。硬若牛皮。體倦身涼。脈息遲細。色似土珠。粟頂多孔。孔孔流血。根脚平散。輒陷無膿。皮不作腐。頭溫足涼者。並急服之。

人參錢一 附子錢一 當歸錢一 川芎錢一 甘草分五 茯苓錢一 生黃耆錢一 枸杞錢一 紅花分五 紫草分五 獨活分五 陳皮錢一 蒼朮分五 厚朴分五 木香分五 山黃肉錢一 以上十六味。加煨薑三片。皂角樹根上白皮二

錢。水二椀。煎八分。入酒一杯。隨病上下。食前後服之。用棉帛覆蓋瘡上。常令溫煖。不得大開瘡孔。走泄元氣為要。〔方歌〕回陽三建治陰疽。體倦身涼脈細遲。不腫不疼不紅熱。堅如頑石硬如皮。根平輒陷無膿腐。參附歸芍草茯苓。枸杞紅花與紫草。獨活蒼朮木山黃。

〔竹葉黃耆湯〕 此方治癰疽發背。諸般疔毒。表裏不實。熱甚口中乾。大渴者。服之生津止渴。

人參分 生黃耆分 石膏分 半夏分 麥冬分 生地錢二 白芍分 甘草分 川芎分 當歸分 竹葉片 黃芩分 以上十二味。水二鍾薑三片。燈心二十根。煎八分。食遠溫服。

〔方歌〕竹葉黃耆口乾渴。清熱補正助生津。參耆膏夏麥冬地。芍草芎歸竹葉芩。〔內消散〕 此方治癰疽發背。對口疔瘡。乳癰。無名腫毒。一切惡瘡。能令癰疽內消。使毒內化。尿色赤汚。從小便而

出。勢大者。雖不全消。亦可轉重為輕。移深居淺。

知母錢 貝母錢 花粉錢 乳香錢 半夏一錢 白芨錢 穿山甲錢 皂刺錢 銀花錢 以上九味水酒各一碗煎八分隨病上下食前後服之留藥渣搗爛加秋芙蓉葉一兩研為細末再加白蜜五匙用渣調敷瘡上一宿即消重者再用一服

〔方歌〕內消散用化諸毒毒化從尿色變行知貝天花乳夏芩穿山角刺共金銀藥渣搗和芙蓉葉白蜜調敷毒即平

以上諸方治癰疽七日以前瘡勢未成形體壯實而表裏之證相和者宜服病退即止如過七日以後形勢已成則宜託裏消毒等湯使毒現於外以速其膿若仍用前散下之藥恐傷元氣致生變證也

〔內固清心散〕 此方治癰疽發背對口疔瘡熱甚掀痛煩躁飲冷其人內弱服之預防毒氣內攻於心也

萊豆粉兩 人參錢 冰片錢 雄黃錢 辰砂錢 白豆蔻錢 元明粉錢 茯苓錢 甘草錢 乳香錢

以上十味為細末每服一錢五分蜜湯調下不拘時服

〔方歌〕內固清心防毒攻內弱毒氣入心中掀痛熱甚兼飲冷豆粉人參冰片雄辰砂白蔻元明粉茯苓甘草乳香同

〔琥珀蠟礬丸〕 此方治癰疽發背瘡形已成而膿未成之際其人即不虛弱恐毒氣不能外出致攻於裏預服此丸護膜護心亦且活血解毒

黃蠟兩 白礬二錢 雄黃一錢 琥珀研極細 硃砂研細 白蜜錢 以上四味先研細末另將蠟蜜入銅

杓內溶化離火片時候蠟四邊稍凝方將藥味入內攪勻共成一塊將藥火上微烘急作小丸如菘豆大硃砂為衣磁罐收貯每服二三十丸食後白湯送下毒甚者早晚服其功最速

〔方歌〕琥珀蠟礬治癰毒未出膿時平劑佳預服護膜能解毒蠟礬雄珀蜜硃砂

〔護心散〕此方治瘡毒內攻口乾煩躁惡心嘔吐者服此藥護心解毒也。

葶豆粉兩 乳香三錢 硃砂錢 甘草錢 以上四味研細末每服二錢白滾湯調服早晚三次。

〔方歌〕護心散治毒內攻煩躁口乾嘔逆沖豆粉乳香硃共草二錢調下有神功。

〔透膿散〕此方治癰疽疔毒內已膿成不穿破者服之即潰破毒出。

生黃耆四錢 穿山甲錢一 川芎錢三 當歸錢二 皂角刺五錢 以上五味水三鍾煎一鍾瘡在上先飲酒一杯後服藥瘡在下先服藥後飲酒一杯。

〔方歌〕透膿散治膿已成不能潰破劑之平用此可代鍼瀉毒角刺歸著山甲芎。

〔託裏消毒散〕此方治癰疽已成內潰遲滯者因血氣不足不能助其腐化也宜服此藥託之令其速潰則腐肉易脫而新肉自生矣。

皂角刺五錢 銀花錢 甘草五分 桔梗五分 白芷五分 川芎錢 生薑錢一 當歸錢 白芍錢 白朮錢 人參錢 茯苓錢 以上十二味水二鍾煎八分食遠服。

〔方歌〕託裏消毒助氣血補正脫腐肌易生皂角銀花甘桔芷芎耆歸芍朮參苓。

〔神功內託散〕此方治癰疽腦頂諸發等瘡日久不腫不高不能腐潰服細身涼宜服此溫補託裏之劑以助氣血也。

人參五錢 附子錢一 川芎錢 歸身錢二 黃耆錢 白朮錢五 白芍錢一 木香五分 穿山甲八分 甘草五分 陳皮錢 白茯苓錢 以上十二味煨薑三片大棗二枚水二鍾煎八分食遠服。

〔方歌〕神功內託陰毒證不腫不高不潰疼參附芎歸耆朮芍木香山甲草陳苓。

〔復元通氣散〕此方治乳癰腹癰便毒耳痛耳聾等證皆由毒氣滯塞不通故耳服之則氣通毒散。

御纂醫宗金鑑 卷上 外科

三七

青皮四兩 陳皮四兩 栝萎仁二兩 穿山甲二兩 金銀花兩 連翹兩 甘草二兩半 以上七味研末每服二錢黃酒調下。

〔方歌〕復元通氣乳腹癰便毒兼治耳痛聾青陳薑甲銀翹草一服能教毒氣通。

〔雙解貴金丸〕此方治背疽諸毒初起木悶堅硬便秘脈沉實者悉效隨證加藥服法列後。

生大黃觔 白芷兩 以上二味為末水丸每服三五錢五更時用連翹葱大者三根黃酒一碗煮葱爛取酒送

藥服畢蓋臥出汗過三二時俟大便秘行一二次立效〔按〕此宣通攻利之劑也濟之以葱酒力能發汗故云雙解

弱者隨用中劑行後以四君子湯補之老人虛人每服一錢用人參加生薑煎湯送下過一時再一服得睡上半

身得汗則已。

〔方歌〕雙解貴金治諸毒腫瘍初起木硬堅大黃白芷為丸服葱酒煎送汗下痊。

〔黍米寸金丹〕此方乃異人所傳常有暴中急證忽然卒倒者撬開牙關研灌三九其人即活又能治發背癰疽

偏身腫痛附骨癰疽等證也凡初起憎寒壯熱四肢倦怠沉重者不分表裏老幼輕重並宜服之。

乳香 沒藥各一錢 狗膽乾者一個 鯉魚膽三個 硼砂二錢 蟾酥二錢 狗寶錢 麝香五分 白丁香九個 蜈蚣

全者七條 蘇合錢 黃蠟三錢 烏金石錢 頭胎男乳合 輕粉錢 雄黃錢 水銀煉粉霜白色者 以上十六味為

細末除黃蠟乳汁二味熬成膏子同藥和丸如菉豆大小兒用一九大人三九重者五九冷病用葱湯熱病用新

汲水送下衣被密蓋勿令透風汗出為度諸病如失。

〔方歌〕黍米寸金奇效方癰疽發背服之良乳香沒藥狗鯉膽蟾酥寶麝白丁香蜈蚣黃蠟烏金石男乳輕雄共粉

霜。

〔麥蘆丹〕此丹能治癰疽惡毒無名諸瘍及疔瘡回裏令人煩悶神昏或婦人初發乳證小兒痘疹餘毒或腰腿

暴痛等證

鮮蟾酥錢二十一箇黑 活蛛蜘蛛大者佳 定心草一錢即兩 飛羅麵兩 以上四味共研一處用菊花熬成稀膏和

好熬為麥子形如麥子大每服七丸重大者九丸小兒輕證五丸在上俱用滾白水服下用淡黃酒送服每一料加麥子一合收磁罐內

〔方歌〕麥靈丹治疔毒疽鮮蟾酥與活蜘蛛定心草共飛羅麵黃菊熬膏相合宜

〔保安萬靈丹〕此方治癰疽疔毒對口發頤風寒濕痹濕痰流注附骨陰疽鶴膝風及左癱右瘓口眼歪斜半身不遂血氣凝滯偏身走痛步履艱辛偏墜疝氣偏正頭痛破風牙關緊閉截解風寒無不應效

茅山蒼朮兩 麻黃 羌活 荊芥 防風 細辛 川烏湯泡 草烏湯泡 川芎 石斛 全蠍 當歸

甘草 天麻 何首烏各一 雄黃錢六 以上十六味為細末煉蜜為丸重三錢硃砂為衣磁罐收貯視年歲老

壯病勢緩急斟酌用之如惡瘡初起二三日間或癰疽已成至十日前後未出膿者狀若傷寒頭痛煩渴拘急惡

寒肢體疼痛惡心嘔吐四肢沉重恍惚悶亂皮膚壯熱及傷寒四時感冒傳變疫證惡寒身熱俱宜服之用葱白

九枝煎湯調服一丸蓋被出汗為效如汗遲以葱湯催之其汗必出如淋如洗令其自收不可露風患者自快瘡

未成者即消已成者即高腫潰膿如病無表裏相兼不必發散只用熱酒化服又按此方原載諸風癱瘓門中今

移錄於此者蓋瘡瘍皆起於榮衛不調氣血凝滯始生癰腫此藥專能發散又能順氣搜風通行經絡所謂結者

開之也經云汗之則瘡已正與此相合也服後當避風忌冷物戒房事如婦人有孕者勿服

〔方歌〕萬靈丹治諸瘡病此藥猶能治腫瘍發表毒邪從汗解通行經絡效非常麻黃羌活荊防細川草烏芎石斛蒼全竭當歸甘草等天麻何首共雄黃

腫瘍敷貼類方

凡腫瘍初起時腫高赤痛者宜敷涼藥以寒勝熱也然亦不可太過過則毒為寒凝變為陰證如漫腫不紅似有頭而不痛者宜敷溫藥乃引毒外發也經云發表不遺熱敷熱藥亦發表之意凡調敷藥須多攪則藥稠黏敷後貼紙必須撕斷則才崩裂不時用原汁潤之蓋借濕以通竅乾則藥氣不入更添拘急之苦矣凡去敷藥必看毛孔有汗意者為血脈通熱氣散也反此者逆

〔如意金黃散〕 此散治癰疽發背諸般疔腫跌撲損傷濕痰流毒大頭時腫漆瘡火丹風熱天泡肌膚赤腫乾濕脚氣婦女乳癰小兒丹毒凡一切諸般頑惡熱瘡無不應效誠瘡科之要藥也

南星 陳皮 蒼朮各二 黃蘗五 薑黃五 甘草二 白芷五 上白天花粉卅 厚朴二 大黃五 以

上十味共為咀片曬乾磨三次用細絹羅篩貯磁罐勿泄氣凡遇紅赤腫痛發熱未成膿者及夏月時俱用茶清同蜜調敷如欲作膿者用葱湯同蜜調敷如漫腫無頭皮色不變濕痰流毒附骨癰疽鶴膝風等證俱用葱酒煎

調敷如風熱所及皮膚亢熱免亮遊走不定俱用蜜水調敷如天泡火丹赤遊丹黃水漆瘡惡血攻注等證俱用大藍根葉搗汁調敷加蜜亦可湯潑火燒皮膚破爛麻油調敷以上諸引調法乃別寒熱溫涼之治法也

〔方歌〕如意金黃敷陽毒止消消腫實良方南陳蒼蘗薑黃草白芷天花朴大黃

〔五龍膏〕 此膏治癰疽陰陽等毒腫潰未潰者敷之即拔出膿毒

五龍草 即烏蘇特許本等藥日莖草 部俗名五爪龍江浙多產之 金銀花 稀莨草 車前草 連根 陳小粉 各等 以上四味俱用鮮

草葉一處搗爛再加三年陳小粉并飛鹽末二三三分共搗為稠糊徧敷瘡上中留一頂用膏貼蓋避風為主若冬月草無鮮者預採蓄下陰乾為末用陳米醋調敷一如前法并效如此方內五龍草或缺少不便倍加稀莨草亦

效

〔方歌〕五龍膏用拔膿毒平劑五龍草銀花簽草車前俱搗爛小粉飛鹽攪糊搽

〔四虎散〕 此散治癰疽腫硬厚如牛領之皮不作膿腐者宜用此方。

草烏 狼毒 半夏 南星各等 以上四味為細末用豬腦同搗徧敷瘡上留頂出氣。

〔方歌〕四虎散敷陰疽癰頑腫不痛治之平厚似牛皮難潰腐草烏狼毒夏南星。

〔眞君妙貼散〕 此散治癰疽諸毒頑硬惡瘡散漫不作膿者用此藥敷之不痛者即痛痛者即止如皮破血流濕爛疼苦若天泡火丹肺風酒刺等證并用之皆效。

蕎麥五 明淨硫黃十 白麵五 以上三味共一處用清水微拌乾濕得宜趕成薄片微曬單紙包裹風中

陰乾收用臨時研細末新汲水調敷如皮破血流濕爛者用麻油調敷天泡火丹酒刺者用靛汁調搽并效。

〔方歌〕眞君妙貼硫二麵水調頑硬不痛膿油調濕爛流血痛靛汁泡丹酒刺風。

〔二青散〕 此散治一切陽毒紅腫疼痛暑熱等證未成者即消。

青黛 黃蘗 白斂 白微各一 青露二兩即芙蓉葉 白芨 白芷 水龍骨即多年膝船骨油灰 白鮮皮各 天花粉

〔方歌〕二青散用敷陽毒腫痛紅熱用之消黛蘗斂微青露芨芷龍鮮粉大黃硝。

〔坎宮錠子〕 此錠子治熱毒腫痛焮赤諸瘡并搽痔瘡最效。

京墨兩 胡黃連錢 熊膽錢 麝香分 兒茶錢 冰片分 牛黃分 以上七味為末用豬膽汁為君加生

薑汁大黃水浸取汁釀醋各少許相和藥成錠用凉水磨濃以筆蘸塗之。

〔方歌〕坎宮錠子最清涼熱腫諸瘡并痔瘡京墨胡連熊膽麝兒茶冰片共牛黃。

〔離宮錠子〕 此錠子治疔毒腫毒一切皮肉不變漫腫無頭搽之立效。

血竭錢 珠砂錢 膽礬錢 京墨兩 蟾酥錢 麝香分 以上六味為末凉水調成錠凉水磨濃塗之。

〔方歌〕離宮錠治諸疔毒漫腫無頭涼水塗血竭硃砂為細末膽礬京墨麝蟾酥

〔白錠子〕此錠專敷初起諸毒癰疽疔腫流注痰包惡毒及耳痔耳挺等證

白降丹四錢即 銀粉二錢 寒水石二錢 人中白錢二 以上四味共為細末以白芨麵打糊為錠大小由人不可

入口每用以陳醋研敷患處如乾再上自能消毒

〔方歌〕白錠專敷初起毒癰疽疔腫與痰包降丹銀粉人中白寒水白芨醋研消

〔蟬蚪拔毒散〕此散治無名大毒一切火毒瘟毒敷之神效

寒水石研極細末 淨皮硝研極細末 川大黃各等分研極細末 蝦蟆子初夏時河內有蟬蚪成羣大頭長尾者撈來收罇內泥封口埋至秋天化成水 以上用蚪

蚪水一大碗入前藥末各二兩陰乾再研勻收磁罐內每用時以水調塗患處

〔方歌〕拔毒散治無名毒火毒瘟毒俱可施寒水硝黃蟬蚪水浸乾藥末水調之

〔二味拔毒散〕此散治風濕諸瘡紅脹痛癢疥癩等疾甚效

明雄黃 白礬各等分 以上二味為末用茶清調化鵝翎蘸掃患處癢痛自止紅腫即消

〔方歌〕二味拔毒消紅腫風濕諸瘡痛癢寧一切肌膚疥癩疾雄礬為末用茶清

〔回陽玉龍膏〕此膏治癰疽陰瘡不發熱不舉痛不腫高不作膿及寒溼流注冷痛痹風脚氣手足頑麻筋骨疼痛及一切皮色不變漫腫無頭鶴膝風等證但無肌熱者一概敷之俱有功效

軍薑三兩 肉桂錢五 赤芍炒 南星一兩 草烏炒 白芷一兩 以上六味製畢共為細末熱酒調敷

〔方歌〕回陽玉龍陰毒證不熱不疼不腫高軍薑桂芍星烏芷研末須將熱酒調

〔沖和膏〕此膏治癰疽發背陰陽不和冷熱相凝者宜用此膏敷之能行氣疎風活血定痛散瘀消腫祛冷輭堅

誠良藥也

紫荆皮五兩 獨活三兩 白芷三兩 赤芍二兩 石菖蒲五兩 以上五味共爲細末，葱湯熱酒俱可調敷。

〔方歌〕沖和發背癰疽毒，冷熱相凝此藥敷。行氣疎風能活血，紫荆獨芷芍菖蒲。

〔鐵桶膏〕此膏治發背將潰已潰時，根脚走散，瘡不收束者，宜用此藥圍敷。

膽礬三錢 銅綠五錢 麝香分三 白芨錢五 輕粉錢二 鬱金錢二 五倍子一兩 明礬錢四 以上八味，共爲極細末，用陳米醋一椀，杓內慢火熬至一小杯，候起金色黃泡爲度，待溫用藥末一錢，攪入醋內，燒溫，用新筆塗於瘡根周圍，以棉紙覆蓋藥上，瘡根自生綳紋，漸收漸緊，其毒不致散大矣。

〔方歌〕鐵桶膏收毒散大，周圍敷上束瘡根。膽礬銅綠及輕粉，五倍明礬鬱金。

〔烏龍膏〕此膏治一切諸毒，紅腫赤暈不消者，用此藥敷上，極有神效。

木鱉子二兩 草烏兩半 小粉兩四 半夏兩二 以上四味，於鐵銚俱慢火炒焦黑色爲度，研細，以新汲水調敷，一日一換，自外向裏塗之，須留瘡頂，令出毒氣。

〔方歌〕烏龍膏用治諸毒，赤暈能收治腫瘍。木鱉草烏小粉夏，涼水調敷功效良。

〔神效千槌膏〕此膏專貼瘡瘍疔毒初起，貼之即消，治瘰癧連根拔出，大人臙瘡，小兒癰拱頭等證，並效。

土木鱉五個 白嫩松香四兩 銅綠研細 乳香錢二 沒藥錢二 蓖麻子七錢 巴豆肉五粒 杏仁去皮 以上八味，合一處，石臼內搗三千餘下，卽成膏，取起浸涼水中，用時隨瘡大小，用手捻成薄片，貼瘡上用絹蓋之。

〔方歌〕千槌膏貼諸疔毒，瘰癧瘰瘡癰拱頭。木鱉松香銅乳沒，蓖麻巴豆杏仁投。

〔馬齒莧膏〕馬齒莧性味清涼，能解諸毒，今用其一味，或服或敷，甚有功效，所治諸證列後。

一治楊梅傳身如癩，喉硬如管者，取莧碗粗一握，酒水煎服出汗。一治發背諸毒，用莧一握，酒煎或水煮，冷服出汗，再服退熱去腐，三服卽愈。并杵莧敷之。一治多年頑瘡，瘰癧，痛癢不收口者，杵莧敷之，取蟲，一日一換，三

日後腐肉已盡紅肉如珠砂時換生肌藥收口 一治面腫唇緊搗汁塗之 一治婦人臍下生瘡痛癢連及二陰者用芎四兩青黛一兩研勻敷之 一治濕癬白禿取石灰末炒紅用芎汁熬膏調勻塗之 一治丹毒加藍靛根和搗敷之

〔方歌〕馬齒莧膏只一味楊梅發背服敷之頑瘡面腫搗汁用婦女陰瘡共黛施濕癬白禿加灰末丹毒藍根相和宜

潰瘍主治類方

〔四君子湯〕 人參 茯苓 白朮各二錢 甘草一錢 以上四味薑三片棗二枚水煎服

〔四物湯〕 川芎五分 當歸酒洗三錢 白芍二錢 地黃三錢 以上四味水煎服

〔八珍湯〕 人參一錢 茯苓一錢 白朮五分 甘草五分 川芎一錢 當歸一錢 白芍一錢 地黃一錢 以上八

味水煎服

〔十全大補湯〕 於八珍湯內加黃耆肉桂水煎服

〔人參養榮湯〕 於十全大補湯內去川芎加陳皮遠志五味子水煎服

〔內補黃耆湯〕 於十全大補湯內去白朮加遠志麥門冬水煎服

〔按〕四君子湯補氣不足者也四物湯補血不足者也八珍湯雙補血氣不足者也十全大補湯大補血氣諸不足者也人參養榮湯去川芎者因面黃血少加陳皮以行氣之滯五味子以收斂氣血遠志以生心血也內補黃耆湯治澤瘍口乾去白朮者避其燥能亡津也加遠志麥冬者以生血生津也如痛者加乳香沒藥以定痛硬者加穿山甲皂角刺以消硬也以上諸方凡癰疽潰後諸虛者悉準於此當隨證酌用之

〔方歌〕四君參苓白朮草四物芎歸芍地黃二方雙補八珍是更加者桂十補湯榮耆芎加陳遠味內去朮加遠冬

良痛甚乳沒硬穿皂潰後諸虛甜酌方

〔異功散〕 人參二錢 白朮二錢炒 茯苓錢一 甘草五分 陳皮五分 以上五味薑三片棗二枚水煎服

〔理中湯〕 人參二錢 白朮二錢炒 乾薑錢一 甘草五分 以上四味水煎服

〔六君子湯〕 人參二錢 白朮二錢炒 茯苓錢一 甘草一錢 陳皮錢一 半夏一分 以上六味薑三片棗二枚水煎服

〔香砂六君子湯〕 人參錢一 白朮二錢炒 茯苓錢一 甘草五分 藿香一錢或木香一錢 陳皮錢一 半夏一分 砂仁五分 以上八味薑三片水煎服

〔按〕四君子湯加陳皮名異功散潰後脾虛氣滯者宜之四君子湯減茯苓加乾薑名理中湯潰後脾虛寒滯者宜之蓋氣虛則陽虛陽虛生寒故於補氣藥中加溫熱之味也四君子湯加陳皮半夏名六君子湯潰後氣虛有痰者宜之六君子湯加藿香或木香砂仁名香砂六君子湯潰後胃虛痰飲嘔吐者宜之無痰飲氣虛嘔逆甚者加丁香沉香潰後氣虛有寒加肉桂附子潰後瀉者加訶子肉豆蔻腸滑不固加驚粟殼食少咳嗽者加桔梗麥冬五味子渴者加乾葛傷食脾胃虛弱加山查神麩穀芽或麥芽此皆潰後氣不足者以四君子湯為主隨證加減也

〔方歌〕四君加陳異功散理中減苓加乾薑有痰陳半六君子嘔吐砂仁木薑香逆加丁沉寒桂附瀉加訶麩粟滑腸咳桔冬味渴加葛傷食查麩穀麥良

〔託裏定痛湯〕 於四物湯內加肉桂乳香沒藥粟殼水煎服

〔聖愈湯〕 於四物湯內加柴胡人參黃耆水煎服

〔柴胡四物湯〕 於四物湯內加柴胡人參黃耆半夏甘草水煎服

〔地骨皮飲〕 於四物湯內加丹皮地骨皮

〔知藥四物湯〕 於四物邪內加知母黃蘗

〔三黃四物湯〕 於四物湯內加黃連黃芩黃蘗

〔按〕託裏定痛湯潰後血虛疼痛者宜之。聖愈湯潰後血虛內熱心煩氣少者宜之。柴胡四物湯潰後血虛有寒熱者宜之。地骨皮飲潰後不寒者宜之。知藥四物湯潰後五臟陰火骨蒸者宜之。三黃四物湯潰後六腑陽火煩熱者宜之。蓋血虛則陰虛。陰虛生熱。故補血藥中多加寒涼之味也。此皆潰後血不足者。以四物湯為主。隨證加減也。

〔方歌〕四物加桂乳沒粟。託裏定痛功效奇。聖愈四物參者入。血虛血熱最相宜。血虛寒熱小柴合。惟熱加丹地骨皮。陽火煩熱三黃合。陰火骨蒸加藥知。

〔補中益氣湯〕 補中益氣湯治瘡瘍元氣不足。四肢倦怠。口乾時熱。飲食無味。脈洪大無力。心煩氣怯者。俱宜服之。

人參一錢 當歸一錢 生黃耆二錢 白朮一錢 升麻三分 柴胡三分 甘草一錢 麥冬一錢 五味子五分 陳皮五分 以上十味。水二鍾。薑三片。棗二枚。煎一鍾。空心熱服。

〔人參黃耆湯〕 治潰瘍虛熱不睡。少食或寒濕相凝作痛者。效即前方去柴胡加神麩五分炒。蒼朮五分炒。黃蘗五分炒。

〔方歌〕補中益氣加麥味。潰後見證同內傷。參耆歸朮升柴草。麥味陳皮引棗薑。人參黃耆寒濕熱。加麩蒼蘗減柴

〔獨參湯〕 此湯治潰瘍膿水出多。元氣虛餒。外無邪氣。自汗脈虛者宜服之。

人參二錢 只一味。水二鍾。薑十枚。或蓮肉元眼肉。煎好徐徐服之。若煎至稠厚。即成膏矣。作三次用醇酒熱化服之亦可。

〔方歌〕臍水過多元氣餒不生他恙獨參宜徐徐代飲無窮妙棗蓮元肉共煎之。

〔溫胃飲〕 此湯治癰疽脾胃虛弱或內傷生冷外感寒邪致生呃逆中脘疼痛嘔吐清水等證宜急服之。

人參錢一 白朮^{二錢}炒 乾薑^{一錢} 甘草錢一 丁香^{五分} 沉香錢一 柿蒂^{十四} 吳茱^{七分}酒洗 附子^{一錢}製 以上

九味水三鍾薑三片棗二枚煎八分不拘時服。

〔方歌〕溫胃飲治寒呃逆內傷外感胃寒生理中加了沉柿蒂寒感吳黃附子寧。

〔橘皮竹茹湯〕 此湯治瀉傷胃火上逆氣衝以致時時呃逆身熱煩渴口乾唇焦此熱呃也服之有效。

橘紅錢二 竹茹錢三 生薑錢一 柿蒂^七 人參錢一 黃連錢一 以上六味水二鍾煎八分空心溫服。

〔方歌〕橘皮竹茹熱呃逆胃火氣逆上衝行橘紅竹茹薑柿蒂虛加參補熱連清。

〔方愛丸〕 此丸治瀉傷脾胃虛弱諸味不喜者宜服此丸助脾氣開胃口而飲食自進矣。

人參兩一 山藥^{一兩}肥大上白者切片 建蓮肉^{五錢}去 白豆蔻^{三錢} 小紫蘇^{五錢}蜜拌曬乾微 陳皮^{六錢}用老

陳米先炒黃色方雲片白朮^{一兩}鮮白者米泔浸去濕 甘草^{三錢}炙 上白茯苓^{錢一兩}切一分厚咀片用砂仁^二

以上九味共為細末用老米二合微焙碾粉泡荷葉熬湯打糊丸梧桐子大每服八九丸清米湯送下不拘時服。

〔方歌〕不思飲食宜胃愛開胃扶脾效若仙異功山藥蘇梗葉建蓮白朮米糊丸。

〔清震湯〕 治瀉傷脾胃虛弱或誤傷生冷或氣惱勞役或病後入房太早以致寒邪乘入中脘乃生呃逆急服之。

人參 益智仁 半夏^錢製 澤瀉^{分三} 香附 陳皮 白茯苓^{各一錢} 附子^{一錢}製 炙甘草^{錢一} 柿蒂^{四個} 水煎服。

〔方歌〕清震湯治腎家表入參益智半夏攢澤瀉香附陳茯苓附子甘草柿蒂煎。

〔二神丸〕 此丸治癰疽脾胃虛弱飲食不消黎明瀉瀉者服之有效。

巫果^{二兩}去核 枳殼^{去油} 補骨脂^{四兩}微 以上二味共為細末用大棗四十九枚老生薑四兩切片水浸薑棗煮

至水乾爲度取棗肉爲丸桐子大每夜半用清米湯送下七十九治腎瀉脾瀉甚效

〔方歌〕二神丸治脾腎弱飲食不化瀉黎明肉果補脾胃腎生薑棗肉丸成

〔加味地黃丸〕此丸治癰疽已潰虛火上炎口乾作渴者宜服之

熟地八兩酒 山藥四兩 山黃肉五兩 白茯苓四兩 牡丹皮四兩 澤瀉三兩 肉桂兩 五味子三兩

以上八味共爲末煉蜜丸如梧桐子大每服二錢空心鹽湯送下

〔方歌〕加味地黃勞傷腎水衰津少渴良方山黃山藥丹苓澤肉桂五味熟地黃

〔參朮膏〕此膏治癰疽發背等證大潰膿血之後血氣大虛急宜用此補之

人參半斤 切片用水五大碗沙鍋慢火熬至三碗將渣再煎 雲片白朮六兩 懷慶熟地六兩 俱熬
入參汁一椀共用密絹濾淨復熬稠厚磁瓶內收貯藥用 以上三膏

各熬完畢各用磁罐盛之入水中待冷取起密蓋勿令泄氣如患者精神短少懶於言動短氣自汗者以人參膏

三匙白朮膏二匙地黃膏一匙俱用無灰好酒一杯炖熱化服如脾虛弱飲食減少或食不知味或已食後不化

者用白朮膏三匙人參膏二匙地黃膏一匙熱酒化服如腰膝痠軟腿脚無力皮膚枯槁者用地黃膏三匙參朮

膏各二匙化服如氣血脾胃相等無偏勝者三膏每各二匙熱酒化服此膏用於清晨及臨睡時各進一次自然

強健精神頓生氣血新肉易長瘡口易合一切瘡形危險勢大膿多者服之自無變證也夏天炎熱恐膏易變令

作二次熬用亦好愈後常服能鬚髮變黑返老還童以上諸方功難及此

〔方歌〕參朮膏治大膿後血氣雙補此方宗人參白朮同熟地熬成膏服有奇功

〔八仙糕〕此糕治癰疽脾胃虛弱食少嘔泄精神短少飲食無味食不作飢及平常無病久病者服之能健脾胃

山藥兩 人參兩 粳米升 糯米升 白蜜匙 白糖霜半 蓮肉兩 芡實兩 白茯苓兩 以上將山

藥入參蓮肉芡實茯苓五味各爲細末再將粳糯米爲粉與上藥末和勻將白糖入蜜湯中炖化隨將粉藥乘熱

和勻攤鋪籠內，切成條，蒸熟，火上烘乾，磁器收貯。每日清早白湯泡數條，或乾用亦可。飢時隨用，服至百日，健脾壯胃，功難筆述。

〔方歌〕八仙糕用健脾胃，食少嘔泄服之靈。山藥人參梗糯米，蜜糖蓮灰白雲苓。

洗滌類方

洗有滂滌之功，滌洗則氣血自然舒暢，其毒易於潰腐，而無壅滯也。凡腫在四肢者，湯潰之；在腰腹脊背者，淋之；在下部者，浴之。俱以布帛或棉蘸洗，稍溫即易，輕者日洗一次，重者日夜洗二次，每日洗之，不可間斷。凡洗時，冬月要用猛火以逼寒氣，夏月要明窗以避風涼。若不慎，此輕則有妨收口，重則恐變純陰。夫洗藥不一，如初腫與將潰者，俱用葱歸湯腫湯浸洗，如陰證不起者，俱用艾茸湯敷法。如潰後俱用豬蹄湯浸洗，用豬蹄湯者，以助肉之氣而逐腐也。此滌洗之法，乃瘍科之要藥也。

〔葱歸湯腫湯〕 此湯治癰疽瘡瘍，初腫將潰之時，用此湯洗之，以瘡內熱癢爲度。

獨活錢三 白芷錢三 蔥頭個 當歸錢三 甘草錢三 以上五味，以水三大碗，煎至湯醇，瀘去渣，以絹帛蘸湯熱洗。

如溫再易之。

〔方歌〕葱歸湯腫洗諸毒，初起將潰用之宜。洗至熱癢斯爲度，獨芷蔥歸甘草俱。

〔艾茸敷法〕 此膏治陰瘡黑陷而不痛者，用之爲良。以知痛則生，不知痛出紫血者死。然必內服大補回陽之劑以助之。

硫黃錢五 雄黃錢五 艾茸筋 以上以硫雄二味爲末，同艾入水煎半日，水將乾取艾出，搗爛，溫敷患處，再煎再

易十餘次爲度。

〔方歌〕艾茸敷法治陰瘡，黑陷不痛用之良。石硫雄黃同艾煮，搗成膏敷定能康。

〔豬蹄湯〕 此湯治癰疽諸毒流膿者熬好洗之。以助肉氣消腫散風脫腐止痛。去惡肉活死肌。潤瘡口。如腐盡者不必用之。當以米泔水熱洗之。令瘡潔淨。不可過洗。過洗則傷水皮膚破爛。難生肌肉。斂口矣。

黃芩 甘草 當歸 赤芍 白芷 蜂房 羌活各等 以上七味共為粗末。看證之大小。定藥之多少。先將

積豬前蹄一隻。水六碗。煮蹄軟為度。將汁濾清。吹去汁上油花。即用粗藥末一兩。投於汁中。再用微火煎十數沸。

濾去渣。候湯微溫。即用方盤一個。靠身於瘡下放定。隨用軟絹蘸湯淋洗瘡上。并入孔內。輕手捺盡內膿。庶敗腐

宿膿隨湯而出。以淨為度。再以輕帛疊七八重。蘸湯勿令大乾。覆於瘡上。兩手輕按片時。帛溫再換。如此再按四

五次。可以流通血氣。解毒止痛去瘀也。洗訖用絹帛搥乾。即隨證以應用之藥貼之。

〔方歌〕 豬蹄湯治癰疽毒。已潰流膿用此方。消腫散風能止痛。芩甘歸芍芷蜂羌。

膏藥類方

〔萬應膏〕 此膏治一切癰疽發背。對口諸瘡。痰核流注等毒。貼之甚效。

川烏 草烏 生地 白蘇 白芨 象皮 官桂 白芷 當歸 赤芍 羌活 苦參 土木鱉 穿山甲

烏藥 甘草 獨活 元參 定粉 大黃各五 以上十九味。定粉在外。用淨香油五觔。將藥浸入油內。春五

夏三。秋七。冬十。候日數已足。入潔淨大鍋內。慢火熬至藥枯。浮起為度。住火片時。用布袋濾去渣。將油稱準。每油

一觔。對定粉半觔。用桃柳枝不時攪之。以黑如漆。亮如鏡為度。滴入水內。成珠。薄紙攤貼。

〔方歌〕 萬應膏用貼諸毒。發背癰疽對口瘡。川草烏同地蘇芩。象皮桂芷芍歸羌。苦參木鱉穿烏藥。甘獨元參定粉

黃。

〔紺珠膏〕 此膏治一切癰疽腫毒。流注頑腫。風寒濕痹。凍瘰乳癰。痰核血風等瘡。及頭痛牙疼。腰腿痛等證。悉驗。

製麻油四 製松香一 以上將麻油煎滾。入松香文火溶化。柳枝攪候化盡。離火下。細藥末二兩三錢。攪勻。即

傾於水內拔扯數十次易水浸之聽用 一瘰血腫毒瘰癧等證但未破者再加魏香散隨膏之大小患之輕重
每加半分至三二分爲率 一毒深膿不盡及頑瘡對口等證雖潰必用此膏獲效 一未破者貼之勿揭揭則
作癢痛亦勿揭能遠於成膿患在平處者用紙攤貼患在灣曲轉動處者用絹帛攤貼 一膿瘡及髀腿寒濕等
瘡先用茶清入白礬少許洗淨貼之見效 一頭痛貼太陽穴牙痛塞牙縫內 一內癰等證作丸用蛤粉爲衣
服下 一便毒瘰核多加魏香散如膿瘡再加銅青如蠟拱頭癰毒貼之亦效

〔製油法〕 每麻油一觔用當歸木鬻子肉知母細辛白芷巴豆肉文蛤打碎山茨菇打碎紅芽大戟續斷各一兩
槐柳枝各二十八寸入油鍋內浸二十一日煎枯去渣取油聽用查朝鮮琥珀膏多續繼于此方宜加之

〔製松香法〕 擇片子淨嫩松香爲末十觔取槐柳桃桑芙蓉等五樣枝各五觔剉碎用大鍋水煎濃汁濾淨再煎
一次各收之各分五分每用初次汁一分煎滾入松香末二觔以柳槐枝攪之煎至松香沉下水底爲度卽傾入二
次汁內乘熱拔扯數十次以不斷爲佳候溫作餅收之餘香如法

〔膏內細藥方〕 乳香 沒藥各五 明雄黃四 血竭五 麝香一 輕粉二 以上爲細末加入膏內

〔魏香散〕 乳香 沒藥 血竭各等 阿魏 麝香各減 爲末罐收聽用

〔方歌〕 紺珠膏貼癰疽毒流注頑腫濕痹名瘰癧乳癰痰核塊血風頭痛及牙疼松香化入麻油內乳沒雄黃竭麝
輕隨證更加魏香散麝香魏竭乳沒并

〔陀僧膏〕 此膏專貼諸般惡瘡流注瘰癧跌撲損破金刃誤傷等證用之有效

南陀僧研末 赤芍二 全當歸二 乳香五錢 沒藥五錢 赤石脂二 苦參四 百草霜二 百兩

銀黝兩 桐油二 香油二 血竭五錢 孩兒茶五錢 川大黃半 以上藥先將赤芍當歸苦參大黃入油

內燥枯熬至滴水不散再下陀僧末用槐柳枝攪至滴水將欲成珠將百草霜細細篩入攪勻再將羣藥及銀黝

篩入攪極勻，傾入水盆內，衆手扯千餘下，再收入磁盆內，常以水浸之。

〔方歌〕陀僧膏貼諸惡瘡，流注凍瘰跌撲傷，陀僧赤芍歸乳沒，赤脂苦參百草霜，銀黓桐油香油共，血竭兒茶川大黃。

〔巴膏方〕此膏貼一切癰疽發背惡瘡，化腐生肌甚效。

象皮錢六 穿山甲錢六 山梔子個十 人頭髮一兩 血竭一錢另研 兒茶二錢另研 齒砂二錢另研 黃丹飛 香油 桑槐桃柳杏枝各五 以上將桑槐桃柳杏五枝，用香油四觔，將五枝煤枯撈出，次入象皮穿山

甲、人頭髮煤化，再入山梔子煤枯，用絹將藥渣濾去，將油復入鍋內煎滾，離火少頃，每油一觔，入黃丹六兩，攪勻，用慢火熬至滴水中成珠，將鍋取起，再入血竭、兒茶、齒砂等末，攪融，用涼水一盆，將膏藥傾入水內，用手扯藥千餘遍，換水數次，拔去火氣，磁罐收貯，用時不宜見火，須以銀杓盛之，重湯炖化，薄紙攤貼。

〔方歌〕癰疽發背用巴膏，象甲梔茶髮竭髓，枝用桑槐桃柳杏，黃丹攪和共油熬。

〔亞聖膏〕此膏治一切破爛諸瘡，並楊梅結毒，貼之甚效。

象皮兩 驢甲一塊 雞子清個三 木蠶子個七 蛇蛻錢二 蟬蛻錢四 血餘錢三 穿山甲錢六 槐枝 榆枝 艾枝 柳枝 桑枝各二寸 黃丹 黃蠟 麻油觔三 以上將藥浸七日，煎如常法，濾去渣，每淨油一觔，入黃

丹七兩，煎成膏，入黃蠟五錢，化勻，再加血竭五錢，兒茶三錢，乳香三錢，沒藥三錢，煨牡蠣五錢，五靈脂五錢，研極細末，入膏內成膏，出火攤貼。

〔方歌〕亞聖膏治破爛瘡，楊梅結毒貼之良，象驢雞蠶蛇蟬蛻，血甲槐榆艾柳桑，丹蠟麻油勻化後，竭茶乳沒蠣鹽

裏。

〔絳珠膏〕此膏治潰瘍諸毒，用之去腐定痛生肌，甚效。

天麻子肉八粒 雞子黃個 麻油兩 血餘錢五 黃丹二兩 白蠟三 血竭錢三 珠砂錢二 輕粉錢三 乳香

錢三 沒藥錢三 兒茶錢三 冰片錢一 麝香分五 珍珠錢三 以上將麻油煤血餘至焦枯加麻子肉雞子黃再煤枯

去渣入蠟候化離火少時入黃丹攪勻再加細藥和勻收用攤貼。

〔方歌〕絳珠化腐主生肌麻肉雞黃油血餘丹蠟竭砂輕乳沒兒茶冰麝共珍珠研細和勻隨證用乳巖須要入銀朱 乳巖加銀朱一兩

〔絳紅膏〕 此膏治一切腫毒已成疼痛不消者貼之悉效。

銀朱錢五 以上一味為細末以生桐油調攤如膏先用神燈照後貼此膏。

〔方歌〕絳紅膏治毒已成腫痛難消用最靈一味銀朱為細末桐油調和貼之平。

〔加味木乙膏〕 此膏治發背癰疽及一切惡瘡濕痰流注風濕偏身筋骨走注作痛湯燙火燒刀傷毒五損內癰七傷外證俱貼患處又男子遺精女人白帶俱貼臍下臟毒腸癰亦可丸服諸般瘡癤血風癩瘻諸藥不止痛癢

普聖效。

白芷 當歸 赤芍 元參各二 柳枝 槐枝各一 肉桂二 沒藥三 大黃二 木鱉二 輕粉四錢

生地兩 阿魏錢三 黃丹四兩 乳香錢五 血餘兩 以上將白芷當歸赤芍元參肉桂大黃木鱉生地八味

併槐柳枝用真麻油稱足五觔將藥浸入油內春五夏三秋七冬十入大鍋內慢火熬至藥枯淨起為度佳火片

時用布袋濾淨藥渣將油稱準用細書絹將油又濾入鍋內要清淨為佳將血餘投入慢火熬至血餘淨起以柳

枝挑看似膏溶化之象方算熬熟淨油一觔將飛過黃丹六兩五錢徐徐投入火加大些夏秋九熱每油一斤加

丹五錢不住手攪候鍋內先發青煙後至白煙壘壘旋起氣味香馥者其膏已成即便住火將膏滴入水中試輕

硬得中如老加熱油如稀加炒丹每各少許漸漸加火務要冬夏老嫩得所為佳候煙盡撥下鍋求下方阿魏切

成薄片散於膏上化盡次下乳沒輕粉攪勻傾入水中以柳棍搗成一塊再換冷水浸片時乘溫每膏半斤扯拔百轉成塊又換冷水浸隨用時每取一塊銅杓內復化隨便攤貼至妙

〔方歌〕太乙膏治諸般毒一切瘡傷俱貼之白芷當歸赤芍藥元參桂沒柳槐枝大黃木鱉輕生地阿魏黃丹乳血餘

〔白膏藥〕此膏專貼諸瘡腫毒潰破流膿甚效

淨巴豆肉兩十二兩 蓖麻子十二兩 香油筋 蝦蟆五個各剪 活鱖魚尾 先將巴豆肉蓖麻子入油內浸三

日再將蝦蟆浸一宿臨熬時入活鱖魚共煤焦去渣淨慢火熬油滴水成珠離火傾於淨鍋內再加官粉二斤半乳香末五錢不時攪之冷定為度用時重湯炖化薄紙攤貼

〔方歌〕白膏專貼諸瘡毒巴豆蓖麻浸入油活鱖蝦蟆同煤後再將官粉乳香投

〔化腐紫霞膏〕此膏善能穿透諸毒凡發背已成瘡肉不腐及不作膿者用此膏以腐爛瘡肉穿膿膿毒其功甚效

金頂砒分五 潮腦錢 螺螄肉二兩用肉 輕粉錢 血竭錢 麻仁 巴豆仁五錢研 以上各為末共入磁

罐收貯臨用時用麻油調搽頑硬肉上以棉紙蓋上或膏貼俱可

〔方歌〕化腐紫霞膏穿毒透膿化腐效如神金砒潮腦螺螄肉粉竭麻仁巴豆仁

〔貝葉膏〕此膏貼癰疽發背一切潰爛諸瘡

麻油筋 血餘雞子大 白蠟兩 以上將血餘以文火煤化去渣下火入白蠟溶化候溫用棉紙剪塊三張張

張於油蠟內蘸之貼於磁器幫上用時揭單張貼患處日換八九次力能定痛去腐生肌其功甚速切勿忽之

〔方歌〕貝葉膏治潰爛瘡去腐生肌功效強血餘麻油煎渣去下火入蠟化貼良

〔碧螺膏〕 此膏治下部濕瘡疥癬并結毒痰申瀝瘡

松香 取嫩白者佳、爲末篩過、用銅盆以豬油燻燥之、入水至滾、入香
香 不任手攪之、以香沉底爲度即傾取水中拔扯百十次以不斷爲度、
以上將麻油煎滴水成珠、入松
香一斤、文火溶化、看老嫩、取起離火、住滾徐徐入糠青膽礬各淨末五錢、以柳枝左攪勻爲度、如老加熟豬油二
三錢、用綠紙薄攤貼之、

〔方歌〕 碧螺膏治疥濕瘡、猪脂麻油嫩松香、再入糠青膽礬末、綠紙薄攤貼效非常、

麻藥類方

〔瓊酥散〕 此散治一切腫毒等瘡服之開鍼不痛、

蟾酥錢一 半夏六分 鬧羊花六分 胡椒八分 川椒八分 葶芩錢一 川烏八分 以上七味、共爲細末、每服

半分黃酒調服、如欲大開、加白酒藥一九、

〔方歌〕 瓊酥散是麻人藥、開鍼不痛用蟾酥、葶芩鬧羊生半夏、胡椒川椒與川烏、

〔整骨麻藥〕 此藥開取箭頭服之不痛、

麻黃 胡茄子 薑黃 川烏 草烏各等 鬧羊花倍 以上六味、共爲末、每服五分、茶酒任下、欲解、用甘草

煎湯服之即甦、

〔方歌〕 整骨麻藥取箭頭、不傷筋骨可無憂、麻黃薑黃胡茄子、川草烏與鬧羊投、

〔外敷麻藥〕 此藥敷於毒上、麻木任割不痛、

川烏尖錢五 草烏尖錢五 蟾酥錢四 胡椒兩 生南星錢五 生半夏錢五 一方加葶芩五錢、一方加細辛一兩

以上爲末、用燒酒調敷、

〔方歌〕 外敷麻藥調燒酒、刀割不通效最神、川草烏蟾椒星夏、一加葶芩一加辛、

去腐類方

腐者壞肉也。諸書云：腐不去，則新肉不生。蓋以腐能浸淫好肉也。當速去之。如遇氣實之人，則用刀割之，取效。若遇氣虛之人，則惟恃藥力以化之。蓋去腐之藥，乃瘍科之要藥也。

〔白澤丹〕 此丹治癰疽發背，一切疔毒，用少許。瘡大者用五六厘，瘡小者用一二厘。水調敷瘡頭上，初起者立刻起，跑消散。成膿者即潰，腐者即脫，消腫誠奪命之靈丹也。

硃砂 雄黃各二 水銀兩 硼砂五 火硝 食鹽 白礬 皂礬各一兩 先將硃雄礬三味研細，入鹽礬

硝皂水銀共研勻，以水銀不見星爲度。用陽城罐一個，放微炭火上，徐徐起藥入罐，化盡，微火逼令乾，取起，如火

大太乾，則汞走，如不乾，則藥倒下無用。其難處在此，再用一陽城罐合上，用棉紙截半寸寬，將罐子泥草鞋灰光

粉三樣研細，以鹽滴油汁調極濕，一層泥，一層紙糊合口四五重，及糊有藥罐上二三重。地下挖一小潭，用飯碗

盛水放潭底，將無藥罐放於碗內，以瓦挨潭口四邊齊地，恐炭灰落碗內也。有藥罐上以生炭火蓋之，不可有空

處，約三炷香，去火冷定開看，約有一兩外藥矣。煨時罐上如有綠煙起，急用筆蘸罐子鹽泥固之。

〔紅升丹〕 此丹治一切瘡瘍潰後，拔毒去腐，生肌長肉，瘡口堅硬，肉黯紫黑，用丹少許，雞翎掃上，立刻紅活，瘍醫

若無紅白二丹，決難立刻取效。

硃砂五 雄黃五 水銀兩 火硝兩 白礬四 皂礬六 先將二磨火硝研碎，入大銅杓內，加火酒一小杯

燒化，一乾即起研細，另將汞硃雄研細，至不見星爲度，再入硝礬末研勻，將陽城罐用紙筋泥搪一指厚，陰乾常

輕輕撲之，不使生裂紋。搪泥罐子泥亦可用，如有裂紋，以罐子泥補之，極乾再曬，無裂紋方可。入前藥在內，罐口

以鐵油蓋蓋定，加鐵梁蓋，上下用鐵鑲鐵絲繫緊，用棉紙搭條藤蜜周圍塞罐口，縫間外用熟石膏細末醋調固。

蓋上加炭火二塊，使蓋熱，罐口封固，易乾也。用大釘三根，釘地下，將罐子放釘上，罐底下置堅大炭火一塊，外砌

百眼爐升三炷香第一炷香用底火如火大則汞先飛上二炷香用大半罐火以筆蘸水擦蓋第三炷香火平罐口用扇搗之頻頻擦蓋勿令乾乾則汞先飛上三香完去火冷定開看方氣足蓋上約有六七錢刮下研極細磁罐咸用再預以鹽滷汁調罐子稀泥用筆蘸泥水掃罐口周圍勿令洩氣蓋恐有綠烟起汞走也綠烟一起即無用矣

〔方歌〕白降丹爲奪命丹拔膿化腐立時安
硃雄汞與礪砂入還有硝鹽白皂礬若去礪鹽紅升是長肉生肌自不
驗難

〔元珠膏〕此膏治腫瘍將潰塗之膿從毛孔吸出已開鍼者用撚蘸送孔內呼膿腐不淨塗之立化

木鱉子肉個十四 蟹螯一個 柳枝九寸 鱧甲片錢三 草烏錢一 蘇油兩二 以上藥浸七日文火燻枯去渣入巴豆仁三個煎至黑傾於鉢內研如泥加麝香一分攪勻入罐內收用

〔方歌〕呼膿化腐用元珠木鱉蟹螯共柳枝
鱧甲草烏油內浸燻枯巴豆麝香施

生肌類方

凡大毒潰爛內毒未盡若驟用生肌則外實內潰重者逼毒內攻輕者反增潰爛雖即收口其於旁處復生大疽是知毒未盡不可驟用生肌藥也
〔生肌定痛散〕此散治潰爛紅熱腫痛有腐者用此化腐定痛生肌

生石膏草湯飛五七次 辰砂錢三 冰片分二 礪砂錢五 以上四味共爲未撒患處

〔方歌〕生肌定痛治潰爛腫疼紅熱實相宜
石膏飛過辰砂用共入冰礪細撒之

〔輕乳生肌散〕此散治潰爛紅熱腫痛腐脫者用此定痛生肌

石膏一兩 血竭錢五 乳香錢五 輕粉錢五 冰片錢一 有水加龍骨白芷各一錢不收口加雞內金一錢炙以

上為末撒之。

〔方歌〕輕乳生肌治腐脫石膏血竭乳輕冰若然有水加龍芷收口須添雞內金。

〔葶藶散〕 此散治一切諸瘡發癢者用此撒之甚效。

枯蓉 乾薑 以上等分為末先用細茶食鹽煎湯洗之後用此散撒之。冷瘡不收口者用乾薑一味為末撒。

患處覺熱如烘生肌甚效。

〔方歌〕葶藶最治諸瘡癢先用鹽茶煎洗之若是冷瘡不收口乾薑一味撒生肌。

〔腐盡生肌散〕 此散治一切癰疽等毒諸瘡破爛不斂者撒立即愈。

兒茶 乳香 沒藥各三錢 冰片一錢 麝香一分 血竭三錢 旱三七三錢 以上為末撒之。有水加龍骨一錢煨。

欲速收口 加珍珠兩 蟹黃一錢法取團臍蟹蒸 或用豬脂油半 加黃蠟兩 溶化傾碗內稍溫加前七。

味調成膏攤貼癰疽破爛等證若杖傷則旱三七倍之。一用鮮鹿腿骨紙包灰內煨之以黃脆為度如黑焦色。

則無用矣為細末撒之生肌甚速。

〔方歌〕腐盡生肌瘡不斂兒茶乳沒冰麝香血竭三七水加骨收口珍珠共蟹黃或用豬油溶黃蠟調前七味貼之。

良一用火煨鹿腿骨為散生肌效甚長。

〔月白珍珠散〕 此散治諸瘡新肉已滿不能生皮及湯火傷痛并下疳腐痛等證。

青缸花五分 輕粉兩 珍珠錢 以上為末撒之。下疳腐爛用豬脊髓調搽。一用雞子清傾瓦上曬乾取清。

為末撒之。

〔方歌〕月白珍珠皮不長并醫湯火下疳瘡青缸輕粉珍珠共豬髓調搽真妙方。一用雞清傾瓦上曬乾為末撒之。

良。

〔五色靈藥〕 此五色靈藥治癰疽諸瘡已潰餘腐不盡新肉不生撒之最效。

含鹽錢五 黑鉛錢六 枯白礬 枯皂礬 水銀 火硝各二 先將鹽沿溶化入水銀結成砂子再入二礬火硝

同炒乾研細入鉛末再研以不見星為度入罐內泥固濟封口打三炷香不可太過不及一宿取出視之其白如

雪約有二兩為火候得中之靈藥 如要色紫者加硫黃五錢 要色黃者加明雄黃五錢 要紅色者用黑鉛

九錢水銀一兩枯白礬二兩火硝三兩辰砂四錢明雄黃三錢 升煉火候俱如前法 凡升打靈藥硝要炒燥

礬要煨枯 一方用燒酒煮乾炒燥方研入罐 一法凡打出靈藥倍加石膏和勻復入新罐內打一枝香用之

不痛。

〔方歌〕五色靈藥白用鹽黑鉛硝汞皂枯礬欲成紫色硫黃入黃者雄黃加五錢紅去皂鹽鉛重用硃砂飛盡必須

添。

〔生肌玉紅膏〕 此膏治癰疽發背諸般潰爛棒毒等瘡用在已潰流膿時先用甘草湯甚者用豬蹄湯淋洗患上

輕絹搥淨用搥擱挑膏於掌中擦化遍搥新肉上外以太乙膏蓋之大瘡洗換二次內兼服大補氣血之藥新肉即

生瘡口自斂此外科收斂藥中之神藥也。

當歸兩 白芷錢五 白蠟兩 輕粉錢四 甘草二錢 紫草二錢 瓜兒血竭錢四 麻油觔 先將當歸白芷紫草

甘草四味入油內浸三日大杓內慢火熬微枯色細絹濾清將油復入杓內煎滾入血竭化盡次下白蠟微火亦

化用茶鍾四個預放水中將膏分作四處傾入鍾內候片時下方研極細輕粉各投一錢攪勻候至一日夜用之

極效。

〔方歌〕生肌玉紅膏最善潰爛諸瘡搥即收歸芷蠟輕甘紫草瓜兒血竭共麻油。

〔瑩珠膏〕 此膏治潰瘍去腐定痛生肌并楊梅瘡杖賺瘡下疳等證。

白蠟三兩 豬脂油兩 輕粉錢末 樟冰錢末 凡將白蠟脂油溶化離火候溫入輕粉樟冰攪勻候稍凝

再入冰片末一錢攪勻成膏聽用 凡用先將甘草苦參各三錢水煎洗淨患處貼膏 杖瘡用荆川紙攤

極薄貼之熱則易之其疔瘰即散疼痛立止楊梅瘡加紅粉二錢頑瘡乳巖加銀珠一兩膿瘡加水龍骨三錢或

龍骨四錢

〔方歌〕鑿珠膏用治潰瘡定痛生肌功效強白蠟豬脂樟冰粉楊頑乳杖并膿瘡

〔呂祖一枝梅〕 此藥治男婦大人小兒新久諸病生死難定之間用灰質大一餅貼印堂之中點官香一枝香盡

去藥已後一時許視貼藥處有紅斑暈色腫起飛散謂之紅霞捧日病雖危篤其人不死如貼藥處一時後不腫不

紅皮肉照舊不變謂之白雲漫野病雖輕淺終歸冥路小兒急慢驚風一切老幼痢疾俱可貼之凡病用之皆可預

知生死也

雄黃錢五 巴豆仁五錢不 硃砂分三 五靈脂錢三 銀朱五分 蓖麻仁分五 麝香分三 各研細於端午日淨室

中午時共研加油燕脂為膏磁盒收藏勿經婦人之手臨用豆大一圓掬餅貼印堂中其功立見用過餅送入河

中

〔方歌〕呂祖一枝梅驗病定人生死印堂中紅斑腫起斯為吉無腫無紅命必終藥用五靈蓖麻子砂銀巴豆麝香

雄

頭部

百會疽

百會疽在顛頂結經屬督脈百會穴初如粟米漸如錢甚似葡萄堅似鐵高腫熱實清毒火平塌陽虛溫補法腫速

耳項動痰癢七日不潰命必絕註此百會疽又名玉頂發生在顛頂正中屬督脈經百會穴由膏梁太過火毒凝結而成初起形如粟米漸腫根大如錢甚則形似葡萄堅硬如鐵高尖紅腫焮熱疼痛瘡根收束憎寒壯熱大渴隨飲隨乾口苦唇焦便秘煩躁脈見洪數者此屬氣實宜服黃連消毒飲以清毒火外敷沖和膏若漫腫平塌紫暗堅硬癢痛根散惡寒便瀉脈見細數者此屬陽虛宜服十全大補湯以溫補之外敷回陽玉龍膏若面赤過煩口乾不渴唇潤者此屬陽虛浮泛宜服桂附地黃丸引火歸源更用生附子餅置兩足心

百會疽圖



涌泉穴各灸五壯以洩其毒初起貼琥珀膏已潰糝黃靈藥太乙膏蓋貼腐盡再易生肌之藥治之若腫連耳項痰如棗核七日無膿不潰神昏者命必絕矣

- 〔黃連消毒飲〕 蘇木一分 甘草三分 陳皮二分 桔梗五分 黃芩五分 黃蘗五分 人參三分 藥本五分 防己五分
- 防風四分 知母四分 羌活一分 獨活四分 連翹四分 黃連錢一 生地黃四分 黃耆錢二 澤瀉二分 當歸尾四分 水煎食遠溫服

〔方歌〕黃連消毒清毒火諸般火證服最良蘇木甘草陳皮桔芩蘗人參藥二防知母羌活獨活等連翹黃連生地黃黃耆澤瀉瀉當歸尾服後最忌飲寒涼

- 〔沖和膏〕 〔回陽玉龍膏〕俱見腫瘍門 〔生肌散〕 〔十全大補湯〕 〔黃靈藥〕 〔太乙膏〕俱見腫瘍門 〔桂附地黃丸〕即腫瘍門之加味地黃丸去五味子一味山黃肉白茯苓牡丹皮各減一兩肉桂減五兩加附子一兩 〔附子餅〕見前 〔琥珀膏〕見後

透腦疽

透腦疽生百會前形如雞子痛而堅，軟漫膿稀虛塌陷，紅硬膿稠實腫尖。〔註〕此證生於百會穴之前，顛門之際，亦由督脈經火毒而成。初如粟米，漸如雞子，堅硬疼痛，瘡頂塌陷，根脚漫腫，色暗者屬虛，若色紅腫硬，頂尖膿稠者屬實。遠潰者順，遲潰透腦髓者逆。其腫潰內外治法，俱按百會疽。

侵腦疽

侵腦疽生透腦旁，濕火攻發，風太陽穴名五處，知其位，紅順紫逆要審詳。〔註〕此疽生於透腦疽側下，由太陽膀胱經濕火而成，穴名五處，紅腫高起，焮熱疼痛，膿色如蒼蠅者屬氣血俱實，順而易治，若紫陷無膿，根脚散大者屬氣血兩虛，逆而難治。初起宜服荆防敗毒散汗之，次服內疎黃連湯下之，將潰服託裏透膿湯，已潰服託裏排膿湯，外貼琥珀膏，圍敷冲和膏，其餘內外治法，俱按癰疽潰瘍門。

透腦侵腦疽圖



透腦疽生在百會穴前顯會穴前
侵腦疽生在透腦疽前側下五處穴

〔託裏透膿湯〕 人參 白朮炒 穿山甲炒 白芷各一 升麻 甘草節各五 當歸二 生黃耆三 皂

角刺五分 青皮五分 水三鍾煎一鍾病在上部先飲煮酒一鍾後熱服此藥病在下部先服藥後飲酒病在中部藥內兌酒半鍾熱服。

〔方歌〕託裏透膿治癰疽已成未潰服之宜參朮甲並升麻草當歸黃耆刺青皮。

〔荆防敗毒散〕見頭部 〔內疎黃連湯〕俱見腫 〔冲和膏〕痛門 〔託裏排膿湯〕見頭部 〔琥珀膏〕見髮際

〔魚尾毒〕見尾毒 〔痛內〕

佛頂疽

佛頂疽屬督上星陰陽不調毒熱成不論虛實皆險證潰爛黑陷必然凶〔註〕此證一名頂門疽生於頭頂顛門之前屬督脈經上星穴由藏府陰陽不調熱毒上壅而成色紫堅硬腫痛脈洪大而數者為實脈微細而數者為虛皆屬險證若潰爛黑陷六脈散大神昏譫語二便閉結者為逆首尾內外治法俱按

百會疽

額疽

額疽生額火毒成左右膀胱正督經頂陷焦紫無膿重高聳根收紅腫輕〔註〕此證生前額正中者屬督脈經或生



左右額角者屬膀胱經總由火毒而成初起瘡頂塌陷乾焦色紫不生大膿者其勢重而屬險也若紅腫高聳瘡根收束者其勢輕而屬順也初服荆防敗毒散汗之次服仙方活命飲消之將潰氣虛者宜服託裏透膿湯氣實者宜服透膿散外敷冲和膏已潰宜服託裏排膿湯外貼琥珀膏其餘內外治法俱按

佛頂疽圖



佛頂疽生在透腦疽之前上星穴

癰疽潰瘍門

〔荆防敗毒散〕見頭部

〔仙方活命飲〕見腫瘍門

〔託裏透膿湯〕見前條

〔透膿散〕

〔沖和膏〕俱見腫瘍門

〔託裏排膿湯〕見頭部

〔魚尾毒〕

〔琥珀膏〕見腫瘍門

〔內疎黃連湯〕

〔二味拔毒散〕腫門

勇疽

勇疽皆後太陽穴，膽經怒火伏鼠形，七日不潰，毒攻眼，黃膿為吉，黑血凶。〔註〕此證一名勇疽，又名腦發疽，屬足少

陽膽經怒火而成，生於目小眇之後五分，生在太陽穴者，無論左右，皆可以生，初起如粟，漸腫疼痛，形如伏鼠，面目浮腫，七日信膿不潰，火毒攻睛，腐爛損目，若十一日鍼出黃膿，毒從膿解，為順易治，若出紫黑血者，係氣虛不能化毒，為逆難治，初服仙方活命飲清解之，毒甚宜服內疎黃連湯，外敷二味拔毒散，其將潰已潰，內外治法，俱按癰疽腫瘍潰瘍門，潰後避風忌水。

〔仙方活命飲〕

〔內疎黃連湯〕

〔二味拔毒散〕

〔腫門〕

勇疽圖



勇疽生在眼角後五分童子鬪穴又名太陽穴

〔仙方活命飲〕

〔內疎黃連湯〕

鬢疽

鬢疽三焦膽二經，證由怒怒火凝成，此經氣多而血少，潰腐惟宜少見膿。〔註〕此證發於鬢角，屬手少陽三焦足少

陽膽二經，由於相火妄動，外受風熱，更因性情忿怒，怒念火生，凝結而成，此二經俱屬氣多血少，最難腐潰，更兼鬢

角肌肉澆薄，不宜鍼灸，候其自潰，潰後不宜多見膿，膿多者過耗血液，難斂，初起宜服柴胡清肝湯，解之膿成者宜

託裏消毒散，託之外敷二味拔毒散，已潰內外治法，俱按癰疽潰瘍門。

〔柴胡清肝湯〕柴胡 生地各一錢

當歸錢二 赤芍五分 川芎錢一 連翹錢二

心 牛蒡子一分炒研 黃芩錢一 生梔子

研 天花粉 甘草節 防風錢各一 水

二鍾煎八分食遠服

〔方歌〕柴胡清肝治怒證宣血疎通解毒良

四物生用柴翹芩黃芩極粉草節防

〔託裏消毒散〕俱見腫瘍門 二味拔毒散

天疽銳毒

天疽居左銳毒右經屬膽腑生耳後謀慮太過鬱火成此處肉薄當急救〔註〕此二證左為天疽右為銳毒俱生耳後一寸三分高骨之後天者不盡天年謂之天銳者如鋒刃之銳利言毒甚也得此二證愈者甚少初起俱如黍粒

銳毒生右耳後一寸三分高骨後

天疽銳毒圖



天疽生左耳後一寸三分高骨後

鬚疽圖



鬚疽生在左右鬚角

漸腫如瓜堅硬平塌紫暗不澤較諸瘡疼痛倍增名雖各異而左右耳後俱屬足少陽膽經由謀慮不決鬱火凝結而成此處皮肉澆薄氣多血少終屬險證急當治之遲則熱氣下入淵液前傷任脈內熏肝肺惡證悉添必致不救若紅腫速潰者順堅硬黑陷者逆如果投方應證亦只十全四五也初宜服柴胡

清肝湯消解之膿將成宜服託裏消毒散虛者十全大補湯託補之外俱敷烏龍膏其餘內外治法俱按癰疽腫潰瘍門(淵液膽經穴名)

〔柴胡清肝湯〕見前 〔託裏消毒散〕 〔烏龍膏〕俱見腫瘍門 〔十全大補湯〕見前

耳後疽

耳後疽生耳摺間三焦風毒膽火炎紅腫有頭焮為順黑陷聾痛冷潰難〔註〕此證生於耳摺之間無論左右屬三焦經風毒兼膽經怒火上炎而成初起如粟漸增腫痛小者如杏大者如桃若紅腫有頭焮熱易潰稠膿者為順若黑陷堅硬聾痛引腦甚則頂頰肩肘俱痛不熱遲潰紫血者為逆初治法同天疽已潰內外治法俱按癰疽潰瘍門又有初起失於託裏或誤食寒涼則毒不能外發遂攻耳竅膿從耳竅出者名為內潰屬虛多服十全大補湯大抵少年得此證者其愈最緩老年得此證者易於成漏

〔十全大補湯〕見前

耳發

耳發三焦風熱成初椒漸若蜂房形赤腫疼痛生輪後黃膿屬吉紫血凶〔註〕此證生於耳後屬三焦經風熱相搏而成初如椒粒漸腫若蜂房將腐亦多眼孔焮赤疼痛腫連耳輪蓋發者乃癰證之毒甚者也不可聽其自潰恐潰

耳後疽圖



後耳疽生耳上輪之後角孫穴開口有空陷下之處左右相同

邊膿通耳竅當在十一日後剪破瘡頂出黃白膿者屬吉爲順出紫鮮血者屬凶爲逆初起俱宜服仙方活命飲消之外敷二味拔毒散其餘內外治法俱按癰疽潰瘍門。

〔仙方活命飲〕見腫門 〔二味拔毒散〕見腫門

門痛

耳根毒

耳根毒初痰核形腫如伏鼠瘻赤疼三焦風火膽怒氣暴腫潰速非疽癰〔註〕此證生於耳後初起形如痰核漸增腫勢狀如伏鼠瘻赤疼痛由三焦風火膽經怒氣上冲凝結而成但此證暴腫潰速根淺易愈非若癰疽之勢大毒甚也初起寒熱往來宜服荆防敗毒散汗之發熱痛甚者仙方活命飲消之膿成者服透膿散虛者服託裏透膿湯潰後外撒紅靈藥貼太乙膏膿盡換搽生肌玉紅膏生肌斂口若過虛者膿水清

耳根毒圖



稀或瘡口斂遲即服香貝養榮湯補之自斂。

〔仙方活命飲〕見腫門 〔荆防敗毒散〕見腫門 〔透膿散〕見腫門 〔託裏透膿湯〕見腫門 〔紅靈藥〕見腫門 〔生肌玉紅膏〕見腫門 〔太乙膏〕見腫門 〔香貝養榮湯〕見腫門

耳發



耳發生耳摺間連耳輪通腫甚則膿串耳竅左右相同

腫勢狀如伏鼠瘻赤疼痛由三焦風火膽經怒氣上冲凝結而成但此證暴腫潰速根淺易愈非若癰疽之勢大毒甚也初起寒熱往來宜服荆防敗毒散汗之發熱痛甚者仙方活命飲消之膿成者服透膿散虛者服託裏透膿湯潰後外撒紅靈藥貼太乙膏膿盡換搽生肌玉紅膏生肌斂口若過虛者膿水清

玉枕疽

玉枕疽屬督脈經。證由積熱風邪乘枕骨微上腦戶穴。初起如粟而成。生在玉枕骨尖微上腦戶穴。初起如粟。麻癢相兼。寒熱往來。口渴便秘。漸增堅硬。大者如茄。小如鵝卵。紅活高腫。潰出稠膿者。屬吉而順也。若紫暗塌陷。潰出血水者。屬凶險也。初則俱服神授衛生湯消解之。虛者宜服託裏消毒散。外敷冲和膏。其餘內外治法。俱按癰疽腫潰瘍門。

〔神授衛生湯〕 〔託裏消毒散〕 〔冲和膏〕 俱見腫瘍門。

玉枕疽圖



玉枕疽生腦後在玉枕骨尖上腦戶穴在百會穴之後四寸半

腦後發



腦後發在玉枕骨之下

腦後發

腦後發生在督經。熱結風府粟腫疼。紅活易潰。稠膿順。紫暗難潰。血水凶。〔註〕此證屬督脈經枕骨之下風府穴。由積熱外受風邪凝結而成。初如粟米。掀腫作疼。痛引頭頂。肩項氣粗鼻塞。漸大如盤。如盤如盤。紅活速潰。出稠膿者。順。紫暗難潰。時津血水者。逆。初起內外治

法按玉枕疽其餘內外治法俱按癰疽腫潰瘍門。

腦鑱

腦鑱項後如橫木精涸毒火上乘生黑如竈烟牛脣硬木痛未腐水流清急施桑艾法至痛火燎刺痛屬陽經速服仙方活命飲若見七惡定然凶〔註〕此證生於督脈經風府穴由陰精枯涸毒火乘之而生初起形如椒粒堅硬紫暗漸腫如橫木甚則上至巔頂下至大椎色如竈烟硬若牛脣未膿皮先腐爛時流清水肌肉冰冷輕者木痛重者毒氣將陷全不知疼宜急施桑柴烘法或艾壯灸法以痛為度速服仙方活命飲以舒解其毒七日之後不發長不生大膿者宜服十全大補湯救之投補藥不應者雖治若初起熱如火燎刺痛屬陽證速服黃連消毒飲外敷回陽玉龍膏此證若首尾純見五善之證者屬順見七惡之證者屬逆也其餘內外治法俱按癰疽腫潰瘍門。

〔桑柴烘法〕〔艾壯灸法〕首見〔仙方活命飲〕見腫門
〔十全大補湯〕見腫門
〔黃連消毒飲〕見前百
〔回陽玉龍膏〕見腫門

油風

油風毛髮乾焦脫皮紅光亮癢難堪毛孔風襲致傷血養真海艾砭血痊〔註〕此證毛髮乾焦成片脫落皮紅光亮

腦鑱圖



腦鑱生在腦後入髮際一寸風府穴二大筋之中宛宛中央勢如橫木

癢如蟲行俗名鬼剃頭由毛孔開張邪風乘虛襲入以致風感燥血不能榮養毛髮宜服神應養真丹以治其本外以海艾湯洗之以治其標若就延年久宜鍼砭其光亮之處出紫血毛髮庶可復生

〔神應養真丹〕 羌活 木瓜 天麻

白芍 當歸 菟絲子 熟地 酒蒸 川芎

芎 等分爲末入地黃膏加蜜丸桐子大每服百丸溫煮酒或鹽湯任下

〔方歌〕神應養真治油風養血消風髮復生羌歸木瓜天麻芍菟絲熟地與川芎

〔海艾湯〕 海艾 菊花 蘆本 蔓荊子 防風 薄荷 荆穗 藿香 甘松 各二 水五六碗同藥煎數滾連湯共入厥口鉢內先將熱氣薰面候湯少溫用布蘸洗日洗二三次洗後避風忌魚腥發物

〔方歌〕海艾湯治油風癢先薰後洗善消風菊葉蔓荊風薄荷藿香海艾與甘松

白屑風

白屑風生頭與面燥癢日久白屑見肌熱風侵成燥化換肌潤肌醫此患註此證初生髮內延及面目耳項燥癢日久飛起白屑脫去又生由肌熱當風風邪侵入毛孔鬱久燥血肌膚失養化成燥證也宜多服祛風換肌丸若肌膚燥裂者用潤肌膏擦之甚效

〔祛風換肌丸〕 大胡麻 蒼朮 炒 牛膝 酒 石菖蒲 苦參 何首烏 生 花粉 藏靈仙 各二 當歸 身

油 風 圖



油風生頭髮內毛髮脫落成片皮膚色紅光亮甚癢亦生髮眉間及面部

川芎 甘草 兩生 爲細末 陳煮酒 跌

九菘豆大 每服二錢 白滾水 送下 忌魚

腥發物 火酒

〔方歌〕換肌丸 治白屑風 燥癢日增 若蟲

行風 燥血分失 潤養 蠱起白屑 落復生 歸

苜胡麻 蒼朮 膝 菖蒲 花粉 草 葳靈 苦參 何

首烏 爲末 煮酒 跌丸 菘豆 形

〔潤肌膏〕香油兩 奶酥油兩 當歸錢 紫草錢 將當歸紫草入二油內 浸二日 文火 煤焦去渣 加黃蠟

五錢 溶化 盡用布濾 傾盤內 不時用柳枝攪冷成膏 每用少許 日擦二次

〔方歌〕潤肌膏 擦白屑風 肌膚燥癢 用更靈 酥香二油 歸紫草 煤焦加蠟 濾攪凝

禿瘡

禿瘡生於頭皮 騷癢 撓破 津水結白膿 痂多生小兒

上頭兒



白屑風圖

白屑風生於頭面 作癢 抓起白屑 皮脫去 又起 其燥癢 倍增



禿瘡風熱化生 蟲騷癢 難堪 却不疼 白痴如錢生髮內 宜服通聖擦膏靈

〔註〕此證頭生白痴小者如豆 大者如錢 俗名錢癬 又名肥瘡 多生小兒

頭上騷癢 難堪 却不疼 痛日久 蔓延成片 髮焦脫落 卽成禿瘡 又名癩頭瘡 由胃經積熱生風而成 宜用防風

通聖散料，醇酒浸焙為細末，每服一錢或二錢，量其壯弱用之。食後白滾湯調下，服至頭上多汗為驗。初起肥瘡，宜擦肥油膏，用久則效。已成禿瘡者，先宜艾葉鴉膽煎湯洗淨瘡痂，再用豬肉湯洗之，隨擦躑躅花油，以殺蟲散風。蟲死則癢止，風散則髮生，血潮則肌膚潤，久擦甚效。

〔防風通聖散〕 防風 當歸 白芍 芒硝 大黃 連翹 桔梗 川芎 石膏 黃芩 薄荷 麻

黃 滑石 荆芥 白朮 山梔子 甘草 共為末。

〔方歌〕防風通聖治禿瘡，胃經積熱致風傷。連翹梔子麻黃桔，白朮歸芎滑石防。黃芩甘草石膏芍，薄荷荆芥並硝黃。共末酒拌曬乾碾，白湯調服發汗良。

〔肥油膏〕 番木鱉 營歸 藜蘆 黃蘗 苦參 杏仁 狼毒 白附子 鯉魚膽 用香

油十兩，將前藥入油內，熬至黑黃色，去渣加黃蠟一兩二錢，溶化盡，用布濾過，罐收，每用少許，用藍布裹於手指。

燕油擦瘡。

〔方歌〕肥油膏能治肥瘡，散風殺蟲長髮強。黃蘗苦參白附子，番鱉狼毒杏仁良。藜蘆當歸鯉魚膽，煤焦入蠟實奇方。

〔躑躅花油方〕 躑躅花根四兩，搗爛，用菜油一盤，煤枯去渣，加黃蠟少許，布濾候冷，膏布蘸擦，日用三次，麩帽戴之，勿令見風。

〔方歌〕躑躅花油療禿瘡，驅蟲止癢擦之良。躑躅花根研極爛，菜油煤枯入蠟強。

蟻蝨瘡

蟻蝨瘡即蟻拱頭，勢小勢大各有由，胎毒堅小多衣膜，暑熱形大功易收。〔註〕此證多生小兒頭上，俗名貉繸，未破如曲蟻拱頭，破後形似蟻蝨，申穴有因胎中受毒者，其瘡腫勢雖小，而根則堅硬，潰破雖出膿水，而堅硬不退，瘡口

收斂越時復發本毒未罷他處又生甚屬纏綿難斂宜用三品一條槍插於孔內化盡堅硬衣膜換撒生肌散貼玉紅膏以收斂之不致再發也亦有暑熱成毒者大如梅李相聯三五枚潰破膜出其口不斂日久頭皮串空亦如螻蛄串穴之狀宜貼紺珠膏拔盡膿毒將所串之空皮剪通使無蒸膿之處用米泔水日洗一次乾撒生肌散貼萬應膏其效有因瘡口開張日久風邪襲入以致瘡口周圍作癢抓破津水相延成片形類黃水瘡者宜用敗銅散搽之忌魚腥發物

圖 癩 姑 螻



〔三品一條槍〕 白砒五錢 明礬三 砒礬二味共研細末入小罐內加炭火煨紅俟青烟已盡壘起白烟片時約上下紅微住火取罐安地上宿取出約有砒礬淨末一兩加雄黃二錢四分乳香一錢二分共研極細厚

糊搽成線條陰乾瘡有孔者插入孔內無孔者先用鐵連孔竅早晚插藥二條插至三日後孔大者每插十餘條插至七日孔內藥條滿足方住患處四邊自然裂開大縫共至十四日前後其堅硬衣膜及疔核瘰癧痔漏諸管自然落下隨用湯洗搽玉紅膏虛者兼服健脾補劑自然收斂

〔方歌〕神奇三品一條槍能醫堅硬衣膜瘡雄乳白砒礬生用研末煨煉搽條良

〔敗銅散〕 化銅舊罐子一個研為細末用香油調敷自能滲濕祛癢瘡口易斂


〔方歌〕敗銅散治潰風傷發癢破津脂水瘡化銅舊罐研細末香油調敷滲濕良

〔紺珠膏〕 〔萬應膏〕 〔生肌散〕 〔玉紅膏〕 俱見瘡門

髮際瘡

髮際瘡生髮際邊形如黍豆澁疼堅頂白肉赤初易治胖人肌厚最纏綿〔註〕此證生項後髮際形如黍豆項白肉

髮際瘡圖



髮際瘡生項後髮際內胖人多生此瘡

害常用琥珀膏貼之可稍輕也

〔琥珀膏〕定粉兩 血餘錢入 輕粉錢四 銀朱錢七 花椒粒十四 黃蠟兩 琥珀末五分 麻油兩 將血餘

花椒麻油煤焦撈去渣下黃蠟溶化盡用夏布濾淨傾入磁盤內預將定粉輕粉琥珀四味各研極細共合一處徐徐下入油內用柳枝不時攪之以冷為度綿燕脂攤貼紅膠紙攤貼亦可

〔方歌〕琥珀膏能治諸瘡活瘀解毒化腐良定血輕朱椒蠟珀麻油熬膏亦療瘍

〔紺珠丹〕見腫瘍門 〔防風通聖散〕見前 〔黃連膏〕見鼻部

頭風傷目

頭風引目眉稜痛風火寒痰有四因或由楊梅毒攻項或因產前被風侵〔註〕此證畏寒惡風其痛走注不定得煖少減者風痛也寒熱口苦大瀉二便秘不眠者火痛也手足厥冷面青唇白氣逆不渴小水白者寒痛也身重肢痠

胸煩作嘔口吐痰沫者痰痛也以上四證醫有古方羌活冲和湯倍川芎加菊花隨經形證加引治之倘若因循失治風攻眉稜痠痛眼皮跳動漸攻睛珠起藍雲遮睛多致損目若只眉稜痠痛以碧雲散常吸之甚效。

〔羌活冲和湯〕 防風 白芷各一 細辛 甘草各五分 生地 蒼朮 黃芩各一 羌活五分 川芎二錢

引加葱頭三根生薑一片紅棗肉二枚水煎食遠服 痛由項後起屬膀胱經倍羌活加藜本 痛由耳後起屬膽經加柴胡 痛由太陽牽引頭額兩目屬胃經倍白芷加葛根煨石膏 頭痛兼有腹痛身重屬脾經倍蒼朮

頭痛兼有足冷氣逆屬腎經倍細辛甚者加麻黃生附子減黃芩 頭痛兼有嘔涎沫者手足厥冷屬肝經加吳茱萸 頭痛有火熱渴倍酒洗黃芩加生石膏 便秘者加生大黃 頭痛吐痰涎四肢不冷者加半夏

〔方歌〕冲和頭風傷目風火寒痰四因生日久眉稜痠痛跳遮睛損目此能清防風白芷細辛草生地蒼朮羌活芍詳在隨加引經藥葱薑紅棗水煎成

〔碧雲散〕 川芎 鵝不食草各一 細辛 辛黃各一 青黛一 共為細末患者口噙涼水令人以蘆筒吹入左右鼻孔內取嚏為效每用少許鼻常吸之其效緩

〔方歌〕碧雲散去頭風證眉稜痠痛更堪醫鵝不食草辛黃黛芎細同研不時吸

〔貼兩太陽穴〕 治頭痛如破

〔雀腦川芎〕 白附子各等 研末葱汁調稠紙攤貼左右太陽穴效 產後風寒侵腦頭痛不可發汗宜用四物湯倍川芎加荆芥穗服之其效緩 楊梅毒入腦髓以致頭痛者治在本門

面部

額癆 額疔 漸榴形 風熱積熱 小腸經癆 起疔
紅浮腫痛 疽紫漫硬 木麻疼〔註〕此二證發
於額骨尖處 屬小腸經 不論左右 初小漸大
如榴 發癆分者 由風熱而生 初起焮紅浮腫
疼痛 七日即潰 名為額癆 毒輕根淺 易愈發
陰分者 由積熱而生 色紫漫腫 堅硬麻木 疼
痛 三三方潰 名為額疔 毒甚根深 難愈 癆證
初宜仙方活命飲 疽證初宜內疏黃連湯 或
麥靈丹 其餘內外治法 俱按癰疽腫瘍潰瘍門。

〔仙方活命飲〕 〔內疏黃連湯〕 〔麥靈丹〕俱見腫

額疔

額疔

額疔色赤 堅硬形小 根深左右相同



額癆 額疔

額癆 宣腫色赤 左右同



額癆 宣腫色赤 左右同

額疔初起粟米形 雖由陽明火毒生 堅硬頂
凹根深固 寒熱交作 麻癢疼〔註〕此證生在
額骨之間 屬陽明胃經 不論左右 初如粟米
黃色小疱 次如赤豆 頂凹堅硬 挫似疔頭 麻
癢疼痛 多因過食炙煇藥酒 以致胃經積火
成毒而生 初宜蟾酥丸 或麥靈丹汗之 次服
黃連消毒飲 濟之外治法 同疔門 凡疔皆屬

迅速之證初覺即當急治遲則毒火攻心令人昏憤謔語惡證悉添多致不救

〔蟾酥丸〕見前 〔麥豎丹〕見後 〔黃連消毒飲〕見頭部

面發毒

面發毒在頰車生初少漸多赤豆形腫硬痲疼津黃水證屬風熱客陽明〔註〕此證生面上頰車骨間初生一個漸發數枚形如赤豆色紅嫩痛堅硬似疔時津黃水由風熱客於陽明上攻而成初宜服荆防敗毒散汗之若胃火盛則脣焦口渴便燥者即服涼膈散下之外以清涼消毒散敷之即愈

〔涼膈散〕 黃芩 薄荷 梔子研 連

翹心 石膏 甘草 芒硝 大黃

各等分 水二鍾苦竹葉二十片煎八分加

蜂蜜二匙和服

〔方歌〕涼膈散醫肺胃熱口渴脣焦便燥結

芩薄荷翹石膏草芒硝大黃苦竹葉

〔清涼消毒散〕 白芨 乳香 雄黃

天花粉 麝香 烏藥 山慈姑 黃蘗

各等分共研細末雞子清和蜜水調敷

〔方歌〕清涼消毒去風熱及乳雄黃花粉麝烏藥慈姑黃蘗研雞清蜜調毒即滅

〔荆防敗毒散〕見頭部

面遊風

面發毒圖



面發毒形如豆粒色紅堅硬

面遊風圖



面遊風係面上起白皮形似細魚鱗

面遊風燥熱燥成面目浮腫癢蟲行膚起白屑而癢極破津黃水津血疼〔註〕此證生於面上初發面目浮腫癢若蟲行肌膚乾燥時起白屑次後極癢抓破熱濕感者津黃水風燥感者津血痛楚難堪由平素血燥過食辛辣厚味以致陽明胃經濕熱受風而成癢甚

者宜服消風散痛甚者宜服黃連消毒飲外抹摩風膏緩緩取效

〔摩風膏〕 麻黃錢五 羌活兩一 白檀香錢一 升麻錢一 白芨錢一 防風錢二 當歸身錢一 用香油五兩將藥浸

五日文火燉黃即撈去渣加黃蠟五錢溶化盡用絹濾過攪冷塗抹瘡上

〔方歌〕摩風膏抹遊風證麻黃羌活白檀升芩防歸身香油燉黃去渣加蠟凝

〔消風散〕見頭部 鈕扣風 〔黃連消毒飲〕見頭部 百會疽

疥腮

疥腮胃熱是其端初起癢痛熱復寒高腫嫩

紅風與熱平腫色淡熱濕厚〔註〕此證一名

鼈發一名含腮瘡生於兩腮肌肉不著骨之

處無論左右總發端於陽明胃熱也初起癢

痛寒熱往來若高腫色紅頰熱者係胃經風

熱所發若平腫色淡不鮮者由胃經濕熱所

疥腮圖



疥腮

生始則俱以柴胡葛根湯表之。若口渴便秘宜四順清涼飲解之。表裏證俱解腫痛仍作者勢必成膿宜託裏消毒散託之。膿熟者鍼之。體虛者宜平補之。其餘治法按癰疽潰瘍門。此證初起若過服涼藥令毒攻喉者險。

〔柴胡葛根湯〕 柴胡 葛根 石膏 煨 花粉 黃芩 各一 甘草 生五分 牛蒡子 炒 連翹 心去 桔梗 各

升麻 分三 水二鍾煎八分不拘時服。

〔方歌〕柴胡葛根發表證。疔腮腫痛或平形。石膏花粉黃芩草。牛蒡連翹桔梗升。

〔四順清涼飲〕 防風 梔子 研 連翹 心去 甘草 生 當歸 赤芍 羌活 各一 大黃 錢二 水二鍾燈心五

十寸煎八分食遠服。

〔方歌〕四順清涼攻裏強。口乾便秘疔腮瘡。防風梔子連翹草。歸芍燈心羌大黃。

〔託裏消毒散〕 癰門

頰瘍

頰瘍胃經積熱生。初如紅粟漸榴形。膿出腫消易斂愈。膿稀難斂漏因成。〔註〕此證生於耳下頰車骨間。由陽明胃經積熱而生。始發如粟。紅色漸大如榴。初起宜犀角升麻湯清解之。若失治或過敷寒藥以致肌冷凝結。堅硬難消難潰者。宜升陽散火湯宣發之。將潰宜託裏消毒散。膿熱鍼之。膿出腫退瘡口易斂者。則愈。或牙關緊急不開。或旁腫不消。膿水清稀。因而成漏。復被寒侵瘡孔。致生多骨。經年纏綿難愈者。服桂附

頰 瘍 圖



頰瘍生頰車骨

地黃丸外用豆豉餅墊灸艾壯初用九壯以知熱瘳為止每日灸之以朽骨脫出膿漸少而肌漸平爲度兼用紅升丹擦入瘡口內萬應膏蓋貼每日一易患者當慎起居戒腥發等物漸漸收功

〔犀角升麻湯〕 犀角五分 升麻七分 黃芩分 白附子八分入分煎 生甘草分 白芷分 川芎分 羌活

二分 防風分 水三鍾煎一鍾食遠熱服

〔方歌〕犀角升麻醫頰瘍色紅初起服之良黃芩白附生甘草白芷川芎羌活防

〔升陽散火湯〕 撫芎分 蔓荊子 白芍炒酒 防風 羌活 獨活 甘草半炙 人參各一 柴胡 香附

五分 葛根錢 升麻錢 殭蠶分炒 生薑一片紅棗肉一枚水三鍾煎一鍾食遠溫服

〔方歌〕升陽散火過敷寒牙又拘急木痛堅撫蔓芍防羌獨草參柴香附葛升蠶

〔託裏消毒散〕見腫 〔桂附地黃丸〕見百會 〔豆豉餅〕見灸 〔紅升丹〕 〔萬應膏〕俱見潰

骨槽風

骨槽風火三焦胃耳前腮頰隱隱疼痛腐潰筋骨仍硬痛牙關拘急夾邪風〔註〕此證一名牙又發一名穿腮發乃手

骨槽風腮頰浮腫牙關緊急

骨槽風圖



少陽三焦足陽明胃二經風火也起於耳前連及腮頰筋骨隱痛日久腐潰腮之裏外筋骨仍然漫腫硬痛牙關拘急皆由邪風深襲筋骨故也此證屬在筋骨陰分故初起腫硬難消潰後瘡口難合多致不救初起熱不感者內宜服清陽散火湯外以清胃散擦牙真君妙散貼敷腮如初起發表之後人壯火威

者用皂刺大黃甘草節白芷殭蠶下之後減大黃加生石膏以清之然亦不可過用寒涼之藥恐其凝結也有硬腫日久失治不能盡消者膿勢將成宜用中和湯託之已潰按癰疽潰瘍門治法亦有過服寒涼以致肌肉堅凝腐臭非理中湯佐以附子不能回陽非殭蠶不能搜風如法治之諸證俱減惟牙關拘急不開宜用生薑片墊灸頰車穴二七壯其穴在耳垂下五分陷中處每日灸之兼用鍼刺口內牙盡處出血其牙關即開若寒熱不退形焦體削痰或不食或口內腐爛甚則穿腮落齒者俱為逆證當腐爛之初治法即同牙疳亦不過稍盡人耳耳

〔清胃散〕 薑黃 白芷 細辛 川芎 各等分共研細末先以鹽湯漱口擦牙痛處

〔方歌〕清胃散擦牙腫疼薑黃白芷細辛芎同研先以鹽湯漱後擦此藥有奇功

〔中和湯〕 白芷 桔梗 人參 黃耆各一錢 藿香五分 肉桂五分 甘草 白朮炒 川芎 當歸 白芍各一錢

錢酒 麥門冬五分 水二鍾薑三片棗二枚煎八分加酒一杯食遠服

〔方歌〕中和湯治骨槽風日久不消欲潰膿芷桔參耆藿桂草尤芎歸芍麥門冬

〔理中湯〕見瀉門 〔真君妙貼散〕見腫門 〔升陽散火湯〕方見類編

發頤

發頤腫痛結核般經屬陽明身熱寒傷寒疹毒汗失表腫至咽喉調治難〔註〕此證又名汗毒發於頤領之間屬足陽明胃經初起身發寒熱腫如結核微熱微痛漸腫如桃如李疼痛倍增由傷寒發汗未盡或疹形未透壅積而成初起宜荆防敗毒散汗之外以二味

發頤圖



發頤

拔毒散敷之即消如消之不應者腫痛日增勢必潰膿宜服託裏透膿湯潰後按癰疽潰瘍門治法若此證失於調治或誤投寒涼剋伐之藥毒必內陷腫至咽喉痰湧氣堵湯水難嚥者逆

〔荊防敗毒散〕見頭部

〔二味拔毒散〕見腫瘍門

〔託裏透膿湯〕見頭部

時毒

時毒初發類傷寒漫腫無頭在項間因感四時不正氣治分壯弱疎解痊〔註〕此證初起狀類傷寒憎寒發熱令人恍惚不寧肢體痠疼或兼咽痛一二日間發於項腮頰頰作腫無頭漸漸熾赤疼痛或似結核有根漫腫色赤俱由感冒四時不正邪氣客於經絡釀結而成非發於病後之頭毒也惟在醫者精察瘡色辨別虛實治法須宜疎解不可驟用寒涼致毒不外發而內攻咽喉者險矣初服荊防敗毒散汗之其腫不消者宜服連翹消毒飲腫仍不消膿勢將成壯者宜服透膿散弱者宜服託裏透膿湯外敷二味拔毒散膿熱鹹之潰

時毒在於項頰之間左右同

時毒圖



按癰疽潰瘍門治法

〔荊防敗毒散〕見頭部

〔連翹消毒飲〕見背部

〔透膿散〕見腫瘍門

〔託裏透膿湯〕見頭部

〔二味拔毒散〕

見腫瘍門

鳳眉疽

鳳眉疽生兩眉棱形長如瓜漫腫紅膀胱小腸肝膽熱煩悶嘔逆不食凶〔註〕此疽亦名眉發生於眉棱無論左右

俱屬足太陽膀胱手太陽小腸足厥陰肝足少陽膽四經積熱所致形長如瓜疼痛引腦得膿則吉無膿則險甚則十四日不潰煩悶嘔逆不食者凶初宜服仙方活命飲次服託裏透膿湯速潰爲妙遲則恐攻眼損睛矣其餘內外治法按癰疽潰瘍門

〔仙方活命飲〕見腫瘍門 〔託裏透膿湯〕見頭部

眉心疽

眉心疽生在印堂硬腫是疽浮腫瘍督經風熱氣凝滯根堅木痛當疔防〔註〕此證生於兩眉中間疽名曰印堂疽

眉心疽圖



眉心疽

龍泉疽

毒初起色暗根平腫硬疼痛至二十一日腐潰出稠膿者順無膿黑陷者逆瘍名曰面風毒瘍毒初起色赤浮腫焮痛易治七日潰膿若色黑木痛麻癢太過根硬如鐵釘之狀寒熱並作卽眉心疔也俱由督脈經風熱壅結氣滯所成疽瘍二證俱按百會疽眉心疔治法同疔

鳳眉疽圖



鳳眉疽生眉棱骨左右同

龍泉疽起在人中。麻癢堅疼赤豆形。上焦風熱攻督脈。憎寒壯熱治同疔。〔註〕此證生於水瀼穴。即人中是也。屬督脈經。形如赤豆。勢小根深。堅硬木痛。色紫頂焦。寒熱交作。不時麻癢。由上焦風熱攻於督脈而成。宜按疔門急速治之。遲則毒氣內攻。令人煩悶。惡心乾嘔。神亂昏憤。腮項俱腫。多致不救。

虎彪毒

虎彪毒在頰下生。胃腎積熱入任經。癰焮腫痛速潰易。疽堅硬痛麻癢疔。〔註〕此毒一名類癰。腫痛焮赤。速潰易治。一名承漿疽。堅硬痛腫。遲潰難治。若根深形小似豆。麻癢痛甚。惡寒發熱。心煩作嘔者。疔也。當從疔治。皆由過食炙博。以致胃腎二經積熱上攻任脈而成。癰疽二證初起。宜服仙方活命飲。加升麻。桔梗。消之。若便秘。唇焦大渴者。宜內疎黃連湯清之。其餘內外治法。俱按癰疽腫瘍潰瘍門。初起麻癢如疔。治法按

虎彪毒圖



虎彪毒在下唇之下宛宛中

疔門。

〔仙方活命飲〕

〔內疎黃連湯〕

俱見腫瘍門

龍泉疽圖



龍泉疽在人中之正中

燕窩瘡

燕窩瘡在下頰生。如擗粟豆。癢熱疼。形類黃水瘡。破爛。此證原來濕熱成。〔註〕此證生於下頰。俗名羊鬍子瘡。初生小者如粟。大者如豆。色紅熱癢微痛。破津黃水。形類黃水瘡。浸淫成片。但疙瘡如擗。由脾胃濕熱而成。宜服芩連平胃湯。外搽碧玉散即效。

〔芩連平胃湯〕 黃芩五分 黃連一錢

厚朴薑炒 蒼朮炒 甘草五分 陳皮錢

皮錢 水二鍾 薑一片 煎八分 食後服。

〔方歌〕芩連平胃燕窩瘡。除濕清熱服更良。薑炒厚朴蒼朮草。陳皮同煎引生薑。

〔碧玉散〕 黃礬末 紅棗肉各五錢 炭性 共研極細末。香油調搽患處。

〔方歌〕碧玉散搽燕窩瘡。紅疔溶津水黃。棗炭礬末香油拌。消疼止癢滲濕方。

燕窩瘡圖



燕窩瘡生於下頰

雀斑



雀斑圖

雀斑

雀斑淡黃碎點形。火鬱孫絡血風成。犀角升麻丸常服。正容散洗漸無痕。〔註〕此證生於面上。其色淡黃。碎點無數。由火鬱於孫絡之血分。風邪外搏。發為雀斑。宜常服犀角升麻丸。並治一切粉刺酒刺。野鬍子等證。外用

時珍正容散早晚洗之以溼其肌久久自愈亦有水虧火滯而生雀斑者宜服六味地黃丸

〔犀角升麻丸〕 犀角五錢 升麻一兩 羌活一兩 防風一兩 白附子錢五 白芷錢五 生地黃一兩 川芎錢五 紅

花錢五 黃芩錢五 甘草一分 各研細末合均蒸餅為小丸每服二錢食遠臨臥用茶清送下

〔方歌〕犀角升麻治雀斑野鷄子亦能痊犀升羌防白附芷生地芎紅芩草丸

〔時珍正容散〕 豬牙皂角 紫背浮萍 白梅肉 甜櫻桃枝各一 焙乾兌鷹糞白三錢共研為末每早晚

用少許在手心內水調澆搥面上良久以溫水洗面用至七八日後其斑皆沒神效

〔方歌〕正容散洗雀斑容豬牙皂角紫浮萍白梅櫻桃枝鷹糞研末早晚水洗靈

〔六味地黃丸〕 懷熟地八兩 山黃肉 懷山藥各四兩 白茯苓 丹皮 澤瀉各三 共為細末煉蜜為丸如

梧桐子大每服二錢空心淡鹽湯送下

〔方歌〕六味地黃善補陰能滋腎水並生津黃芩山藥丹皮瀉研末蜜丸服最神

黑痣

黑痣生面微點斑小如黍粒豆形圓孫絡之血陽東結挑破水晶膏點註此證生於面部形如微點小者如黍

大者如豆比皮膚高起一線有自幼生者亦有中年生者由孫絡之血滯於衛分陽氣束

結而成宜用線鍼挑破以水晶膏點之三四

日結痂其痣自落用貝葉膏貼之氣戒醬醋

愈後無痕

〔水晶膏〕 礬子石灰水化開取末五錢又

黑痣圖



黑子痣生於面部

用濃糖水多半茶鍾浸於石灰末內以糖水高石灰二指為度再以糯米五十粒撒於灰上如糖水滲下陸續添之泡一日一夜冬天兩日一夜將米取出搗爛成膏挑少許點於痣上不可太過恐傷好肉

〔方歌〕水晶膏能點黑痣，糖水浸灰入糯米。一日一夜米泡紅，取出搗膏效無比。

〔貝葉膏〕見續癩門

驚黑肝癩

肝癩如塵久焯暗原於憂思抑鬱成大如蓮子小赤豆玉容久洗自然平〔註〕此證一名驚黑斑初起色如塵垢日久黑似煤形枯暗不澤大小不一小者如粟粒赤豆大者似蓮子芡實或長或斜或圓與皮膚相平由憂思抑鬱血弱不華火燥結滯而生於面上婦女多有之宜以玉容散晚洗之常用美玉磨之久久漸退而愈戒憂思勞傷忌動火之物

〔玉容散〕 白牽牛 團粉 白斂 白細辛 甘松 白鴿糞 白芨 白蓮蕊 白芷 白朮 白殭蠶

白茯苓各一 荆芥 獨活 羌活各五 白附子 鷹條白 白扁豆各一 防風錢五 白丁香兩一 共研末

每用少許放手心內以水調濃搽搥面上良久再水洗面早晚日用二次

〔方歌〕玉容散退驚肝癩，牽牛團粉斂細辛。甘松鴿糞及蓮蕊，正尤殭蠶白茯苓。荆芥獨羌白附子，鷹條白扁豆。防風白丁香共研為末，早晚洗面去斑容。

頂部

腦疽

腦疽項正屬督脈左右偏腦太陽經陽正陰偏分離易治與癰疽大法同〔註〕此疽有正有偏正屬督脈經入髮際

名爲腦疽俗名對口偏屬太陽膀胱經名爲偏腦疽俗名偏對口正腦疽係陽亢熱極而生其證多赤腫痛色鮮紅活根束頂尖時痛時止督脈純陽起於尾闈上貫顛頂挾毒上升故易膿易腐易斂多屬順證若偏腦疽係寒熱錯雜所生其證漫腫色暗平塌堅硬然足太陽經外陽內陰從頭走足陽降陰凝難膿難斂多屬逆證更有兼

腦疽



腦疽生項後入髮際正中屬督脈經

偏腦疽



偏腦疽生項後入髮際內傍開寸半屬膀胱經與偏癰癰異

風濕者其瘡根又易於散大旁流故順逆二證治法當辨別是癰是疽腦癰者皮薄易破腦疽者皮厚難破初起有表證令人寒熱往來宜服荆防敗毒散有裏證令人口唇焦紫大渴大便秘結燥宜服內疎黃連湯若瘡勢已成按癰疽腫瘍潰瘍門大法治之

〔荆防敗毒〕 荆芥 防風 羌活 獨活 前胡 柴胡 桔梗 川芎 枳殼煨 茯苓各一 人參 甘草各五 薑三片 水二鍾煎八分 食遠服 寒甚加葱三枝

〔方歌〕荆防敗毒治初瘡 憎寒壯熱汗出良 羌獨前柴荆防桔 枳參苓甘草單強

〔內疎黃連湯〕見腫瘍門

天柱疽

天柱疽生天柱骨上焦鬱熱蓄督經灸之有
 施方爲順色黑形陷逆而凶〔註〕此疽生於
 項後高骨名天柱骨即大椎骨也疽之初起
 形如臥蠶由上焦鬱熱蓄於督脈以致肩背
 拘急極癢入骨宜於疽上以艾灸之若灸之
 有痛者順無痛者逆甚至色黑形陷血出不
 止潰爛神昏嘔噦惡心等證是爲大凶其內外治法同腦疽

魚尾毒

魚尾毒生後髮角在左在右淺而輕膀胱濕熱七日潰膿出腫消痛自寧〔註〕此毒生於項後髮際兩旁角處由足
 太陽膀胱經濕熱凝結而發其毒或在左或在右皆屬輕淺初起宜荆防敗毒散膿將成宜服託裏排膿湯其外治
 之法同癰疽腫瘍潰瘍諸證

魚尾毒圖



魚尾毒在項後髮際下兩傍角俗名燕尾
 卽偏腦疽之小證也左右同

天柱疽圖



天柱疽生項後大椎骨高尖處屬督脈經

〔方歌〕託裏排膿治潰瘡排膿消腫實稱強歸芍四君翹桂芷銀書貝桂膝陳良

〔託裏排膿湯〕 當歸 白芍炒 人參
 白朮炒 茯苓 連翹去心 金銀花 浙
 貝母各一錢 生黃耆二錢 陳皮八分 肉
 桂六分 桔梗加一錢 牛膝八分 白
 芷加五分 甘草四分 薑一片 水三鍾煎
 一鍾食遠溫服

〔荊防敗毒散〕見膿

百脈疽

百脈疽生腫色形引耳繞頸色紫紅痛熱不食氣逆嗽刺出膿吉血出凶〔註〕此疽初發腫腫大小數塊環繞頸項其色紫紅痛熱不食氣逆致嗽其發引耳十五日可刺遲則毒攻咽喉刺見膿者順見血者逆餘治法按癰疽腫瘍潰瘍門。

結喉癰

結喉癰發項前中肝肺積熱塞喉凶膿成若不急速刺潰穿咽喉何以生〔註〕此癰發於項前結喉之上又名猛疽以其毒勢猛烈也蓋項前之中經屬任脈兼肝肺二經積熱變憤所致腫甚則堵塞咽喉湯水不下其凶可畏若膿成不鍼向內潰穿咽喉者則難生矣初宜服黃連消毒飲外敷二味拔毒散將潰調治之法按癰疽腫瘍潰瘍門。

結喉癰圖



〔黃連消毒飲〕見頭部
〔二味拔毒散〕見腫瘍門

夾喉癰

百脈疽圖



百脈疽生邊項

以其毒勢猛烈也蓋項前之中經屬任脈兼肝肺二經積熱變憤所致腫甚則堵塞咽喉湯水不下其凶可畏若膿成不鍼向內潰穿咽喉者則難生矣初宜服黃連消毒飲外敷二味拔毒散將潰調治之法按癰疽腫瘍潰瘍門。

夾喉癰生結喉之兩傍



夾喉癰生結喉之兩傍

夾喉癰生喉兩旁肝胃毒熱發其瘡瘡與
結喉癰同治尤嫌痰壅不時噎〔註〕此癰
一名夾疽生於結喉之兩旁屬足厥陰肝
經足陽明胃經火毒上攻而致其治法與
結喉癰同。

瘰癧

小瘰大瘰二陽經項前頸後側旁生痰濕氣筋名雖異緣由悲忿鬱熱成更審纏綿諸證治成勞日久不收功〔註〕
此證小者為瘰大者為癧當分經絡如生於項前屬陽明經名為痰瘰項後屬太陽經名為濕瘰項之左右兩側屬
少陽經形軟遇怒即腫名為氣瘰堅硬筋縮者名為筋瘰若連綿如貫珠者即為瘰癧或形長如蛤蜊色赤而堅痛
如火烙腫勢甚猛名為馬刀瘰癧又有子母瘰大小不一有重疊瘰癧上堆累三五枚盤疊成攢有繞項而生者名
蛇盤瘰如黃豆結簇者又名鎖項瘰生左耳根名蜂窩瘰生右耳根名裏袋瘰形小多癢者名風瘰領紅腫痛者名
為燕窩瘰延及胸液者名瓜藤瘰生乳旁兩腋軟肉等處者名痰瘍瘰生於偏身漫腫而軟囊內含硬核者名流注
瘰獨生一箇在顛門者名單窠瘰一包生十數個者名蓮子瘰堅硬如磚者名門門瘰形如荔枝者名石瘰如鼠形
者名鼠瘰又名鼠瘡以上諸瘰推之移動為無根屬陽外治宜因證用鍼灸敷貼蝕腐等法涎之不移動者為有根
且深屬陰皆不治之證也切忌鍼砭及追蝕等藥如妄用之則難收斂瘰癧形名各異受病雖不外痰濕風熱氣毒
結聚而成然未有不兼悲忿鬱滯謀慮不遂而成者也有外受風邪內停痰濕搏於經絡其患身體先寒後熱
瘡勢宜腫微熱皮色如常易消易潰易斂此為風毒也如防風羌活湯海棠丸揀擇用之有天時亢熱暑濕偶中三

陽經兼過食膏粱厚味，釀結而成。其患色紅微熱，結核堅硬，緩腫難消，潰遲斂遲。此為熱毒也。如升陽調經湯、柴胡連翹湯、鷄鳴散，隨證輕重，揀用之。有感冒四時疫厲之氣而成。其患耳項胸腋驟成腫塊，宜發暴腫，色紅皮熱，令人寒熱，頭眩項強作痛。此為氣毒也。如李杲連翹散、堅湯、散腫潰堅湯，俱可因證治之。有肝傷悲忿，血虛不能榮筋。其患核堅筋縮，推之不移者，此筋癭也。初服舒肝潰堅湯，次服香貝養榮湯治之。有誤食汗液蟲蟻鼠殘，陳水宿茶。

少陽經癰



少陽經癰，左右同。

太陽經濕癰



太陽經濕癰，生髮際下，與偏腦疽異。

馬刀癰



形如長蛤，名馬刀癰。

陽明經癰



陽明經癰，其形大小不一，連接數枚。

重臺瘰癧圖



重臺瘰癧少陽陽明二經皆生此證

不淨之物其患初小後大累累如貫珠連接三五枚不作寒熱初不覺疼久方知痛此為誤食毒物也如楊氏家藏治瘰癧方法製雞卵隨證虛實揀擇用之自愈其項後兩旁濕瘰癧經屬膀胱寒水外感風邪與濕凝結漫腫疼痛皮色如常有日

久將潰皮色透紅微熱痛甚其內外治法用藥總不宜寒涼初腫宜用附子敗毒湯外敷神功散將潰已潰俱按癰疽潰瘍內外治法用藥首尾得溫煖即效誤犯寒涼令人項背拘強瘡勢塌陷毒氣攻裏便瀉者逆但凡生瘰癧者男子不宜太陽青筋暴露潮熱效嗽自汗盜汗女人不宜眼內紅絲經閉骨蒸五心煩熱男婦有此後必變瘡勞俱為逆證難收功也

〔防風羌活湯〕 治風毒瘰癧初發寒熱者

防風 羌活各一錢 連翹二錢 升麻七錢 夏枯草二錢 牛蒡子炒研一錢 川芎一錢 黃芩酒浸一錢 甘草五分 昆布一錢 海藻酒洗一錢 殭蠶酒炒二錢 薄荷一錢 水煎服

〔方歌〕防風羌活驅瘰癧方風毒發熱最為良昔岑昆布翹茅草夏枯海藻薄升殭

〔海菜丸〕 治風痰瘰癧遷項而生無寒熱者常服消盡為止

海藻菜蒿麥同炒道去麥不用 白殭蠶微炒去絲 以上等分為細末用白梅肉泡湯為丸如梧桐子大飯後或臨臥時每服六七十丸米湯送下無忌魚腥厚味

〔方歌〕海菜丸治風痰瘰癧海藻菜與白殭蠶梅湯為丸如桐子米湯送下病可痊

〔升陽調經湯丸〕 治熱毒瘰癧遷於項下或至頰車此證由陽明胃經中來也若其瘡深遠隱曲肉低俱作塊什

堅硬大小不等並皆治之或作丸服亦可

升麻錢八 連翹錢七 龍膽草錢七 桔梗 黃連錢七 京三棱錢五 葛根 甘草錢五 知母錢五 廣茂錢一兩

條黃錢六 黃蘗錢七 以上一劑秤一半為細末煉蜜為丸如梧桐子大每服一百丸或一百五十渣

丸一半研粗末每用五錢若胃強能食大便乾燥者可旋加至七八錢用水二鍾先將粗末浸半日煎至一鍾去

蒸服服時仰臥伸脚置高處去枕頭噲藥一口作十次嚥之一鍾將喫完可留一口將丸藥送下服藥畢臥如常

此治法也

〔方歌〕升陽調經醫毒熱項頰瘰癧堅如鐵升葛甘苓知蘗棧黃連膽草翹茂桔

〔柴胡連翹湯〕 治男婦熱毒馬刀瘰癧兼氣寒血滯經閉等證

柴胡 連翹錢二 知母錢二 黃芩錢五 黃蘗錢五 生地 甘草錢三 瞿麥錢六 牛蒡子錢二 當歸尾錢一

肉桂錢三 以上共研粗末每服三錢或五錢水二大鍾煎至一鍾去渣食後熱溫服

〔方歌〕柴胡連翹醫瘰癧馬刀血滯與經閉黃芩牛蒡歸蘗知瞿麥肉桂甘生地

〔雞鳴散〕 治瘰癧疼痛及熱毒結核或多煩悶熱而不寒者

黑牽牛錢一 胡粉錢一 生大黃錢二 朴硝錢三 上藥共為細末每服三錢雞鳴時井花水調服以二便

利為度如未利再服

〔方歌〕雞鳴散治瘰癧瘰癧結核煩悶熱相乘粉牽硝黃為細末井水調服便利通

〔李杲連翹散堅湯〕 治氣毒瘰癧耳下或至缺盆或至肩生瘡堅硬如石推之無根者名馬刀瘡從手足少陽

經中來也或生兩脇或已流膿或未破並皆治之

當歸錢一 連翹錢二 我朮錢一 京三棱錢五 土瓜根錢一 龍膽草錢一兩 柴胡錢二 黃芩錢一兩 生用錢一

〔酒〕炙甘草六錢 黃連炒 蒼朮各二錢 赤芍藥一錢 以上一半爲細末，煉蜜爲丸。如梧桐子大，每服一百丸，或

一百五十丸。一半研粗末，每用五錢水一鍾，八分。先浸半日，煎一鍾，去渣熱服。臨臥頭低脚高，去枕而臥，每口作十次嚥之，留一口送下。九子服畢，如常安臥。

〔方歌〕李杲連翹散堅湯，氣毒瘰癧馬刀瘡。歸芍柴苓棧莖草，土瓜龍膽黃連蒼。

〔舒肝潰堅湯〕 夏枯草 殭蠶各二錢 香附子炒 石決明各一錢 當歸 白芍各一錢 陳皮 柴胡 撫芎

穿山甲各一錢 紅花 片子薑黃 甘草各五分 引燈心五十寸 水三鍾，煎一鍾，食遠溫服。便燥者，加乳香

一錢，便瀉者，加煨牡蠣一錢。

〔方歌〕舒肝潰堅湯開鬱，筋癆石疽柴決當。夏枯陳露香附撫，紅花芍草甲薑黃。

〔散腫潰堅湯〕 治氣毒瘰癧一切馬刀結硬如石，推之有根者，如證從耳下串至缺盆，或至肩上，或至脇下者，皆

屬手足少陽二經所發也。若瘰癧循生類，或至頰車，堅而不潰者，屬足陽明經所發也。或二證已破，及流膿水者，並

皆治之。服藥多少，臨證斟酌。量病人飲食多少，大便軟硬，以意消息之。

柴胡梢錢四 龍膽草炒 黃蘗去粗皮 知母炒 花粉 昆布去土 桔梗各五錢 甘草根炙 京三棱炒

廣茂酒 連翹去心 當歸各三錢 白芍酒 葛根 黃連各一錢 升麻六錢 黃芩梢炒一半 生用 海藻五錢 以

上共研末，每用六錢，或七錢水二鍾，先浸半日，煎至一鍾，去渣熱服。服時於臥處伸脚，在高處，頭微低，每嚥一口，

分十次嚥之。至服畢，依常安臥，取藥在胸中多停留之意也。另攪半料作細末，煉蜜爲丸，如梧桐子大，每服一百

丸。此湯藥豫留一口，以送丸藥。

〔方歌〕散腫毒堅氣毒瘰，馬刀瘰癧耳肩交。徧頰或至頰車骨，結硬如石用之消。知蘗三棧歸芍草，升芩花粉柴胡

枳。葛根黃連廣茂桔，昆布龍膽藥連翹。

〔楊氏家藏治療癩方〕 治誤食毒物致成癩癧其功甚速

荊芥 白蠶蠶七個去頭 黑牽牛各一 蠶蠶二個去頭 以上為末臥時先將滑石末一錢用米飲調服半

夜時再服五更初即用溫酒調藥一錢或二三錢量人之強弱用之服後如小水並無惡物行下次日早再用

一服仍不行第三日五更初先喫白糯米粥再服煎藥一服用燈心湯調琥珀重一錢服之以小水內利去惡

物為愈如尿孔痛用青黛一錢以甘草湯調下其痛即止

〔方歌〕楊氏家藏治療方誤食毒物成癩癧牽牛蠶蚤種荊芥為末酒服量弱驗

〔法製蠶雞蛋〕 治誤食毒物致腋下生馬刀癩癧者其功稍緩

蠶蚤七個去頭 以上將雞子一個頂上敲開小孔入蠶蚤在內紙封固了於飯上蒸熟取出去殼切開去蠶蚤五

更空心和米飯嚼服候小水通如米泔水或如脂即其驗也如大便小水不通即服琥珀散三二貼催之然後常

服妙靈散內消連翹丸尤佳

〔方歌〕製靈雞蛋治馬刀雞子一個入蠶蚤紙封蒸熟去殼藥同飯嚼服癩可消

〔琥珀散〕 琥珀 黃芩 白茯苓 烏藥 車前子 瞿麥 茵陳蒿 石韋 紫草 茅根 連翹各等分

以上為極細末每服三錢用燈心湯調下不拘時服

〔方歌〕琥珀散能利二便瀉毒清熱最稱奇芩苓烏藥車瞿麥茵韋紫草茅翹宜

〔妙靈散〕 服靈雞蛋後即將此藥與內消連翹丸相兼常服瘡愈方止

海藻二 川牛膝 何首烏生 當歸酒 海蝶蛸 桑寄生各一 海帶 青箱子酒 昆布酒 甘草節各五

木香二 沉香二 以上為細末每服二錢食後溫酒調下

〔內消連翹丸〕 連翹二三 核桃仁 白芨 射干 夏枯草 土瓜根 澤蘭葉 沙參 漏蘆各一兩

以上爲細末入核桃仁研勻酒糊爲丸如梧桐子大每服三五十丸空心食前或酒下或鹽湯送下。

〔方歌〕內消連翹解毒妙靈與此兩兼服核桃桃及射夏枯草土瓜澤蘭沙漏蘆。

〔附子敗毒湯〕 治濕毒瘰癧。

羌活錢一 川附子製一錢 白僵蠶炒三錢 前胡錢一 連翹分去心一錢五 生黃耆五分 蔓荊子五分 陳皮錢一 防

風錢一 白茯苓五分 金銀花錢二 甘草五分 引用生薑一片水三鍾煎一鍾食遠溫服。

〔方歌〕附子敗毒太陽經濕毒瘰癧漫腫疼陳荅前草耆羌活銀花僵蠶翹防風。

〔消核散〕 治頸項痰癭瘰癧不論男婦小兒用之無不神效。

海藻三 牡蠣 元參各四兩 糯米兩 甘草一兩 紅娘子二十八個同糯米炒胡黃色去紅娘子用米 共研細酒調服一錢或

錢半置入壯弱。

〔方歌〕消核散治諸瘰癧男婦小兒用之愈紅娘糯米炒胡黃甘草元參藻牡蠣。

〔犀角丸〕 治諸般瘰癧心火上攻兩目赤澀服之有效。

犀角 青皮 黑牽牛半生 陳皮各一兩 連翹五錢 薄荷二錢 皂角二錢 上五味共研細末用皂角去子皮

弦泡搥以布絞取汁一盞又用新薄荷搥取汁同熬成膏和入藥末內爲丸如梧桐子大每服三十九食後滾湯

送下。

〔方歌〕犀角丸能除心火諸般瘰癧兼目紅牽牛半生半炒用陳薄皂角連翹青。

〔夏枯草膏〕 治男婦小兒憂思氣鬱瘰癧堅硬肝旺血燥驟用迅烈之劑恐傷脾氣以此膏常服消之。

京夏枯草半 當歸 白芍炒酒 黑參 烏藥 浙貝母法 僵蠶各五錢 昆布 桔梗 陳皮 撫芎 甘

草各三錢 香附一兩 紅花二錢 前藥共入砂鍋內水煎濃湯布濾去滓將湯復入鍋內漫火熬濃加紅蜜八兩

再熬成膏磁罐收貯每用一二匙滾水沖服兼戒氣怒魚腥亦可用薄紙攤貼瘰癧自消。

〔方歌〕夏枯草膏醫諸瘰癧化硬消堅理肝虛血燥憂思肝木旺烈藥傷脾服此宜歸芍貝殭香附桔昆紅參草撫陳皮烏藥同熬加紅蜜滾水沖服戒怒急。

瘰癧未潰敷貼

〔金倍散〕 治瘰癧堅硬難消潰敷之神效。

整文蛤一枚 金頭蜈蚣一條研 將蜈蚣末裝入文蛤內紙糊封口外用西紙糊七層曬乾麵麩拌炒以紙

黑焦爲度去紙研極細末加麝香一分再研勻陳醋調稠溫敷堅硬核處外與薄紙蓋之每日一換。

〔方歌〕金倍散敷堅瘰癧蜈蚣末入文蛤中紙糊曬乾同麩炒加麝研之醋調靈。

〔神功散〕 治濕毒瘰癧敷之神效。

製川烏頭 嫩黃蘗各等 共研細末米醋調稠溫敷腫處每日一換。

〔方歌〕神功散敷濕瘰癧嫩黃蘗與川烏頭等分爲末加米醋調塗腫處即能瘳。

〔李杲龍泉散〕 治諸般瘰癧未成者消已成者潰。

瓦粉即定 龍泉粉即磨刀石 莪朮酒浸 京三棱酒浸 昆布各五錢去 以上共研極細滾水調塗患處。

用此消堅尤速。

〔方歌〕李杲龍泉敷諸瘰癧瓦粉龍泉莪朮昆布共研爲細末滾水調塗速又靈。

〔朱震亨貼瘰癧餅〕 治項間瘰癧不辨肉色不問大小及日月深遠或有赤硬腫痛並皆貼之效。

生山藥 蓖麻子肉 以上等分搗勻攤貼之。

〔方歌〕震亨貼瘰癧可移蓖麻山藥共研泥不問日久並腫硬作餅貼之效更奇。

〔神效瘰癧方〕 治瘰癧初起消腫止痛。

白膠香 海螵蛸 降真香心無土者 以上等分研末。溫水調稠。薄紙攤貼。

〔方歌〕神效瘰癧實良方。疎滯消腫止痛強。未破以前用之效。白膠海螵降真香。

龍珠膏 龍牙草五兩即馬鞭草 棘藎根分五 海藻五分 蘇木錢五 以上共細切。水二十盃。煎至十二三盃。去滓。又

用桑柴灰。蒼耳草灰。石灰各二盃。半紙兩層。先鋪籬底。次置三種灰於籬內。用滾水熱淋。取灰汁十盃。澄清。同煎

湯入鍋內。熬成膏。用巴豆霜。白丁香。石膏。麝香。輕粉。各少許。研細入膏內。攪勻。磁罐收貯。取數核。上再敷時。去舊

藥。其核即潰。根小者。但塗於根上。其核自潰。

〔方歌〕龍珠膏敷瘰癧毒瘡。潰還未潰敷之良。海藻蘇木龍牙草。再加棗根共煎湯。桑石蒼耳灰淋水。同煎成膏添麝

香。石膏白丁輕巴豆。研入膏內塗瘰癧強。

瘰癧潰後方

〔蟾酥搽子〕 蟾酥黃豆大一塊 白丁香十五粒 寒水石黃豆大一塊 巴豆十粒去殼 寒食麵黃豆大一塊 以上各研細。共

合一處。再研勻。煉蜜搓成搽子。每用一根。用鍼將瘰癧當頂鍼一孔。插搽子入孔內。用綠雲膏蓋貼。連插三日後。

單換膏藥。候數日後。頑根自脫。以膿淨。硬退為效。如硬未盡。再用。以盡為度。

〔方歌〕蟾酥搽子化堅方。瘰癧將潰納入瘡。寒水石共巴豆肉。寒食麵與白丁香。

〔五雲膏〕 專貼鼠瘡。馬刀瘰癧。巴潰。

銀黝子四兩 黃丹八兩 香油二十 用砂鍋一口。盛香油。火溫。候油熱。將銀黝子投入油內。用桃柳桑槐棗

五樣樹枝攪之。候起珍珠花時。撈去渣。用布濾淨。復將油下入鍋內。慢慢將黃丹篩入油內。用五枝不住手攪之。

以滴水成珠為度。取出收貯。用時勿令見火。以重湯炖化。紅緞攤貼。

〔方歌〕五雲膏貼鼠瘡證瘰癧潰後共馬刀銀匙油熬渣濾淨黃丹五枝攪成膏

〔綠雲膏〕 黃連 大黃 黃芩 元參 黃藥 木鼈子各一錢 以上上藥共切片用香油一兩煤焦色去渣入淨松香五兩再熬成膏傾入水中扯拔令金黃色入鉢內再熬數滾候溫將豬膽汁三枚銅絲三錢預用醋一兩浸一宿絹濾去渣同入膏內用柳枝攪之候冷為度用時以重湯炖化薄紙攤貼甚效

〔方歌〕綠雲瘰癧破貼最神單藥連蠶元參芩油煤濾渣加松脂膽汁銅綠入攪勻

〔蛇蛻膏〕 蜜蜂二十個 蛇蛻七分 蜈蚣二條端午 以上用香油四兩將前三藥入油用文武火煤枯搗去渣入定粉二兩用如筋粗桑枝七條急攪候冷出火氣七日夜方用紙攤貼患處

〔方歌〕蛇蛻膏貼潰後應專消餘毒功效極蜈蚣蜜蜂煤去渣定粉油熬出火氣

凡治瘰癧馬刀潰破之後應用方藥氣血兩虛宜入珍湯堅硬未消者宜香貝養榮湯食少便瀉者宜香砂六君子湯血虛肝熱或瘡口出血或紅腫者宜逍遙散加丹皮炒梔子瘡口斂遲宜用十全大補湯加白斂虛煩不寐者宜歸脾湯調理但藥劑大小量入歲數虛實斟酌用之

〔八珍湯〕見瘡門 〔香貝養榮湯〕見石瘡門 〔香砂六君子湯〕見瘡門 〔逍遙散〕見背部

〔十全大補湯〕見瘡門 〔歸脾湯〕見乳部乳中結核內 〔益元散〕即六乙散加硃砂少許見胸部瘰癧

上石疽

石疽生於頸項旁堅硬如石色照常肝鬱凝結於經絡潰後法依瘰癧瘡註此疽生於頸項兩旁形如桃李皮色如常堅硬如石舉痛不熱由肝經鬱結以致氣血凝滯經絡而成此證初小漸大難消難潰既潰難斂疲頑之證也初起氣實者宜服舒肝清氣湯氣虛者宜服香貝養榮湯外用葱白蜂蜜搗泥敷貼日久不消者以陽燧錠每日灸之以或消或軟或將潰為度既潰法同瘰癧

〔香貝養榮湯〕 白朮二錢 人參 茯苓

茶 陳皮 熟地黃 川芎 當歸 貝

母去心 香附酒炒 白芍各一錢 桔梗

甘草各五 薑三片 棗二枚 水二鍾 煎八

分 食遠服 胸膈痞悶 加枳殼 木香 欬

食不甘 加厚朴 蒼朮 寒熱往來 加柴胡

地骨皮 膿潰作渴 倍人參 當歸 白朮 加

黃耆 膿多或清 倍當歸 川芎 脇下痛或痞 加青皮 木香 肌肉生邊 加白朮 肉桂 痰多 加半夏 橘紅 口

乾 加麥冬 五味子 發熱 加柴胡 黃芩 渴不止 加知母 赤小豆 潰後反痛 加熟附子 沉香 膿不止 倍人參

當歸 加黃耆 虛煩不眠 倍人參 熟地 加遠志 棗仁

〔方歌〕香貝養榮用四君 四物貝桔香附陳 氣血兩虛宜多服 筋癢石疽效如神

〔陽燧鏡〕見首卷 〔舒肝清堅湯〕見癰

失榮證

失榮耳旁及項肩起如痰核不動堅皮色如常日漸大憂思怒鬱火凝然日久氣衰形削瘦愈潰愈硬現紫斑腐爛浸淫流血水瘡口翻花治總難〔註〕失榮證生於耳之前後及肩項其證初起狀如痰核推之不動堅硬如石皮色如常日漸長大由憂思怒氣鬱血逆與火凝結而成日久難愈形氣漸衰肌肉削瘦愈潰愈硬色現紫斑腐爛浸淫滲流血水瘡口開大努肉高突形似翻花瘤證古今雖有治法終屬敗證但不可棄而不治初宜服和榮散堅丸外貼阿魏化堅膏然亦不過苟延歲月而已

上石疽圖



上石疽生頸項傍堅硬如石左右同

〔和榮散堅丸〕 治失榮調和榮血散堅開鬱

川芎 白芍酒炒 當歸 茯苓 熟地 陳皮 桔梗 香附 白朮各一錢 人參 甘草炙 海粉 昆布

貝母各五錢 升麻 紅花各三 夏枯草一兩 蜜四兩 再熬成膏 共研細末夏枯草膏合丸如梧桐子大每服三

錢食遠白滾水送下 身熱加黃芩柴胡

自汗盜汗去升麻倍人參加黃耆 飲

食無味加藿香砂仁 飲食不化加山查

麥芽 胸膈痞悶加澤瀉瀉木香 欬嗽痰

氣不清加杏仁麥冬 口乾作渴加知母

五味子 睡眠不寧加黃蘗遠志棗仁

驚悸健忘加茯神石菖蒲 有汗惡寒加薄荷半夏 無汗惡寒加蒼朮藿香 婦人經事不調加延胡索丹皮

腹脹不寬加厚朴大腹皮

〔方歌〕和榮散堅丸消鬱開結益虛理肝脾入珍貝桔陳香附昆海升紅枯草宜

〔阿魏化堅膏〕 用蟾酥丸藥末一料金頭蜈蚣五條炙黃去頭足共研勻將大乙膏二十四兩重湯炖化離火入

前藥末攪冷為度每用時以重湯炖化用紅絹攤貼半月一換輕者漸消重者亦可少解常貼可保不致翻花

〔方歌〕阿魏化堅消結聚蟾酥丸料研末細蜈蚣炙黃太乙膏炖化攪勻功速極

〔大乙膏〕見瀆 〔蟾酥丸〕見疔

鈕扣風

鈕扣風生胸頸間風濕結聚搔癢難延及成片浸汁水因地而名當癬看〔註〕此證生於頸下天突穴之間因汗出

失榮證 圖



之後邪風襲於皮裏起如粟米搔癢無度抓破津水誤用水洗浸淫成片輕者外敷獨勝散冰硫散甚者宜服消風散即愈

〔獨勝散〕 芥菜花一味研細醋調患上

〔方歌〕獨勝散治鈕扣風已破未破用俱靈

內只芥菜花一味止癢消腫有奇功

〔冰硫散〕 硫黃錢一 潮脂 川椒 生

白礬錢各二 共爲細末先用白蘿蔔一個掏空將藥填滿用蘿蔔皮蓋之紙包三四層炭火內煨半時許待冷將藥取出同熟豬脂油調稠搽患上自愈

〔方歌〕冰硫散內首硫黃潮脂椒礬用最良蘿蔔掏空藥填滿油調專搽鈕扣瘡

〔消風散〕 治鈕扣風騷癢無度抓破津水亦有津血者

荆芥 防風 當歸 生地 苦參 蒼朮 炒 蟬蛻 胡麻仁 牛蒡子 炒 知母 生 石膏 各一 甘草 生

木通 各五 水二鍾煎八分食遠服

〔方歌〕消風止癢散風濕木通蒼朮苦參知荆防歸蒡蟬膏草胡麻生地水煎之

背部

上中下發背

三發火毒發督經中發屬肝對心生上發屬肺天桂下下發屬腎膂後凝〔註〕上中下三發背俱屬督脈經皆由火毒而成上發背火毒傷肺生天柱骨下一名脾肚發其形橫廣如肚中發背火毒傷肝生於背心一名對心發其形

鈕扣風圖



鈕扣風

中關兩頭有尖如瓜下發背火毒傷腎生於腰中一名對臍發其形平漫如龜其初起皆形如粟米痲痛痲癢周身拘急熱往來因循數日突然大腫氣實者多痲痛氣虛者多痲癢初起治法不論虛實即宜隔蒜灸灸之不應

上中下發背圖



上發背在天柱骨之下

中發背正對前心

下發背正對臍上

不去外貼巴膏以化之其餘治法俱按癰疽腫瘍潰瘍門蓋此三證無論老少總以高腫紅活焮痛者為順若漫腫

塌陷焦枯紫黑者為逆

〔荊防敗毒散〕見頂部腦疽門

〔內疎黃連湯〕

〔神授衛生湯〕俱見腫瘍門

〔巴膏〕見潰瘍門膏藥類方

上搭手

上搭手生肺俞穴左右名同經有別右屬肺令左屬肝總由氣鬱痰熱結〔註〕此證生於足太陽膀胱經肺俞穴在兩肩骨之動處無論左搭手右搭手其名雖同而偏在左者屬肝偏在右者屬肺故曰經有別也總由氣鬱痰熱凝結而成初宜神授衛生湯雙解之次以逍遙散清之兼以六鬱湯調之其餘內外治法俱按癰疽腫瘍潰瘍門

〔逍遙散〕

當歸酒洗

白芍酒洗

白茯苓

白朮土炒

香附酒炒各一錢

柴胡分

黃芩分

陳皮錢一

薄荷分五

甘草生分

水二鍾煎八分食遠服

〔方歌〕逍遙散能和氣血開鬱行滯又消結

歸芍苓朮香柴芩陳薄甘草清毒熱

〔六鬱湯〕香附炒酒 茯苓 陳皮 半

夏製 川弓 山梔各一 蒼朮炒 縮

砂仁 甘草各五分 薑三片 水二鐘煎

八分服

〔方歌〕六鬱湯能開六鬱取其消痰又行氣芎縮二陳蒼山梔香附生薑兼化滯

〔神授衛生湯〕見腫瘍門

中搭手

中搭手生近膏肓經屬膀胱脊骨旁七情不和憤怒火虛實寒熱細參詳〔註〕此證生在脊骨兩旁屬足太陽膀胱經膏肓穴一名龍疽由七情不和憤怒火燄而生遇氣寒而實便燥不渴者宜一粒金丹温下之若氣熱而實便燥

中搭手生脊骨四節傍開三寸膏肓穴

中搭手圖



上搭手生脊骨第三節傍開一寸肺俞半穴

上搭手圖



大渴者宜內疎黃連湯寒下之若氣熱而實便燥不能發長者宜內託黃耆散託補之其餘內外治法俱按癰疽腫瘍潰瘍門

〔一粒金丹〕木香 乳香各五分 巴豆

霜五分 沉香分五 各爲細末和勻用肥

膠棗個半去皮核搗爛和藥末爲丸如芫

實大每服一丸細嚼用白滾水一口將藥

送下少頃再飲白滾水一口即瀉一次若飲滾水二口即瀉二次過胃氣壯實兼毒滯者服藥後連飲滾水三四口即瀉三四次不可太過毒滯瀉盡即以米飲補之

〔方歌〕一粒金丹療惡瘡寒實不渴便燥良木乳沉香巴豆肉棗肉爲丸服即康

〔內託黃耆散〕 當歸 白芍炒 川芎 白朮炒 陳皮 穿山甲研 皂刺 黃耆各一 檳榔三 紫肉

桂五 水二鍾煎八分食前服

〔方歌〕內託黃耆治瘍虛託裏諸瘡用最宜歸芍芎朮陳皮桂山甲檳榔皂刺者

〔內疏黃連湯〕見腫瘍門

下搭手

下搭手生經膀胱穴在盲門腰窩旁房勞過度生毒火柴陷腐爛透膜腸〔註〕此證發於腰窩旁開三寸屬足太陽膀胱經盲門穴由房勞過度有傷腎水水竭不能制火火旺以致榮衛不和逆於肉裏而生也初發紅活嫩腫令人

下搭手生在脊骨第十四節之傍開三寸盲門穴

圖 手 搭 下



寒熱往來口渴煩躁百節疼痛宜服仙方活命飲宣解毒火次服內託黃耆散託毒發長將潰內外治法俱按癰疽腫瘍潰瘍門若初腫腰痛如折不能俯仰者險若色紫塌陷腐爛孔深透膜透腸者逆

〔仙方活命飲〕見腫瘍門 〔內託黃耆散〕見前中

蓮子發

蓮子發名取象形。膽與膀胱毒化成形。斜平塌。侵督重。形長高。腫半背。輕。註。此證一名太陰疽。生於脊背及兩脇。屬膽與膀胱經。火毒合化。凝結而成。若形斜平塌。頭侵督脈。尾站肋骨者。屬毒重。若形長高。腫偏於半背。中不過督脈。旁不過肋骨。屬毒輕。過氣實之人。初宜蟾酥丸。或麥靈丹。汗之。次宜一粒金丹下之。遇氣虛之人。初宜仙方活命飲。宣解之。次宜內託黃耆散。託補之。其餘內外治法。俱宜按癰疽腫瘍潰瘍門。

〔蟾酥丸〕見疔

〔仙方活命飲〕見腫

〔一粒金丹〕

〔內託黃耆散〕俱見前

〔麥靈丹〕見腫

蜂窩發

蜂窩發似蜂房形。每在肩後脊旁生。此證最忌頭向上。急清心火。免內攻。註。此證多生肩後及脊旁。形似蜂房。由脾經積熱。更兼心火凝結成毒。初起高腫如

蜂窩發

蜂窩發圖



蓮子發圖



龜形。胖脹半背者。輕。瘡勢橫斜。漫大者。重。宜服內疎黃連湯。若頭尖向上。屬心火熱極。防毒火內攻。藏府。亦有瘡形長若尺許。根橫滿背。名爲寬體疽。屬毒甚險。初覺宜急服黃連消毒飲。清心解毒。庶免內攻。其餘內外治法。

俱按癰疽腫瘍潰門

〔內疎黃連湯〕見腫瘍門 〔黃連消毒飲〕見頭部百會疽

陰陽二氣疽

陰陽二氣疽脊旁腫消軟硬變不常七情內乖逆榮衛如期膿潰自無妨〔註〕此證生於脊背之旁乍膿乍消時軟時硬由七情內乖榮衛不和而生也初發令人寒熱往來若大渴神清高腫脈洪二七膿成潰破者順若不渴神昏漫腫脈細應期無膿飲食不思者逆初服奪命丹以退寒熱次服仙方活命飲其餘內外治法俱按癰疽腫瘍潰瘍門

〔奪命丹〕 輕粉 白礞各五分 麝

香 白礮 辰砂各 血竭各一 雄

黃錢 蟾酥二錢乾者 乳香 沒藥

寒水石根 銅綠各二 蝸牛二十

以上為細末先將蝸牛研爛如泥勻合前藥丸如不成加好黃酒少許打三五百下

為丸如菽豆大每服二三丸先用葱白一寸令病者嚼爛自吐於手心內男用左手女用右手將藥丸裹入葱泥內用無灰酒一大鐘溫熱送下被蓋汗出為度重者不過三服不可多用

〔方歌〕奪命丹中粉麝香礞礮砂竭共雄黃蟾酥乳沒兼寒水銅綠蝸牛用最良

〔仙方活命飲〕見腫瘍門

串疽

陰陽二氣疽圖



陰陽二氣疽

串疽生於背脇間連發相串色依然漫腫漸紅多覺痛積憤鬱火是其原〔註〕此證生於背脇之間初發一處其後挨次發出二三處形雖不同而色仍同也潰後多相串通故又名老鼠鑽又名遊走血脾癰初發漫腫無頭皮色如常漸腫漸透紅色多疼牽引旁處舉痛因積憤鬱火而成也初服仙方活命飲宜解毒其次內外治法俱按癰疽腫瘍潰瘍門

〔仙方活命飲〕見腫瘍門

酒毒發

酒毒發生滿背間皮色不變如彈拳堅硬麻木痛徹內藥酒厚味使之然〔註〕此證生於脊背皮色不變蟻蟻如彈

酒毒發



酒毒發皮色如常

串疽



串疽生於背串至脇

如拳堅硬如石時麻時木痛徹五內二便澀滯週身拘急數日後頭面手足虛腫泄瀉似痢總由過飲藥酒更兼厚味積毒所致初起宜服連翹消毒飲次服內疎黃連湯其證或消或潰須宜速治為順若遷延日久不消不潰必腐爛筋骨即成逆證其餘內外治法俱按癰疽腫瘍潰瘍門

〔連翹消毒飲〕 連翹去

梔子 桔梗

赤芍 當歸

元參 射干

黃芩 紅花

葛根 陳皮各一

甘草五分

大黃初起便燥者加一錢

花粉一錢

水二鐘煎入分食遠服

有痰者加竹茹一錢

〔方歌〕連翹消毒療諸瘡能解酒毒葛大黃紅花梔桔元參草芍花粉射陳當

〔內疎黃連湯〕見腫瘍門

連珠發

連珠毒發貫珠形在背微疼色淡紅發時尿閉少腹滿陰囊作腫百節疼〔註〕此證生於背不論左右連腫三五塊形若貫珠由榮血火毒或酒色過度而成其瘡微痛皮色淡紅發時少腹脹滿小便閉澀陰囊作腫百節疼痛初起宜服神授衛生湯加木通車前其餘內外治法俱按癰疽腫瘍潰瘍門

〔神授衛生湯〕見潰瘍門

丹毒發

丹毒發如湯火傷細濇赤暈渴非常丹石剛劑致此證紅活者生紫黯亡〔註〕此證生於背形如湯火所傷細濇無數赤暈延開發時其渴非常由素服丹石剛劑所致初服黃連消毒飲兼國老膏服之外用牛肉薄片貼之其色紅活鮮潤神清者生若紫黯神昏更兼脈躁膨脹嘔噦者亡

〔國老膏〕 甘草二兩

搗碎河水浸一宿令漿汁濃盡去罐筋再用絹濾過銀器內慢火熬成膏用磁收採渣

連珠發圖



連珠發皮色淡紅

貯每服三錢無灰温酒調下或白滾水亦

可

〔方歌〕國老膏解丹石毒，諸瘡用此腫即消。

甘草二觔河水泡，取汁熬膏温酒調。

〔黃連消毒飲〕見頭部百會疽。

禽疽

禽疽毒由時氣成，數塊似疹色紫紅，背生形

如拳打狀，拘急麻木不作疼。〔註〕此疽之毒，由時氣風熱而成，始發數塊如疹，其色紫紅，在背而生，形如拳打之狀。

禽疽勢如拳打紅紫癩痕

圖 疽 禽



圖 發 毒 丹



脊背麻木拘急，並不作痛，神清脈和，服藥得汗者順。若神昏脈躁，或微或代，發寒齒噤者，逆初宜急服仙方活命飲，加羌活獨活汗之外敷。二味拔毒散，或蝌蚪拔毒散消之。若漫腫不潰，即服託裏透膿湯，其餘內外治法，俱按癰疽腫瘍潰瘍門。

〔仙方活命飲〕 〔二味拔毒散〕 〔蝌

蚪拔毒散〕俱見腫瘍門 〔託裏透膿湯〕見頭部

痰注發

痰注發如布袋形，按之木硬，覺微疼，其發不紅亦不熱，溼痰七情鬱滯成。〔註〕此證發於脊背，長形如布袋，短形如

冬瓜按之木硬微覺疼痛不熱不紅皮色如常由溼痰七情鬱滯凝結於肌肉之分日積深久而成初起宜服瘡科流氣飲外貼金鳳化痰膏消之如此證久遠疲頑治之不消者屆期要潰治法俱按癰疽潰瘍門。

痰注發皮色如常

痰注發圖



〔瘡科流氣飲〕

人參

厚朴薑

桔梗

防風

紫蘇

黃耆鹽水

枳殼炒

當歸

白芍酒

肉桂 烏

藥 甘草各七

川芎

南木香

白芷

檳榔各五

引用生薑一片水二鐘煎八分溫服。

〔方歌〕流氣飲舒痰涎墜人參朴桔芷防風蘇者殼桂木香草烏藥檳榔歸芍芎。

〔金鳳化痰膏〕

〔鳳仙花〕一搥去青

〔大蔥自然汁〕一茶

〔好米醋〕一鐘

〔廣膠〕三錢切米粒大〔人

中白〕入錢火微煨

先將葱汁米醋廣膠投入鍋內熬化次下鳳仙花末熬成膏再入人中白末將鍋離火不

時攪勻用時以重湯炖化量痰包之大小薄紙攤貼候膏自落再換新膏。

〔方歌〕金鳳化痰消硬堅溼痰串注貼更痊鳳仙中白廣膠醋葱汁同熬用紙攤。

黃瓜癰

黃瓜癰在背旁生脾火色紅黃瓜形腫高寸餘長尺許四肢麻木引心疼〔註〕此證生於背旁一名肉龜由脾火積

毒而成。皮肉色紅。狀若黃瓜。腫高寸餘。長可尺許。四肢麻木。疼痛引心。紅活。速潰者。順。紫陷脈微。自汗。譫語。堅硬。潰遲者。逆。初起。宜服仙方活命飲。加羌活柴胡。或奪命丹治之。其餘內外治法。俱按癰疽腫瘍潰瘍門。

〔仙方活命飲〕見腫瘍門。〔奪命丹〕見陰陽二氣疽。

腰部

腎俞發

腎俞發生腎俞穴。單者。酒色兼溼熱。房勞。怒火。則雙生。紅活。黑陷。順逆別。〔註〕此證生腎俞穴。在腰骨兩旁。陷肉虛處。有單有雙。單者。由酒色溼熱而成。雙者。由房勞怒火而發。若瘡形紅活。高腫十四日生。膿屬順。若瘡形紫黑。乾枯堅硬。應期無膿。屬逆。或膿稀。傷膜者。係真陽血氣大虧。初宜服人參養榮湯。或加減八味丸。以救其源。其順逆內外治法。俱按癰疽腫瘍潰瘍門。

腎俞發生脊骨自上至下第十四節之傍。軟陷中左右同。

腎俞發圖



黃瓜癰圖



〔人參養榮湯〕〔加減八味丸〕俱見癰疽門。

中石疽

石疽寒凝瘀血聚生於腰胯最纏綿堅硬如石皮不變時覺木痛消潰難【註】此證由寒氣瘀血凝結生於腰胯之間纏綿難以收功其這時覺木痛難消難潰堅硬如石皮色不變初宜內服沒藥丸外用醇商陸搗爛貼於患處治之隨用艾壯當頂灸之以軟爲度潰後按癰疽潰瘍治法。

中石疽



中石疽在腰胯之間

後按癰疽潰瘍治法。

〔沒藥丸〕 桃仁一兩 乳香 沒藥 川芎 川椒去目及口者 當歸 赤芍各五錢 自然銅燒醋淬七次 共

研細末用黃蠟二兩火化開入藥末不住手攪勻丸如彈子大每用一九以好酒一鍾將藥化開煎至五分乘熱

服下

〔方歌〕沒藥丸治中石疽乳沒桃芎歸芍宜川椒自然銅黃蠟用酒服之行血瘀。

纏腰火丹

纏腰火丹



纏腰火丹

纏腰火丹蛇串名乾濕紅黃似珠形肝心脾肺風熱濕纏腰已偏不能生【註】此證俗名蛇串瘡有乾濕不同紅黃之異皆如累累珠形乾者色紅赤形如雲片上起風粟作癢發熱此屬肝心二經風火治宜龍膽瀉肝湯濕者色黃白水皴大小不等作爛流水較乾者

多痰此屬脾肺二經濕熱治宜除濕胃苓湯若腰肋生之係肝火妄動宜用柴胡清肝湯治之其間小胞用線鍼穿破外用柏葉散敷之若不速治纏腰已漏毒氣入臍令人膨脹悶嘔者逆

〔龍膽瀉肝湯〕 龍膽草 連翹去 生地 澤瀉錢各一 車前子 木通 黃芩 黃連 當歸 梔子研生

甘草各五分 生軍二錢便 水二鍾煎八分食前服

〔方歌〕龍膽瀉肝火丹生形如雲片粟多紅苓連梔膽車歸尾生地軍翹瀉木通

〔除濕胃苓湯〕 蒼朮炒 厚朴炒 陳皮 豬苓 澤瀉 赤茯苓 白朮炒 滑石 防風 山梔子研

木通錢各一 肉桂 甘草各三分 水二鍾燈心五十寸煎八分食前服

〔方歌〕除濕胃苓火丹瘡脾肺濕熱跑白黃胃苓湯用通梔子滑石防風共作湯

〔柏葉散〕 側柏葉炒黃 蚯蚓糞莖菜地 黃蘗 大黃錢各五 雄黃 赤小豆 輕粉各三 以上為細末

新汲水調搽香油調搽更效

〔方歌〕柏葉散搽火丹方大黃赤豆蘗雄黃柏葉輕粉蚯蚓糞研末香油調更良

〔柴胡清肝湯〕見頭部

眼部

眼胞菌毒

菌毒生於眼睫邊如菌黃亮水胞圓頭大蒂小漸垂出脾濕鬱熱結凝堅〔註〕此證生於上下眼胞睫邊初如菌形頭大蒂小黃亮水胞或有頭小蒂大者漸長垂出堅凝不痛有纏綿經年不愈者以致自病蓋眼胞屬脾其經素有濕熱思鬱氣結而生也初起宜用清涼圓洗即消有經年皮厚消之不應者法當用軟絲紙蘸水潤眼皮菌毒處少

頂用左手大指甲墊於患根右手持鉞鍼尖頭齊根切下血出不妨即用翠雲錠磨濃塗之其血即止內服涼膈清脾飲忌海腥煎炒

〔清涼圓〕 當歸尾 石菖蒲 赤芍藥

錢二 川黃連生 地膚子 杏仁各一錢生

羌活分五 膽礬分二 共研粗末以大紅

綢包之如櫻桃大甜滾水浸泡乘熱蘸洗

勿見塵土

〔方歌〕清涼圓內用川連歸尾菖蒲芍膽礬羌活杏仁地膚子菌毒初起洗之痊

〔翠雲錠子〕 杭粉兩五 銅綠 黃連各一兩 輕粉錢一 共為細末用糯米百粒水一盃煎半盃去米再煎至三

分和藥作錠陰乾用時水磨令濃以雞翎蘸塗患處

〔方歌〕翠雲錠子能止血銅綠輕杭黃連強共為細末和成錠菌毒切後塗之良

〔涼膈清脾飲〕 生地黃 連翹分五 梔子生 薄荷 荊芥 防風 石膏煨 黃芩 赤芍各一錢 甘草分五

水二鍾燈心二十根煎八分食遠服

〔方歌〕涼膈清脾生地黃連翹梔子薄荷防石膏芍芍兼甘草醫治菌毒服即康


眼丹

眼丹眼胞上下生紅熱腫痛輒偏風痲熱紫硬偏於熱荊防敗毒服有功〔註〕此證由脾胃濕熱受風而成紅腫疼

痛若腫輒下垂不能視物者偏於風感也浮腫易消若痲紅色紫堅硬者偏於熱感也腫硬難消初起俱宜荊防敗

毒散散其風口渴便燥者宜內疎黃連湯瀉其熱有日久消之不應者宜服透膿散膿熱熱之腫用如意金黃散洗

眼胞菌毒圖



菌毒生於眼胞邊形如豆黃白色水胞日久如菌形

之潰用琥珀膏或白膏藥貼之
此證宜速潰遲則潰深穿透眼
胞成漏難斂

〔荊防敗毒散〕見項部〔內
疎黃連湯〕如意金黃散


〔透膿散〕俱見腫〔琥珀
膏〕見頭部〔白膏藥〕見

門

鍼眼

鍼眼眼睫豆粒形輕者洗消膿不成甚則赤痛膿鍼愈破後風侵浮腫生〔註〕此證生於眼皮毛睫間由脾經風熱

圖 眼 鍼



鍼眼生於眼邊即小瘡也

而成形如豆粒有尖初起輕者宜用如意
金黃散鹽湯沖洗膿不成即消矣風熱甚
者色赤多痛洗之不消膿已成也候熱鍼
之貼黃連膏亦為破後邪風侵入瘡口令
人頭面浮腫目赤澀痛者外仍洗之內服
芎皮散即愈

〔芎皮散〕川芎二兩 青皮兩 共為末每服二錢菊花湯調服外以枯礬末雞子清調敷腫處 又用南星

末同生地黄搗膏貼太陽穴自消

圖 丹 眼



眼丹生於眼胞左右相同

〔方歌〕芎皮散內用川芎青皮減半用最靈爲末菊花湯調服醫治鍼眼自成功。

〔如意金黃散〕見腫門 〔黃連膏〕見鼻部 鼻疳內

眼胞痰核

眼胞痰核濕氣鬱核結如棗如豆形皮裏肉外推之動皮色如常硬不疼〔註〕此證結於上下眼胞皮裏肉外其形大者如棗小者如豆推之移動皮色如常硬

腫不疼由濕痰氣鬱而成宜服化堅二陳丸外用生南星蘸醋磨濃頻塗眼皮日數淺者即消日數深者雖不能即消常塗令皮薄微微撥損以手指甲擠出如白粉汁即消貼貝葉膏收口從眼皮裏潰破者難斂。

眼胞痰核圖



痰核生於眼上下胞含於皮裏皮色如常

〔化堅二陳丸〕 陳皮 半夏各一錢 白礬二兩 炒 白茯苓五兩 甘草三錢 川黃連三錢 共研細末荷葉

熬湯合丸如梧桐子大每服二錢白滾水送下。

〔方歌〕化堅二陳丸消痰遇身結核服更痊陳皮半夏茯苓草礬蠶荷葉川黃連。

〔貝葉膏〕 見潰瘍門。

椒瘡粟瘡

椒瘡粟瘡生胞裏脾胃血熱是根苗粟瘡黃輒濕易散椒瘡赤硬難消〔註〕此二證生於眼胞之裏雖皆由脾胃血熱所致然粟瘡偏於濕感故色黃形輒其證易愈椒瘡偏於熱感故色赤形硬其瘡難消俱宜服清脾涼血湯外以清涼圓洗之若眼皮裏有紅絲堆聚者乃血熱有癢也法以燈草刮瘡處令血出即愈。

椒瘡

椒瘡生於眼皮裏形如椒粒色赤



粟瘡

粟瘡生於上下眼皮裏形如黃米



〔清脾涼血湯〕 荊芥 防風 赤芍 黑參 陳皮 蟬蛻 蒼朮 炒 白蘚皮 各一 連翹 炒 生大黃 各

錢五分 厚朴 炒 甘草 各五分 竹葉 三十片 水煎食遠服

〔方歌〕清脾涼血椒粟瘡 厚朴陳皮翹芍蒼蟬蛻 黑參荊防草 白蘚皮與生大黃

〔清涼圖〕 見菌毒

皮翻證

皮翻證係眼胞翻狀如舌舐脣一般翻因胞腫睫緊故血壅氣滯胃經原〔註〕此證由胃經血壅氣滯而成小兒多有之眼皮外翻如以舌舐脣之狀又如痘風眼爛胞腫弦緊者則眼皮亦翻治宜瀉脾胃之積熱以瀉黃散服之即愈亦有內翻者即目科拳毛倒睫弦

皮翻證

皮翻證生於眼皮裏翻轉如舌舐脣之狀



弛不內外翻者即目科胞垂難視之證也。

〔瀉黃散〕 石膏^{五錢} 梔子仁^{一兩} 甘草^{三兩} 防風^{二兩} 酒拌 稀荬草^{四兩} 蒸曬乾 共研細末。壯人二錢。

〔方歌〕瀉黃散治皮翻證。石膏梔子草防風。稀荬草同研細末。滾水調下有奇功。

〔方歌〕瀉黃散治皮翻證。石膏梔子草防風。稀荬草同研細末。滾水調下有奇功。

漏睛瘡

漏睛瘡在大眇生。肝熱風濕病睛明。紅腫痛潰膿稠易。青黑膜稀難長平。〔註〕此證生於目大眇。由肝熱風溼病發。

漏睛瘡生於大眼角

漏睛瘡圖



於太陽膀胱經睛明穴。其穴之處。係藏淚之所。初起如豆如棗。紅腫疼痛。瘡勢雖小。根源甚深。潰破出黏白膿。者順出青黑膜。或如膏者。險初宜服疎風清肝湯。潰後用黃靈藥。搽入瘡口。兼貼萬應膏。其口漸漸收斂。有膿從大眇內出者。成漏難斂。亦有瘡口過出淚液。以致目內乾澀者。收斂更遲。若潰斷眼邊弦。

者不治。

〔疎風清肝湯〕 當歸尾 赤芍 荊芥穗 防風 川芎 菊花 生梔子 薄荷^{各一錢} 柴胡 連翹^{各五}

〔方歌〕疎風清肝漏睛瘡。又除肝熱散風強。歸芍銀花芎菊草。柴翹梔子薄荷防。

〔黃靈藥〕 〔萬應膏〕 俱見潰瘍門

目中努肉

目中努肉心火成實火大皆色深紅小皆紅絲淡虛火努肉時覺或脹疼〔註〕此證生於目兩眦瘀肉努出時覺疼痛總屬心火所成然火有虛實如大眦紅肉色深紅者心經實火也宜黑參湯服之小眦紅絲色淡紅者心經虛火也宜決明散主之外俱用清涼圓泡洗久久自愈。

〔黑參湯〕 黑參 苦參 梔子研 菊花 黃

連 枳殼炒 草決明 車前子 防風 大黃

升麻各二錢 水煎食後服。

〔方歌〕黑參湯治大眦疼內生努肉實火成苦參梔子菊黃連枳殼草決明車前子防大黃升

〔決明散〕 玉竹 黃連 枳殼炒 川芎 甘草生 羚羊角各一錢 車前子 青箱子 草決明各五錢 共

研細末每服三錢食後服臥時再用一服。

〔方歌〕決明努肉虛火攻玉竹黃連枳殼芎車前青箱羚羊草研末水調最有功。

〔清涼圖〕 見菌毒

鼻部

鼻疽

鼻疽生於鼻柱間肺經鬱火發督原堅硬色紫常木痛千金仙方託裏痊〔註〕此證生於鼻柱屬督脈經鼻為肺竅

目中努肉圖



目中努肉

鼻疽



鼻疽

故又屬肺由肺經鬱火凝結而成堅硬色紫時覺木痛初宜服千金漏蘆湯宜解鬱毒次用仙方活命飲加梔子木通薄荷桔梗消之若腫痛不減勢欲作膿則宜託裏透膿湯主之外治法按癰疽潰瘍門

朴硝兩 大黃五錢 甘草一兩 麻黃兩 黃芩兩 白藜兩 連翹去心 升麻兩 共研細末每用二錢

水一鍾蘆三片薄荷葉一錢煎五分溫服以取便利為度

〔方歌〕千金漏蘆鼻疽發色紫堅疼效更嘉漏蘆枳殼硝黃草麻芩白藜翹升麻

鼻疔

鼻疔生在鼻孔中鼻竅腫引腦門疼甚則脣腮俱浮腫肺經火毒蟾離宮註此證生於鼻孔內鼻竅腫塞脹痛引腦門甚則脣腮俱作浮腫由肺經火毒凝結而成宜蟾酥丸汗之再用蟾酥丸研細末吹入鼻竅若腫硬外發用離宮錠塗之此證初起之時須當速治遲則毒氣內攻以致神昏嘔噦鼻腫如瓶者逆

鼻疔



鼻疔生在鼻孔之內癰痛異常

〔蟾酥丸〕見疔 〔離宮錠〕見腫

〔千金漏蘆湯〕 漏蘆兩 枳殼一兩

鼻淵

鼻淵濁涕流鼻中久流血水穢而腥膻熱移腦風寒火控腦砂因蝕腦蟲〔註〕此證內因膾經之熱移於腦髓外因風寒鬱火邪而成鼻竅中時流黃色濁涕宜奇授薑香丸服之若久而不愈鼻中淋瀝腥穢血水頭眩虛暈而痛者必係蟲蝕腦也即名控腦砂宜天羅散服之但此證久則必虛當以補中益氣湯兼服之即效

〔奇授薑香丸〕〔薑香連枝葉兩〕 研細末雄豬膽汁和丸如梧桐子大每服五錢食後蒼耳子湯下或黃酒

送下

〔方歌〕奇授薑香鼻淵流濁涕淋漓久不休豬膽汁合薑香末蒼耳湯下患可瘳

〔天羅散〕〔絲瓜藤〕燒存性 為末每用三錢食後黃酒送下

方歌〕天羅蟲蝕腦髓中頭痛鼻流血水腥絲瓜根燒研細末黃酒調服慣殺蟲

〔補中益氣湯〕 見潰瘍門

鼻鹽瘡

鼻鹽瘡多小兒生鼻下兩旁斑爛形總由風熱客於肺膿汁浸淫癢不疼〔註〕此證多生小兒鼻下兩旁色紫斑爛由風熱客於肺經膿汁浸淫癢而不痛宜服澤瀉散外搽青蛤散即愈

〔澤瀉散〕 澤瀉 鬱金 山梔生 甘草各一錢

生錢 共研細末每服一錢甘草煎湯調下

〔方歌〕澤瀉散治鼻鹽患膿汁浸淫肺火毒澤瀉鬱金梔草末甘草煎湯調送服

鼻鹽瘡圖



鼻鹽瘡多生小兒鼻翅及兩傍

〔青蛤散〕 蛤粉一兩 青黛錢三 石膏煨一兩 輕粉 黃蘗各五錢 共研細末先用香油調成塊次加涼水調稀薄塗瘡處

〔方歌〕青蛤散塗鼻蠶消蛤粉青黛煨石膏輕粉黃蘗研極細香油拌塊涼水調

鼻瘡

鼻瘡肺熱生鼻中燥乾如火微腫疼內服黃芩外定痛燥乾黃連膏潤靈〔註〕此證生於鼻竅內初覺乾燥疼痛狀如粟粒甚則鼻外色紅微腫痛似火灸由肺經壅熱上攻鼻竅聚而不散致成此瘡內宜黃芩湯清之外用油紙擦黏辰砂定痛散送入鼻孔內若乾燥者黃連膏抹之立效

鼻瘡痔鼻



鼻瘡並鼻痔浸淫破爛俱生鼻孔難以圖畫

胡黃連末二兩 石膏煨一兩 共研細末

〔方歌〕辰砂定痛鼻瘡乾冰片胡連膏煨研油紙擦藥入鼻孔消疼散熱效通仙

〔黃連膏〕 黃連錢三 當歸尾錢五 生地兩 黃蘗錢三 薑黃錢三 香油十二兩將藥燥枯撈去渣下黃蠟四兩

溶化盡用夏布將油濾淨傾入磁盤內以柳枝不時攪之候凝為度

〔黃芩湯〕 黃芩酒炒 甘草生五分 麥冬去心 桑白皮生 梔子一錢五分

連翹心去 赤芍 桔梗 薄荷 荊芥 穗各一 水煎食後服

〔方歌〕黃芩湯醫肺火感鼻內生瘡赤腫疼

芬草麥冬桑梔翹赤芍桔梗薄荷荊

〔辰砂定痛散〕 辰砂末五分 冰片二分

〔方歌〕黃連膏潤諸燥瘡。歸尾生地藥薑黃油煤去渣。加黃蠟布濾攪凝塗抹強。

鼻痔

鼻痔初起榴子形。久垂紫硬礙氣通。肺經風濕熱鬱滯。內服辛夷外點平。〔註〕此證生於鼻內。形如石榴子。漸大下垂。色紫微硬。擗塞鼻孔。礙入氣息難通。由肺經風濕熱鬱凝滯而成。內服辛夷清肺飲。以清肺熱。外以礞砂散。逐日點之。漸化為水而愈。宜戒厚味暴怒。庶不再發。

〔辛夷清肺飲〕 辛夷六分 甘草五分 石膏兩 知母 梔子研 黃芩各一 枇杷葉三片去 升麻分三

百合 麥冬各心一錢 水二鍾煎八分。食遠服。或加羌活防風連翹薄荷。

〔方歌〕鼻痔辛夷清肺飲。辛草膏知梔子芩。枇杷升麻百合麥。或加羌防翹薄荷。

〔礞砂散〕 見耳部耳痔內。

肺風粉刺

肺風粉刺肺經熱。面鼻疔瘡赤腫疼。破出粉汁或結屑。枇杷顛倒自收功。〔註〕此證由肺經血熱而成。每發於面鼻。起碎疔瘡。形如黍屑。色赤腫痛。破出白粉汁。日久皆成白屑。形如黍米白屑。宜內服枇杷清肺飲。外敷顛倒散。緩緩自收功也。

〔枇杷清肺飲〕 人參三 枇杷葉一錢去

蜂蜜 甘草三分 黃連錢一 桑白皮錢二

鮮者 黃蘗錢一 水一鍾半煎七分。食遠服。

肺風粉刺圖



肺風鼻起碎疔瘡形如黍屑。色赤腫痛。破出白粉汁。日久成白屑。如黍米。

〔方歌〕枇杷清肺枇杷葉參茸黃連桑白皮黃蘗同煎食遠服肺風粉刺盡皆宜

〔顛倒散〕大黃 硫黃各等 研細末共合一處再研勻以涼水調敷

〔方歌〕顛倒散敷功效極大黃硫黃各研細等分再勻涼水調搽醫酒皰肺風刺

酒皰鼻

酒皰鼻生準及邊胃火薰肺外受寒血凝初紅久紫黑宜鬱活瘀緩緩痊〔註〕此證生於鼻準頭及鼻兩邊由胃火薰肺更因風寒外束血瘀凝結故先紅後紫久變為黑最為纏綿治宜宣肺中鬱氣化滯血如麻黃宣肺酒涼血四物湯俱可選用使榮衛流通以滋新血再以顛倒散敷於患處若日久不愈以梔子仁丸服之緩緩取愈

酒 皰 鼻 圖



酒皰鼻

〔麻黃宣肺酒〕麻黃 麻黃根各二 頭生酒五壺將藥入酒內重湯煮三炷香露一宿早晚各飲三五杯至三五日出膿成瘡十餘日則膿盡膿盡則紅色退先黃後白而愈

〔方歌〕麻黃宣肺酒皰鼻血熱上注外寒瘀麻黃並根入酒泡重湯煮飲效不虛

〔涼血四物湯〕當歸 生地 川芎 赤芍 黃芩炒酒 赤茯苓 陳皮 紅花洗酒 甘草各一 水二鍾煮

三片煎八分加酒一杯調五靈脂末二錢熱服 氣弱者加酒炒黃耆二錢立效

〔方歌〕涼血四物皰鼻紅散瘀化滯又調榮苓芩四物陳紅草薑煎加酒入五靈

〔梔子仁丸〕梔子仁研末黃蠟溶化和丸如彈子大每服一丸茶清嚥下忌辛辣之物

〔方歌〕梔子仁丸皰鼻赤紫黑纏綿皆可施梔子為末黃蠟化丸如彈子茶清食

〔顛倒散〕 見肺風粉刺

耳部

黑疔

黑疔暗藏耳竅生，色黑根深，椒目形，病如錐刺引腮腦，破流血水，火毒攻〔註〕此證生於耳竅暗藏之處，由腎經火毒所發，亦有因服丹石熱藥，積毒而成者，色黑根深，形如椒目，疼如錐刺，痛引腮腦，破流血水，急服蟾酥丸汗之，再用蟾酥丸水調濃滴於耳竅內，立效。毒甚者以黃連消毒飲疎解之，黃連解毒湯清之即瘥。

〔黃連解毒湯〕 黃連 黃芩 黃蘗 生梔子各

錢五分 水煎熱服。

〔方歌〕黃連解毒痲痛瘡，諸般疔毒煩躁狂，黃連芩蘗

生梔子，四味煎服保安康。

〔蟾酥丸〕見疔瘡門 〔黃連消毒飲〕見頭部百會疽

耳疔

耳疔時出黑臭膿，青震白纏，黃色停，胃濕相兼，肝經火紅風偏，肝血熱成〔註〕此證耳內悶腫出膿，因膿色不一，而名亦各殊，如出黑色臭膿者，名耳疔，出青膿者，名震耳，出白膿者，名纏耳，出黃膿者，名停耳，俱由胃濕與肝火相兼而成，宜柴胡清肝湯主之，氣實火盛者，以龍膽瀉肝湯服之，惟風耳則出紅膿，偏於肝經血熱，宜用四物湯加丹皮。

耳部六證圖



黑疔耳疔耳聾耳挺耳痔耳聾俱生在耳內左右同難，以畫圖。

石菖蒲服之外俱用醬茄內自然油滴之俟膿淨換滴耳油時時滴入體消生肌自愈

〔滴耳油〕 核桃仁研爛，搽油去渣，得油一錢，兌冰片二分，每用少許，滴於耳內。

〔方歌〕 滴耳油治耳疳，證膿淨滴之效更深。核桃油消腫痛，冰片發散熱通神。

〔柴胡清肝湯〕 見頭部 〔龍膽瀉肝湯〕 見腹部分 〔四物湯〕 見瀉門

耳聾

耳聾上焦血熱成，鮮血時流耳竅中。肝火柴胡清肝治，胃熱生地麥門冬。〔註〕此證由上焦血熱所致，耳竅中時流鮮血，若肝脈弦數者，以柴胡清肝湯服之；腎脈虛數者，以生地麥冬飲主之。總以涼血為急，乃抽薪止沸之法也。外以神寒丸塞之，即瘥。

〔生地麥冬飲〕 生地黃 麥冬 各五錢 水二鍾，煎八分，食後服。

〔方歌〕 生地麥冬耳聾，鮮上焦血熱是其原。各用五錢煎食後，清肺降火保平安。

〔神寒丸〕 麝香分 生白礬錢 沉香分 糯米粒 五十 共研細末，麵糊為丸，如梧桐子大，每丸薄綿裹之。如

左耳出血塞右鼻，右耳出血塞左鼻。左鼻出血塞右耳，右鼻出血塞左耳。兩耳俱出血塞兩鼻，兩鼻俱出血塞兩

耳。

〔方歌〕 神寒麝香生白礬，沉糯同研麵糊丸。大如梧子薄綿裹，塞入耳鼻聾血症。

〔柴胡清肝湯〕 見頭部瘡疽。

耳痔 耳竇 耳挺

耳痔竇挺耳竅生，肝腎胃火凝結成。微腫悶疼皮損破，塞久令人必重聽。〔註〕此三證皆生耳內，耳痔形如櫻桃，亦有形如羊奶者。耳竇形類初如蘑菇，頭大蒂小。耳挺形若棗核，細條而長，努出耳外，俱由肝經怒火腎經根火，胃經

積火凝結而成微腫悶疼色紅皮破不當觸犯偶犯之痛引腦顛皆宜服梔子清肝湯外用硃砂散點之漸漸消化

梔子清肝湯 梔子生 川芎 當歸 柴胡 白芍酒 丹皮各一 甘草五分 石膏煨 牛蒡子各一

黃芩 黃連各五分 水二鍾煎八分食後服

〔方歌〕梔子清肝葶腎肝胃火忿怒成芎歸柴芍丹皮草膏蒡茶連用有功

〔硃砂散〕 硃砂錢 輕粉 雄黃各三分 冰片五 共硃細末水調濃用穀草細梗咬毛蘸點痔上

〔方歌〕硃砂散實有奇功痔葶在耳內生輕片硃雄研為末水調點痔消縮形

旋耳瘡

旋耳瘡生耳後縫瘡延上下連耳疼狀如刀裂因濕熱穿粉散搽即成功〔註〕此證生於耳後縫間延及耳摺上下

如刀裂之狀色紅時流黃水由膽脾濕熱所致然此瘡

月盈則瘡感月虧則瘡衰隨月盈虧是以又名月蝕瘡

也宜穿粉散搽之即可成功

〔穿粉散〕 輕粉煨隔紙炒 穿山甲炙 鉛粉 黃

丹各三錢 共研極細末香油調敷

〔方歌〕穿粉散敷旋耳瘡清熱滲濕油調良輕粉研細

隔紙炒穿山甲共鉛粉黃

口部

大人口破

旋耳瘡圖



旋耳瘡

大入口破分虛實。豔紅為實。淡紅虛。實則滿口爛斑。腫虛白不腫點微。〔註〕此證名曰口瘡。有虛火實火之分。虛火者。色淡紅。滿口白斑。微點甚者。陷露龜紋。脈虛不渴。此因思慮太過。多醒少睡。以致心腎不交。虛火上炎。宜服四物湯。加黃藥。知母。丹皮。少佐肉桂。以為引導。從治之法也。外以柳花散。搽之。實火者。色豔紅。滿口斑爛。甚者。腮舌俱腫。脈實口乾。此因過食膏粱厚味。醇酒炙煿。以致心脾實火妄動。宜服涼膈散。外搽封筵散。吐涎則效。如口瘡舌乾。黃硬作渴者。宜服加減八味丸。以滋化源。俱禁水漱。

〔柳花散〕 黃藥一兩 青黛三 肉桂錢一 龍腦香二分 各研細。再合一處研勻。每用少許。搽於患處。

〔方歌〕柳花散治白口瘡。黃藥青黛龍腦香。肉桂共研搽患處。虛火上炎自平康。

〔封筵散〕 黃芩 黃連 梔子生 乾薑 黃藥末 細辛各等分 共研細末。每用少許。搽於患處。

〔方歌〕封筵散醫實火攻口瘡。斑爛色多紅。芩連梔子乾薑藥。細辛同研有神功。

〔涼膈散〕見面部 〔加減八味湯〕見瀉門

鵝口瘡

鵝口滿口白斑點。小兒心脾熱所生。初生多是胎中熱。甚則咽喉壅腫痛。〔註〕此證小兒多有之。屬心脾二經之熱所生。初生小兒。則屬胎熱。上攻所致。滿口皆生白色斑點。作痛甚。則咽喉壅腫起。難於乳哺。多生啼叫。法用青紗一條。裹筋頭上。蘸新汲水。揩去白胎。以淨為度。重手出血無妨。隨用冰硼散。搽之內服。涼膈散即愈。

〔冰硼散〕 冰片五分 硼砂 元明粉各五 硃砂分 共研極細末。用少許。搽於瘡處。如咽喉腫痛。以蘆筒吹之。立效。

〔方歌〕冰硼散治咽喉痛。口瘡白點滿口生。冰硼硃砂元明粉。研末搽之立見功。

〔涼膈散〕 見面部發毒

口糜

口糜陰虛陽火成。膀胱濕水溢脾經。濕與熱蒸。腐薰胃口。滿口糜爛色紅疼。〔註〕此證由陽旺陰虛。膀胱濕水泛溢。脾經濕與熱蒸。腐久則化為熱。熱氣薰蒸胃口。以致滿口糜爛。甚於口瘡。色紅作痛。甚則連及咽喉。不能飲食。初起宜服蓮赤湯。口臭瀉泄脾虛濕者。宜服連理湯。糜爛延及咽喉。日輕夜重者。服少陰甘桔湯。便秘者服涼膈散。外俱以薑蘘散搽之有效。

〔導赤湯〕 木通 生地各一錢 甘草一錢 竹葉二十片。水一鍾。煎半鍾。溫服。

〔方歌〕 導赤湯醫口糜。證脾濕化熱。薰胃成。木通生地生甘草。竹葉煎服熱自平。

〔加味連理散〕 白朮二錢 人參 白茯苓 黃連 乾薑各一錢 甘草五分 水煎熱服。

〔方歌〕 連理胃熱脾虛濕。口糜臭氣瀉泄俱。參苓白朮炙甘草。乾薑黃連脾胃宜。

〔少陰甘桔湯〕 桔梗一錢 甘草一錢 川芎 黃芩 陳皮 元參 柴胡各五分 羌活 升麻各四分 葱白

一根。水二鍾。煎八分。食遠服。

〔方歌〕 少陰甘桔治口糜。芩苓羌活桔陳皮。元參柴草升麻共。葱白水煎神效奇。

〔薑蘘散〕 乾薑 黃蘘各等分 各研末。共合一處。研勻。乾搽口內。溫水漱口。

〔方歌〕 薑蘘散搽口糜爛。黃蘘乾薑各細研。等分兌勻搽患處。溫水漱口效如仙。

〔涼膈散〕 見面部面發毒

唇部

反唇疔 鎖口疔

反唇疔發唇裏稜鎖口疔在嘴角生粟米堅腫麻癢痛脾胃心經火毒成〔註〕此二證俱由火毒而成反唇疔生於

反唇疔上下唇皆同



鎖口疔



鎖口疔生在口角左右同

反唇疔圖

唇稜偏裏上唇屬脾下唇屬胃鎖口疔生於嘴角係心脾二經所屬二證初起形如粟米色紫堅硬如鐵腫甚麻癢木痛寒熱交作煩悶作嘔反唇甚則令唇外翻鎖口甚則口不能開俱屬迅速之證須當速治遲則毒氣攻裏令人昏憤惡心即名走黃治法俱按疔門禁用灸法

唇疽

唇疽生於上下唇寒熱交爭毒氣深紫硬時覺木痛甚脾胃積熱乃其因〔註〕此證生於唇無論上下左右由脾胃積熱所致色紫有頭大者如李小者如棗腫硬如鐵時覺木痛甚則寒熱交作初宜服神授衛生湯裏實者服雙解貴金丸外用離宮錠塗之即消若過

唇疽圖



唇疽上下唇皆同

數日猶不消者必欲潰破治法即按癰疽腫瘍潰瘍門。

〔神授衛生湯〕 〔雙解貴金丸〕 〔離宮錠〕 俱見腫瘍門

繭脣

繭脣脾胃積火成初如豆粒漸繭形痛硬潰若翻花逆久變三消定主凶〔註〕此證由脾胃積火結聚而成初起如豆粒漸長若蠶繭堅硬疼痛妨礙飲食初起及已成無內證者用蟾酥餅貼之陀僧膏蓋之日久漸消或口渴者宜服清涼甘露飲若面赤口唇燥裂便秘者此屬氣實宜服涼膈散若日輕夜重五心煩熱兩頰現紅脈虛數無力者宜服加減八味丸以滋水養陰若潰

後如翻花時津血水者屬逆失於調治久則變為上消中消下消之證屬凶。

繭脣圖



繭脣上下脣皆同

〔清涼甘露飲〕 麥冬去心 知母 黃芩 石斛 枳殼炒 枇杷葉蜜炙 銀柴胡 犀角鎊 生地 茵陳

高 甘草各一錢 燈心五十寸淡竹葉一錢水二鍾煎八分食遠服。

〔方歌〕清涼甘露醫繭脣潤燥止渴又生津。麥冬知草芩斛殼枇杷銀胡犀地茵。

〔蟾酥餅〕見疔瘡門 〔陀僧膏〕見癰疽門 〔涼膈散〕見面發毒 〔加減八味丸〕見癰疽門

脣風

脣風多在下脣生陽明胃經風火攻初起發癢色紅腫久裂流水火燎癢〔註〕此證多生下脣由陽明胃經風火凝結而成初起發癢色紅作腫日久破裂流水疼如火燎又似無皮如風感則脣不時顫動俱內以雙解通聖散服之。

唇 風 圖



唇風生在唇上下皆同

外以黃連膏抹之自愈

〔雙解通聖散〕

防風 荆芥 當歸 白芍炒

連翹法 白朮炒 川芎 薄荷 麻黃 梔子各

錢 黃芩 石膏煨 桔梗各一 甘草二兩 滑

石三 共研粗末每用五錢水一鍾半煎八分澄渣

溫服

〔方歌〕雙解通聖胃火風疎表清裏膏防荆歸芍連翹芩朮桔麻黃梔草薄滑芩

〔黃連膏〕 見鼻部鼻瘡

齒部

牙鈕

牙鈕牙縫內出血胃腎二經虛實熱實多口臭牙堅牢虛者反此當分別〔註〕此證由熱而成當分虛實無論大人小兒若胃經實熱者則血出如湧口必臭而牙不動宜服清胃湯甚則服調胃承氣湯或用酒製大黃末三錢以枳殼五錢煎湯少加童便調服下黑糞即愈若胃經虛火者牙齦腐爛淡血滲流不已宜服二參湯及補中益氣湯加黃連丹皮若腎經虛者血則點滴而出牙亦微痛口不臭而牙動或落者治宜滋腎有火者六味地黃丸無火者七味地黃丸俱加猴薑隨手應效若疳積氣盛兼服蘆薈丸外俱用小薊敷擦牙隨用青竹茹醋浸一宿含漱甚效

〔清胃湯〕 石膏四錢 黃芩 生地各一 丹皮五分 黃連 升麻各一 水二鍾煎八分食後服

〔方歌〕清胃陽明實火結口臭相兼齒鈕血芩連生地升麻膏丹皮同煎功效捷

〔調胃承氣湯〕 大黃四錢 芒硝三錢 甘草二錢 水三鍾煎一鍾去渣少少溫服。

〔方歌〕 調胃承氣實火攻齒鈕口臭用之靈酒浸大黃芒硝草胃熱煎服立刻清。

〔二參湯〕 人參 元參各等分 水煎溫服。

〔方歌〕 二參湯醫虛火泛齦腐滲流血水淡人參元參各等分水煎服下有神驗。

〔蘆薈丸〕 蘆薈 子青皮 白雷丸 白蕪荑 川黃連 胡黃連 鶴虱草各一錢 木香三錢 麝香一錢 共

研末蒸餅糊丸如麻子大每服一錢空心清米湯送下。

〔方歌〕 蘆薈丸醫積氣感木磨青皮胡黃連蕪荑雷丸鶴虱草川連同末蒸餅丸。

〔小薊散〕 小薊 百草霜 蒲黃炒 香附子各五錢 酒浸曬乾 以上研細末用搽牙上半刻時溫茶漱之。

〔方歌〕 小薊散搽牙鈕方蒲黃微炒百草霜香附同研為細末搽牙止血功效強。

〔補中益氣湯〕見瀉門 六味地黃丸見面部 七味地黃丸即桂附地黃丸減去附子見面部頰癩

牙宣

牙宣初起腫牙齦日漸腐頰久露根惡熱惡涼當細別胃經客熱風寒侵〔註〕此證牙齦宣腫齦肉日漸腐頰久則削縮以致齒牙宣露總由胃經客熱積久外受邪風寒涼相搏而成有喜涼飲而惡熱者係客熱遇寒涼凝滯於齦肉之間有喜熱飲而惡涼者係客熱受邪風稽留於齦肉之內客熱遇寒者牙齦出血惡熱口臭宜服清胃湯客熱受風者牙齦惡涼遇風痛甚宜服獨活散外有牙齦腐臭齒根動搖者屬胃中虛火而兼腎虛齒乃腎之餘宜服三因安腎丸又有牙齦腐臭時津白膿者屬胃中濕熱宜服犀角升麻湯外俱用胡桐淚散擦之以食鹽沖湯漱口惟牙齦動搖或兼疼痛者日以李杲牢牙散擦之夜用固齒白玉膏貼之緩緩取效若齦肉腐爛露牙牀骨者逆

〔獨活散〕 獨活 羌活 防風 川芎各六分 薄荷 生地 荊芥各一錢 細辛七分 以上為粗末每用二

錢水煎澄渣食後服日用三服

〔方歌〕獨活風毒注牙根齧腫嫌涼痛莫禁羌活防風共生地薄荷荊芥合芎辛

〔三因安腎丸〕 補骨脂炒 胡蘆巴炒 茴香炒 川棟子炒 續斷各三兩 山藥 杏仁炒 白茯苓 桃

仁各二兩 炒 共研細末煉蜜爲丸如梧桐子大每服二錢空心淡鹽湯送下

〔方歌〕三因安腎虛火燥牙齧腐臭齒根搖山藥杏茴荊芥脂胡蘆巴續川棟桃

〔胡桐淚散〕 胡桐淚 細辛 川芎 白芷各一分 寒水石二錢 生地兩 青鹽分二 共研細末乾搽牙

齧患處待頓飯時以溫水漱去少時再上

〔方歌〕胡桐淚散牙齧腫津血宜露或出膿細辛寒水石生地青鹽白芷共川芎

〔李杲牢牙散〕 龍膽草一兩五錢 羌活 地骨皮各一錢 升麻四錢 共研末先以溫水漱口用少許搽之

〔方歌〕李杲牢牙擦齒病牙齧搖動或兼疼膽草升麻羌地骨研末漱口搽有功

〔固齒白玉膏〕 官粉一兩 珍珠三錢 陽起石一兩 用覆盆子四十九條 防風當歸 川芎牙皂 青鹽升麻 白芷

藥入砂鍋內以桑柴火熬藥至三炷去渣再入砂鍋內煎至一炷將龍骨陽起石焙乾研末 麝香二錢 龍骨二兩 象牙五錢

起石火煨通紅入藥汁內泮之如此七次去藥汁將龍骨陽起石焙乾研末 麝香二錢 龍骨二兩 象牙五錢

用黃蠟三兩溶化濾淨再化離火候溫方入前藥和勻乘熱攤紙上如膏冷將熨斗燒熱仰放紙鋪熨斗底上

攤之用時先以溫水漱口將膏剪一小條貼於患處閉口勿語

〔方歌〕固齒白玉貼牙效一切牙痛及動搖官粉珍珠陽起麝龍骨象牙黃蠟熬

〔清胃湯〕見牙 〔犀角升麻湯〕見齒痛

鑽牙疔

鑽牙疔在牙根生突出硬骨銳而鋒痛如鍼刺殊難忍證由肝胃積熱成〔註〕此證由肝胃二經積熱所致乃牙根

肉內鑽出骨尖如刺疼痛異常小兒多有之用法用鉸鉞就患處刺開好肉連牙齦根取出若血出不止者以濕紙換貼二次即止內服蘆薈消疳散外以冰硼散搽之戒厚味其牙復生如舊

〔蘆薈消疳散〕 蘆薈生 胡黃連 石膏煨 羚羊角鎊 梔子擘 半蒴子炒 銀柴胡 桔梗 大黃生

元參各五分 薄荷葉分四 甘草分三 水二鍾淡竹葉一錢煎六分食遠服

〔方歌〕蘆薈消疳清胃肝 羚羊梔子蒴胡連 銀胡桔梗大黃薄 甘草元參竹葉煎

〔冰硼散〕 見口部鵝口瘡

牙疔

牙疔牙縫胃火成大腸濕熱亦可生腫如粟米連腮痛若兼麻癢即黑疔〔註〕此證由胃經火毒或太陽經濕熱皆可致之每生於兩旁牙縫腫起一粒形如粟米痛連腮項若兼麻癢破流血水疼痛異常者即黑疔也屬腎火毒俱用銀簪尖挑破以見血為度搽拔疔散再以蟾酥丸噙化徐徐嚥之若煩躁口渴者宜服黃連解毒湯即愈若失治毒反攻心令人煩躁昏憤者逆

〔拔疔散〕 硃砂 白礬 硃砂 食鹽用鐵鑄刀燒紅將白礬食鹽放於刀上煨之 各等分擇丁日午時研為細末收之

〔註〕拔疔散治諸疔毒硃砂白礬食鹽硃砂等分研末搽患處化硬搜根功效殊

〔蟾酥丸〕見疔瘡門 〔黃連解毒湯〕見耳部

牙癰

牙癰胃熱腫牙牀寒熱堅硬痛難當破流膿水不收口誤犯寒涼多骨妨〔註〕此證由陽明胃經熱毒所致生於牙牀堅腫疼痛身發寒熱腮頰浮腫初宜服荊防敗毒散若大渴煩嘔者蟾酥丸汗之便秘者雙解貴金丸下之腫處宜軟刺破搽冰硼散若初時堅腫破流血水久不收口過食寒涼者必生多骨俟骨尖刺出搖則內動始可取出其

口方能收斂而愈。

〔荊防敗毒散〕見頭部

〔蟾酥丸〕見疔

〔雙解貴金丸〕見腫

〔冰硼散〕見口瘡

走馬牙疳

走馬牙疳證不輕，癖積疹痘毒火攻，牙根腐臭，隨變黑，頑肉難脫，不食凶。〔註〕此證多由癖疾積火疹痘餘毒上攻，及為迅速，總因積火熱毒而成。牙根作爛，隨變黑腐，臭穢難聞。若癖積毒火攻牙者，初宜服蘆薈消疳飲，脾胃虛者，兼服人參茯苓粥。若疹痘餘毒所中者，宜服清疳解毒湯。外勢輕者，俱用溺白散擦之。若堅硬青紫，漸腐穿腮齒搖者，宜蘆薈散擦之。如牙縫黑腐不盡，及腐爛深坑，藥不能到，宜用勒馬聽微絲塞之。再用手法去其黑腐肉，見紅肉流鮮血者吉。若取時頑肉難脫，堅硬腐爛漸開，以致穿腮破唇，宜貼青蓮膏。身熱不食者逆，但此證惟癖積攻牙成疳者，好後易犯，由積火時時上攻也。惟在調理飲食得宜，如山藥、栗子、鵝蟹、甜辣等物，俱當禁忌。若稍有疎忽，必致復發，慎之慎之。

〔人參茯苓粥〕 人參一錢

白茯苓六錢

共研末，同粳米一茶鍾，熬成粥。先以鹽湯將口漱淨，後再食粥。

〔方歌〕人參茯苓善扶脾，飲食短少服之宜。二味研末加粳米，熬粥食之理胃虛。

〔清疳解毒湯〕 人中黃

川黃連生

柴胡各五錢

知母生

連翹去

牛蒡子炒

犀角鎊

黑參

荊芥

防風各一錢

石膏各煨五錢

淡竹葉一錢，燈心五十寸，水二鍾，煎八分，食遠服。

嘔加蘆葦根五錢。

〔方歌〕清疳解毒牙疳證，疹痘餘毒化熱成。中黃知連柴翹芩，犀角參膏荊芥風。

〔溺白散〕 溺垢即婦人尿桶中

白礬火煨五錢

白霜梅燒存

枯白礬各二錢

以上研細末，先用韭根、松蘿茶煎成濃汁，乘熱以雞翎蘸洗患處，去淨腐肉，見津鮮血，再敷此藥，日敷三次。若爛至咽喉，以蘆筒吹之。

〔方歌〕溺白散搽走馬疳，溺垢白霜梅白礬。韭根茶葉煎湯滌，腐肉敷藥痊。

〔蘆薈散〕 蘆薈一錢 黃蘗五錢 人言五分用紅粟五枚每顆去核 每畝納人言一分 火燒存性 共研細末先用米泔水漱淨疔毒後敷

此藥於堅硬及腐處

〔方歌〕 蘆薈散搽牙疔爛色紫牙搖腮硬穿囊裏人言燒存性再加黃蘗末同研

〔勒馬聽徵絲〕 白砒末一分 麝香三分 青綿碎 青黛各二兩 用香油拌勻用時先以清米泔水漱口次

用鑷尖將絲挑少許塞於牙根縫內日三易之

〔方歌〕 勒馬聽徵牙疔縫齧黑急速施油調砒麝青綿黛泔水漱口後塞之

〔青蓮膏〕 青黛二錢 乳香 輕粉各一錢 麝香五分 白砒一分 共為細末用香油調稠薄攤紙上用鎚鎚

實陰乾收之每於臥時以泔水漱淨口拭乾隨疔證大小剪膏藥貼之至曉揭去再以泔水將口漱淨吐之至晚

再貼

〔方歌〕 青蓮膏貼疔疔宜化腐消堅效更奇乳麝白砒輕粉黛研末油調紙攤之

〔蘆薈消疔飲〕 見鑽牙疔

齒懸

齒懸齒內生小蟲胃經瘀濕風火凝口臭只緣胃火盛齒根腐爛出血膿註此證係齒內生蟲由胃經瘀濕風火凝聚而成齒根脹痛腐爛時出膿血若口臭甚者胃火盛極上攻所致也宜服玉池散外用雀麥連挺一把苦瓠三十斤洗淨將麥剪長二寸以瓠葉裹作五包廣一寸厚五分三年陳醋漬之至日中時以兩包火中炮炙令熱納口中熨齒外冷更易之取包置水中解視之即有蟲長三分老者黃色新者白色其效如神

〔玉池散〕 當歸 白芷 升麻 防風 甘草 地骨皮 川芎 細辛 藁本 槐花各一錢 生薑三片 黑

豆三十粒水煎去渣候溫含漱冷則吐之若用此方煎服更效

〔方歌〕玉池疏風療蟲牙，津液根爛激服佳。歸芷升防甘地骨，芩辛薑藜豆槐花。

齒齩

齒齩風熱客陽明，牙齩腫痛出臭膿。遇風痛甚久宣露，白馬懸蹄塞入靈。〔註〕此證由風熱客於手足陽明二經而成，初起牙齩宣腫覺痛，遇風痛甚，常作歪口吸氣之狀，牙齩腐孔，時出臭膿，久則齩齒宣露。初宜服清胃湯，加羌活、外用白馬懸蹄少許，以綿裹之，塞入膿孔甚效。

〔清胃湯〕 見牙鉅

舌部

紫舌脹

紫舌脹屬心經火熱，感血壅腫硬疼，舌腫滿口，宜鍼刺，血色紫重色紅輕。〔註〕此證由心經火感血壅，以致舌腫滿口，堅硬疼痛，宜用衣鍼紮筋頭上，露鋒分許，當舌刺數十刺，令血出，紅色者輕，紫色者重，隨以溫水漱口，搽冰硼散，內用涼膈散，去朴硝大黃，加牛蒡子、荆芥，倍用梔子，服之甚效。

〔冰硼散〕 見口瘡
〔涼膈散〕 見面部發毒

痰包

痰包每在舌下生，結腫綿軟似胞形，痛脹舌下妨食語，火稽痰涎流注成。〔註〕此證生於舌下，結腫如胞，光軟如綿，塞脹舌下，有妨飲食，言語色黃，木痛由火稽痰涎流注而成，宜用利剪當包上剪破，出痰涎如雞子清，稠黏不斷，拭淨，搽冰硼散，服加味二陳湯，已煎炒火酒等物。

〔加味二陳湯〕 陳皮 半夏 製 白茯苓 黃芩 各八分 黃連 薄荷 甘草 各五分 水二鍾，薑三片，煎八分。

食前服。

〔方歌〕加味二陳療痰包結腫舌下形如胞。二陳湯加芩連薄薑煎服下自然消。

〔冰硼散〕 見口部鵝口瘡

舌衄

舌衄心火血分炎。舌上生孔似鐵尖。或如筋頭其色紫。甚黑腐爛血出泉。〔註〕此證係舌上忽生孔。小者如鐵尖。大者如筋頭。其孔色紫屬熱。甚色黑防腐爛。血出如泉湧。由心火上炎。以致血熱妄行而成。宜服升麻湯兼搽必勝散甚效。

〔升麻湯〕 升麻 小薊根 茜根各一兩 艾葉七錢 寒水石三 共研每三錢水一鍾煎七分澄去渣入

生地黃汁一羹匙再煎二滾溫服。或加炒側柏葉五錢亦可。

〔方歌〕升麻舌衄心水炎。小薊茜根各兩半。艾葉七錢五分加寒水三兩同研爛。

〔必勝散〕 螺青另 蒲黃絡炒 共合一處研細搽於患處。後用溫鹽湯漱口。

〔方歌〕必勝心熱血妄行。舌生小孔湧血紅。螺青研末蒲黃炒。同勻搽之自歸經。

重舌 痰核 重脣 舌疔

舌證發於心脾經。其證皆由積熱成。重舌舌下血脈脹。痰核舌上一核生。重脣生於口上脣。時覺心煩梅子形。舌疔舌上生紫胞。其形如豆寒熱增。〔註〕此證無論大人小兒俱可以生。重舌者由心脾蘊熱循經上沖。舌本遂令舌下血脈脹起。如小舌狀。故名重舌。宜用冰硼散搽之。痰核者。心脾痰涎鬱熱。舌上生核。強硬作痛。宜用衣鍼點破。搽冰硼散。內服加味二陳湯。重脣者。心脾有熱。以致上脣生瘡。形如梅子。外無寒熱。內時作煩。此屬熱極。禁用鍼刺。宜服黃連解毒湯。加桔梗。不時用紫雪散嚥化。舌疔者。心脾火毒。舌生紫胞。其形如豆。堅硬寒熱疼痛。應心初起宜用蟾

酥丸含於舌下隨化隨嚥或再服三粒以解內毒甚者刺之服黃連解毒湯兼搽紫雪散及徐徐嚥之即愈

〔紫雪散〕犀角鎊 羚羊角鎊 石膏 寒水石 升麻各一 元參二 甘草八錢 沉香鎊 木香各五

水五盞煎藥剩湯一盞將滓用絹濾去將湯再煎滾投提淨朴硝三兩六錢文火慢煎水氣將盡欲凝結之時

傾入盤內下硃砂冰片各三錢金箔一百張各預研細和勻將藥盤安入涼水中候冷凝如雪為度大人每用

一錢小兒二分十歲者五分徐徐嚥之即效或用淡竹葉燈心煎湯化服亦可咽喉腫痛等證吹之亦效

〔方歌〕紫雪散醫積熱效沉木犀羚羊元參草寒水升膏朴硝加硃冰箔研入內攪

〔冰糲散〕見口部 〔加味二陳湯〕見痰 〔黃連解毒湯〕見耳部 〔蟾酥丸〕瘡門

舌疳附瘰癧風

舌疳心脾毒火成如豆如菌痛爛紅漸若泛蓮難飲食綿潰久變瘰癧風〔註〕此證由心脾毒火所致其證最惡初如豆次如菌頭大蒂小又名舌菌疼痛紅爛無皮朝輕暮重急用北庭丹點之自然消縮而愈若失於調治以致疔腫突如泛蓮或有狀如雞冠舌本短縮不能伸舒妨礙飲食言語時津臭涎再因怒氣上沖忽然崩裂血出不止久久延及項領腫如結核堅硬骨痛皮色如常頂輒一點色暗木紅破後時津臭水腐如爛棉其證雖破堅硬腫痛仍前不退此為綿潰甚至透舌穿腮湯水漏出是以又名瘰癧風也蓋舌本屬心舌邊屬脾因心緒煩擾則生火思慮傷脾則氣鬱鬱甚而成斯疾其證外勢頗類喉風但喉風咽喉常腫湯水不能下嚥此證咽喉不腫可以下嚥湯水胃中亦思飲食因舌不能轉動迭送硬食故每食不能充足致令胃中空虛而怯證悉添日漸衰敗初起宜服導赤湯加黃連虛者服歸脾湯熱甚者服溫涼甘露飲合歸脾湯便瀉者服歸芍異功湯領下腫核初起宜用錦地羅蘸醋磨濃敷之潰後宜水澄膏貼之自古治法雖多然此證百無一生縱施藥餌不過苟延歲月而已

〔清溪祕傳北庭丹〕番硝砂 人中白各五 瓦上青苔 瓦松 瘡雞矢各一 用傾銀罐二個將藥裝在

罐內將口封嚴外用鹽泥封固以炭火煨紅待三炷香爲度候冷開罐將藥取出入麝香冰片各一分共研細末用磁鍼刺破舌菌用丹少許點上再以蒲黃蓋之。

〔方歌〕北庭丹點舌菌生瓦松唐雞矢人中瓦上青苔香礪末罐封火煨入麝冰。

〔歸芍異功湯〕 人參 白朮土 廣陳皮 白芍酒 當歸身各一錢 白茯苓二錢 甘草五分 燈心五十寸。

水煎空心服。

〔方歌〕歸芍異功扶脾氣健胃又能止瀉利四君歸芍廣陳皮引加燈心是良劑。

〔水澄膏〕 硃砂二錢 白蘇 白芨 五倍子 鬱金各一兩 雄黃 乳香各五錢 以上爲細末米醋調濃以

厚紙攤貼之。

〔方歌〕水澄膏貼潰核驗水飛硃砂末二錢芩薤鬱金雄黃乳五倍同研用醋攤。

〔導赤湯〕見口糜 〔歸脾湯〕見身部乳 〔清涼甘露飲〕見唇部

喉部

緊喉風附纏喉風

緊喉膏梁風火成咽喉腫痛難出聲聲如拽鋸痰壅塞穴刺少商吐下功〔註〕此證由膏梁厚味太過致肺胃積熱復受邪風風熱相搏上壅咽喉腫痛聲音難出湯水不下痰涎壅塞之聲頗似拽鋸初發暴速急刺手大指內側少商穴出紫黑血以瀉其熱痰感者以桐油錢導吐之吐痰後隨用甘草湯漱之以解桐油之氣內服雄黃解毒丸吐下之喉中吹白降雪散俟關開之後內宜服清咽利膈湯按法調治隨手應效者順若面青唇黑鼻流冷涕者逆若兼項外邊腫即名纏喉風其治法雖與此證相同然終屬險惡難治。

〔桐油錢〕 温水半盃加桐油四匙攪勻用硬雞翎蘸油探入喉內擦之連探四五次其痰壅出再探再吐以人醒聲高為度。

〔方歌〕桐油錢法導痰壅一切喉風用最靈半盃温水桐油入雞翎蘸探吐喉通。

〔雄黃解毒丸〕 雄黃各一錢 鬱金錢一 巴豆十四粒去皮油 共研末醋糊為丸如黍粒大每服五分津液送下。

〔方歌〕雄黃解毒緊喉風開關通閉火能平巴豆去油鬱金末醋糊為丸黍粒形。

〔白降雪散〕 石膏分一錢五 硼砂錢一 焰硝各五 膽礬各五 元明粉分三 冰片分一 共研極細末以筆管吹入喉內。

〔方歌〕白降雪散喉風證腫痛聲難風火凝煨石膏與膽礬末焰硝硼片共元明。

〔清咽利膈湯〕 牛蒡子研 連翹心法 荊芥 防風 梔子研 桔梗 元參 黃連 金銀花 黃芩 薄荷

荷 甘草錢各一 大黃 朴硝錢各一 水二鍾淡竹葉二錢煎八分食遠服。

〔方歌〕清咽利膈喉痛消疏風清熱勞連翹荊防梔桔參連草銀花芩薄大黃硝。

慢喉風

慢喉發緩體虛住微腫咽乾色淡紅或由暴怒五辛火或因憂思過度成〔註〕此證有因平素體虛更兼暴怒或過食五辛而生者亦有憂思太過而成者俱屬體虛病實其發緩其色淡其腫微其咽乾舌見滑白胎大便自利六脈微細聲如嚶色若午前痛者服補中益氣湯加以清涼如麥冬黑參桔梗牛蒡子服之若午後作痛作渴身熱足冷者陰陽兩虛也忌用苦寒宜少陰甘桂湯以宣達之若面赤咽乾不渴者其脈必虛大以甘露飲服之必效俱兼用冰硼散一錢加燈草煨灰存性三分吹之立驗。

〔甘露飲〕 天冬心法 麥冬心法 黃芩 生地 熟地 枇杷葉蜜炙 石斛 枳殼炒 茵陳蒿 甘草各等

水二鍾煎八分食後服。

〔方歌〕甘露飲清內熱侵面赤咽乾生液津天麥冬苓生熟地批把斛草枳茵陳。

〔補中益氣湯〕見瀉門 〔少陰甘桔湯〕見口部 〔冰硼散〕見口部

喉閉附酒毒喉閉

喉閉肝肺火盛由風寒相搏腫咽喉甚則腫痛連項外又有酒毒當細求〔註〕此證由肝肺火盛復受風寒相搏而成咽喉腫痛面赤腮腫甚則項外漫腫喉中有塊如拳湯水難嚥語言不出暴起身發寒熱急刺少商穴或鍼合谷穴以開咽喉初宜疏散服荊防敗毒散寒熱已退即用清咽利膈湯兼吹紫雪散隨以薑汁漱口以宣其熱或用醋漱以消積血痰壅塞者桐油錢探吐痰涎若腫發於項外臃脹痛者防透咽喉不可輕鍼急用皂角末吹鼻取嚏其腫即破或兼用皂角末醋調厚敷項腫須臾即破初腫時用生羊肉片貼之喉閉聲嘶者肺氣將絕急宜獨參湯救之若卒然如啞吞吐不利係寒氣客於會厭也宜蜜炙附子片含之勿嚥初終忌用苦寒之藥恐難消難潰又有酒毒喉閉由酒毒蒸於心脾二經熱壅咽喉喉腫色黃其人面赤目睛上視以桐油錢導吐痰涎宜服鼠黏子解毒湯亦用紫雪散吹之。

〔鼠黏子解毒湯〕 鼠黏子炒 桔梗 青皮 升麻 黃芩 花粉 甘草生 元參 梔子研 黃連 連翹去 葛根 白朮炒 防風 生地各等 水煎食後服。

〔方歌〕鼠黏解毒酒毒閉桔梗青皮能降氣升芩花粉草元參梔連翹葛朮防地。

〔荊防敗毒散〕見項部 〔清咽利膈湯〕 〔桐油錢〕俱見緊 〔紫雪散〕見舌部 〔獨參湯〕見瀉門

啞瘴喉風

啞瘴喉風腫痛咽牙關緊急不能言風痰湧塞咽膈上火盛生痰風搏源〔註〕此證頗類緊喉由肺胃蘊熱積久生

痰外復受風邪與痰熱相搏湧塞咽膈之上而成斯疾初起咽喉腫塞疼痛湯水難嚥語言不出牙關緊急此屬險候急用雄黃解毒丸化水用細竹管將藥水吹入鼻孔直達咽喉藥入作嘔即令患者吐之其牙關頓鬆咽喉即稍開通先與米飲飲之次服清咽利膈湯兼吹冰硼散用藥不應者險若唇黑鼻流冷涕者逆

〔雄黃解毒丸〕〔清咽利膈湯〕俱見緊〔冰硼散〕見口瘡

弄舌喉風

弄舌喉風心脾經實火外寒凝滯成舌出攪動因脹悶咽喉作腫更兼疼〔註〕此證由心脾實火與外寒鬱遏凝滯而成咽喉腫痛痰涎堵塞音啞言澀舌出不縮時時攪動覺舌脹悶常欲以手捫之各故弄舌急刺少商穴在兩手大指裏側去指甲角旁韭葉寬卽是用三稜鍼刺之有血者生無血者死噲蟾酥丸徐嚥藥汁若痰涎上湧不能嚥藥者急用桐油錢探吐痰涎隨服清咽利膈湯吹金鎖匙若喉內如松子及魚鱗狀不堵塞者此屬虛陰上浮急用蜜炙附子片嚥嚥其汁卽效

〔金鎖匙〕 冰片二分 白殭蠶錢一 雄黃錢二 焰硝一兩 硼砂錢五 各研末和勻以細筆管吹入喉內腫痛

〔方歌〕金鎖匙吹弄舌風心脾火鬱外寒乘消痰逐熱除疼痛冰片殭蠶雄焰硝

〔蟾酥丸〕見疔 〔桐油錢〕 〔清咽利膈湯〕俱見緊

喉疔

喉疔初覺陰虛成隘乾刺痛色淡紅腎火炎上金受尅破爛失音臭腐疼〔註〕此證一名陰虛喉疔初覺咽隘乾燥如毛草常刺喉中又如硬物隘於咽下嘔吐酸水噦出甜涎淡紅微腫微痛日久其色紫暗不鮮頗似凍榴子色由膏液久虧相火炎上消燥肺金薰燥咽喉腫痛日增破爛腐衣疊若蝦皮聲音雌虛喘急多痰臭腐蝕延其疼倍增

妨礙飲食胃氣由此漸衰而虛火益盛煩躁者宜服知藥地黃湯若吐酸噦涎者宜服甘露飲加川黃連便燥者兼服萬氏潤燥膏面唇俱白不寐懶食者宜歸脾湯加酒炒川黃連腫吹紫雪散腐吹八寶珍珠散其證投方應病或者十全一二否則難救。

〔萬氏潤燥膏〕 豬脂一觔切碎煉油去滓加煉過白蜂蜜一觔攪勻候凝挑服二匙日用三五次

〔方歌〕萬氏潤燥膏神驗降火清金滋便乾豬脂煉油加白蜜挑服失音也能痊

〔八寶珍珠散〕 兒茶 川連末 川貝母去心 青黛各一分 紅褐燒灰 官粉 黃蘗末 魚腦石微 琥珀末各一 人中白二錢 硼砂分 冰片分 京牛黃 珍珠各五分 豆腐內養珍各五分 麝香分 各研極細末共兌一處再研勻以細筆管吹入喉內爛肉處

〔方歌〕八寶珍珠喉疳腐冰霽兒茶連貝母紅褐官粉黛牛黃腦石中白蘗珊瑚

〔知藥地黃湯〕即六味地黃丸加知母黃蘗見面部雀斑 〔甘露飲〕見慢喉風 〔歸脾湯〕見乳部乳中結核

喉癬

喉癬咽乾生苔癬初癢時增燥裂疼過飲藥酒五辛火微爛延開蟻蛀形〔註〕此證一名天白蟻咽隘乾燥初覺時癢次生苔癬色暗木紅燥裂疼痛時吐臭涎妨礙飲食由過食炙博藥酒五辛等物以致熱積於胃胃火薰肺而成斯疾宜服廣筆鼠黏湯未潰吹礬精散已潰吹清涼散患者清心寡慾戒厚味發物或者十全一二若失治兼調理不謹致生微爛延漫開大壘起腐衣旁生小孔若蟻蛀蝕之狀多致不救

〔廣筆鼠黏湯〕 生地黃 浙貝母各三錢 元參 甘草各二錢 魚黏子酒炒 花粉 射干 連翹各二錢

〔方歌〕廣筆鼠黏喉癬乾初癢生苔裂痛添生地元參花粉貝連翹射干白殭蠶

〔方歌〕廣筆鼠黏喉癬乾初癢生苔裂痛添生地元參花粉貝連翹射干白殭蠶

〔清溪祕傳礬精散〕 白礬不能多少研末用方磚一塊以火燒紅洒水於磚上將礬末布於磚上以磁盤覆蓋四面灰掩一日夜礬飛盤上掃下用二錢 白霜梅二個去核 眞

明雄黃 穿山甲各一錢 共研細末以細筆管吹入喉內。

〔方歌〕礬精散用火燒磚水濕布礬上覆盤掃霜再兌雄梅甲研末吹喉癬自痊。

〔清涼散〕 硼砂三錢 人中白二錢 黃連末一錢 南薄荷分六 冰片分五 青黛分四 共研極細末吹入喉癬腐

處。

〔方歌〕清涼散吹天白熾胃火薰金成此疾薄黛冰硼中白連腐裂疼痛皆可去。

上腭癰

上腭癰若葡萄形少陰三焦積熱成舌難伸縮鼻紅涕口難開合寒熱增〔註〕此證又名懸癰生於口中上腭由心腎經與三焦經積熱而成形若紫葡萄舌難伸縮口難開合鼻中時出紅涕令人寒熱大作宜黃連消毒飲加桔梗元參服之兼吹冰硼散或日久腫硬下垂不潰者以燒鹽散日點三五次兼服射干丸過時失治飲食不入煩躁神昏者逆。

〔燒鹽散〕 食鹽燒火 枯白礬各等 二味研細以筋頭蘸點患上。

〔方歌〕燒鹽散治上腭癰懸似葡萄色紫形枯礬燒鹽等分末筋頭蘸點消熱瘞

〔射干丸〕 射干 川升麻 杏仁去皮尖 甘草各五錢 木鼈子 川大黃錢二 以上研細末煉蜜和丸如

小彈子大每用一九口中含化徐徐嚥。

〔方歌〕射干丸療懸癰患熱聚成形口開難大黃升草木鼈杏蜜丸彈狀口中含。

〔黃連消毒飲〕見頭部 〔冰硼散〕見口部

鎖喉毒

鎖喉毒生因積熱外感風寒耳前結外似瘰癧漸攻喉心與小腸聽會穴〔註〕此證由心與小腸積熱外感風寒凝結而成初生於耳前聽會穴形如瘰癧漸攻咽喉腫塞疼痛妨礙飲食證須速治宜服牛黃清心丸開關解熱兼服清咽利膈湯吹冰硼散投方應效方能成功。

〔牛黃清心丸〕

九轉膽星兩

雄黃

黃連末錢各二

茯神

元參

天竺黃

五倍子末

荊芥

防風

桔梗

犀角末

當歸錢各一

冰片

麝香

珍珠各五錢

京牛黃

輕粉各三

各研極細末共和一處再

研勻甘草熬膏和丸如龍眼大珠砂爲衣日中曬乾收入磁瓶內將瓶口堵嚴勿令出氣臨服時一九薄荷湯磨服。

〔方歌〕牛黃清心鎖喉毒，茯輕冰麝參雄竺，珍倍荊防桔膽星，犀角歸連熱退服。

〔清咽利膈湯〕

見喉風

〔冰硼散〕

見口瘡

乳蛾

乳蛾肺經積火成，雙輕單重喉旁生。狀若蠶蛾紅腫痛，關前易治關後凶。〔註〕此證由肺經積熱受風凝結而成。生咽喉之旁，狀如蠶蛾，亦有形若棗栗者。紅腫疼痛，有單有雙。雙者輕，單者重。生於關前者，形色易見，吹藥易到，手法易施，故易治。生於關後者，難見形色，吹藥不到，手法難施，故難治。宜服清咽利膈湯吹冰硼散，易見者膿熱鍼之，難見者用雞翎探吐膿血，若兼痰壅氣急聲小，探吐不出者，險急用三稜鍼刺少商穴，出紫黑血，仍吹服前藥，緩緩取效。

〔清咽利膈湯〕

見喉風

〔冰硼散〕

見口瘡

喉瘤

喉瘤鬱熱屬肺經，多語損氣相兼成。形如元眼紅絲裹，或單或雙喉旁生。〔註〕此證由肺經鬱熱更兼多語損氣而

成形如元眼紅絲相裹或單或雙生於喉旁亦有頂大蒂小者不犯不痛或醇酒炙博或因怒氣喊叫犯之則痛忌用鐵刀宜服益氣清金湯以消瘰碧玉散點之即效。

〔益氣清金湯〕 苦桔梗錢三 黃芩錢二 浙貝母去心 麥冬心 牛蒡子各一錢五分 人參 白茯苓 陳皮

生梔子研 薄荷 甘草各一錢 紫蘇分 竹葉三十片 水三鍾煎一鍾食遠服滓再煎服。

〔方歌〕益氣清金肺熱攻注喉成瘰元眼形陳莠苓蘇苦桔貝麥冬梔薄荷草參茶。

〔消瘰碧玉散〕 硼砂錢三 冰片 膽礬各三 共研細末用時以筋頭蘸藥點患處。

〔方歌〕消瘰碧玉點喉瘰開結通喉熱可搜君以硼砂冰片兌膽礬末入患皆瘳。

胸乳部

甘疽

甘疽憂思氣結成膺生穀粒紫萁形寒熱硬痛宜速潰潰遲須防毒陷攻〔註〕此證由憂思氣結而成生於膺上即胸膺兩旁肉高處屬肺經中府穴之下無論左右皆能為患初如穀粒色青漸若枯萁色紫堅硬疼痛憎寒壯熱速潰獨膿者順若過十日寒熱不退信膿不生脈見浮數防毒內陷攻裏致生惡證屬逆初宜服荊防敗毒散以疎解寒熱次服內託黃耆散應期不潰者急服十全大補湯託之其餘內外治法按癰疽腫瘍潰瘍門。

甘疽圖



甘疽生在乳肉上高聳處

〔荊防敗毒散〕

見項部

〔內託黃耆散〕

見背部

〔十全大補湯〕

見項部

臈中疽

臈中疽起粟粒形色紫堅硬漸癢七情火毒發任脈急隨證治緩成凶〔註〕此證生於心窩之上兩乳中央屬任

脈經臈中穴由臟腑不和七情不平火

毒凝結而成初起如粟色紫堅硬漸生

焮熱腫痛憎寒壯熱宜急服仙方活命

飲加蘇葉薄荷葉汗之或煩躁作嘔唇

焦大渴宜奪命丹清之俟表證已退急

服託裏透膿湯若瘡勢不起屬虛宜十

全大補湯託之但臈中為氣海氣之所

居焉施治須早若遲則毒陷攻裏傷膜透氣者逆其餘內外治法俱按癰疽腫瘍潰瘍門。

〔仙方活命飲〕

見腫

〔奪命丹〕

見背部陰

〔託裏透膿湯〕

見頭部

〔十全大補湯〕

見項

脾發疽

脾發疽生心下旁多燔毒酒火為殃初如粟粒時寒熱漸增腫痛潰膿昌〔註〕此證生於心窩下兩旁屬脾經食竇

穴無論左右俱生之皆由過食多燔厚味藥酒以致脾經積火成毒而發初起形如粟粒寒熱往來漸增腫痛若頂

尖根束紅活鮮潤應期即潰稠膿者順若頂平根散色紫堅硬屆期不潰既潰膿如蟹沫者逆初服荊防敗毒散汗

之脣焦大渴煩躁者宜服太乙紫金錠次服內疎黃連湯清之其餘內外治法俱按癰疽腫瘍潰瘍門。

〔太乙紫金錠〕

一名紫金丹

雄黃二錢鮮紅大

硃砂三錢有神

麝香二錢棟厚

川五倍子二兩一名文蛤

臈中疽圖



臈疽中生在兩乳中央

紅芽大戟杭州紫大戟爲上江南北方大戟次之北方綿大戟色白者性烈較利弱人

山慈菇二兩洗去毛

千金子一兩一名續隨子

以上之藥各擇精品於淨室中製畢候端午七夕重陽或天月德天醫黃道上吉之辰

凡入室合藥之人三日俱宜齋沐更換新潔衣帽臨日方入室中淨手薰香顯設藥王牌位主人率衆焚香拜
禱事畢各將前藥七味秤準入於大乳鉢內再研數百轉方入細石臼中漸加糯米濃汁調和軟硬得中方用杵
搗千餘下極至光潤爲度每錠一錢每服一錠病勢重者連服二錠以取通利後用溫粥補之修合時除合藥潔
淨之人餘皆忌見此藥惟在精誠潔淨方效

脾發疽圖



脾發疽生在心窩下兩傍

〔方歌〕太乙紫金諸瘡毒疔腫癰疽皆可除
雄珠倍爵千金子紅芽大戟山慈菇

一一切飲食藥毒蟲毒瘴氣惡菌河豚中毒
自死牛馬豬羊六畜等類之肉人誤食之必
昏亂卒倒或生異形之證並用水磨灌服或
吐或瀉其人必甦 一南方山嵐瘴氣烟霧
瀉疫最能傷人感之纔覺意思不快惡寒惡
熱欲嘔不嘔卽磨一錠服之得吐利便愈

一瘰癧發背對口疔瘡天蛇無名腫毒蚌節紅絲等疔及楊梅瘡諸風癩疹新久痔瘡並用無灰淡酒磨服外用水
磨塗搽瘡上日夜數次覺癢而消 一陰陽二毒傷寒心悶狂言亂語胸膈塞滯邪毒未出瘟疫煩亂發狂喉閉喉
風俱用薄荷湯待冷磨服 一赤白痢疾肚腹泄瀉急痛霍亂絞腸痧及諸痰喘並用薑湯磨服 一男子婦人急
中顛邪喝叫奔走鬼交鬼胎鬼氣鬼魔失心狂亂羊兒豬顛等風俱用石菖蒲煎湯磨服 一中風中氣口眼歪邪

牙關緊急，言語蹇澀，筋脈攣結，骨節風腫，遍身疼痛，行步艱辛，諸風諸癩，並用酒磨純熱服之。一自縊溺死，驚死，壓死，鬼魅迷死，但心頭微溫，未冷者，俱用生薑續斷酒煎磨服。一一切惡蛇風，大毒蛇，溪澗諸惡等，傷人隨即發腫，攻注偏身，甚者毒氣入鼻，昏悶響叫，命在須臾，俱用酒磨灌下，再喫葱湯一盃，被蓋出汗立甦。一新久瘡疾，臨發時，東流水煎桃柳枝湯磨服。一小兒急慢驚風，五疳五痢，脾病黃腫，癰疹瘡瘤，牙關緊急，並用薄荷浸水磨濃，加蜜服之，仍搽腫上年歲幼者，每錠分作數服。一牙痛酒磨塗痛上，仍含少許良久嚥下。一小兒父母遺毒，生下百日內，皮塌爛斑，穀道眼眶損爛者，俱用清水磨塗。一打撲傷損，用松節無灰酒研服。一年深月近，頭脹頭痛，太陽痛極，偏頭風，及諸瘡愈後，毒氣攻注腦門作脹者，俱用葱酒研服一錠，仍磨塗太陽穴上。一婦人經水不通，紅花湯下。一凡遇天行疫證，延街闔巷，相傳傳染者，用桃根湯磨濃滴入鼻孔，次服少許，任入病家，再不傳染。一又治傳尸勞瘵，諸藥不能取效，一方士指教服此，每早磨服一錠，至三次，後逐下惡物尸蟲，異形怪類，後得脫利，以此相傳，活人不計其數。一女子久患勞瘵，爲尸蟲所噬，磨服一錠，片時吐下小蟲十餘條，後服蘇合香丸，其病頓失，調理月餘而愈，真濟世衛生之寶藥也。

〔荆防敗毒散〕見頭部
〔肉疎黃連湯〕

見腫瘍門

井疽

井疽，心火發中庭，初如豆粒，漸腫疼，心躁肌熱，脣焦渴，紅活易治，黑陷凶。〔註〕此證生於心窩，屬任脈中庭穴，由心經火毒而成，初如豆粒，腫痛漸增，心躁如焚，肌熱如火，自汗脣

井 疽 圖



井疽生在心窩中庭穴

焦六渴飲冷急服內疎黃連湯或麥靈丹若煩悶作嘔發熱無汗者奪命丹汗之如紅活高腫者順黑陷平塌者逆其餘內外治法俱按癰疽腫瘍潰瘍門若潰後經年不愈者必成穿心冷瘻難治

〔內疎黃連湯〕

〔麥靈丹〕俱見腫瘍門

〔奪命丹〕見背部陰隔二氣疽

蜂窩疽

蜂窩疽形如蜂窩胸側乳上瘡孔多漫腫紫痛心火毒黑陷者逆順紅活〔註〕此證生於胸側乳上亦有偏身而發

蜂窩疽圖



蜂窩疽生在乳房之上形如蜂房

者由心火毒盛而成色紫漫腫疼痛身發寒熱初起六七孔漸漸延開有三五寸亦有六七寸者形似蜂房即有數十竅每竅出黃白膿宣腫瘡面全腐腐脫有新肉色紅鮮潤者順若出黑水氣穢平塌者逆始終內外治法俱按癰疽腫瘍潰瘍門遇氣寒之人至八九日不潰以神燈照每日照之應期即潰

〔神燈照法〕

見首卷

蠱疽

蠱疽生於缺盆中初豆漸李堅紫疼寒熱尿澀宜蒜灸證由膽胃積熱生〔註〕此證一名缺盆疽又名髓骨疽生在胸上項下髓子骨內輒陷中缺盆穴屬膽胃二經積熱而成初發寒熱往來筋骨拘急飲食不思胸腹膨脹小水短澀初發如豆漸大如李色紫堅硬疼痛初宜艾壯隔獨頭蒜片灸之內服奪命丹汗之次服六一散通利小水膿勢將成宜服內託黃耆散氣血虛甚者宜服十全大補湯託補之其餘內外治法俱按癰疽腫瘍潰瘍門此證宜急託

治若失治腐爛內陷瘡口難斂必成敗證

〔六一散〕滑石六 甘草一兩 共為

末每服三錢燈心煎湯調服

〔方歌〕六一散醫小水瀝能除燥濕熱有功

滑石甘草研成末燈心湯調服立通

〔奪命丹〕見背部陰 〔內託黃耆散〕見

部中 〔十全大補湯〕見門

瘰癧

瘰癧在乳旁生結核紅腫硬痲疼包絡痰凝脾氣鬱治宜溫舒化堅凝〔註〕此證生於乳旁初腫堅硬形類結核發其緩慢漸增痲腫色紅疼痛由包絡寒痰脾氣鬱結而成係寒證非熱證也治宜溫和舒鬱化堅以內補十宣散服之外敷回陽玉龍膏消之如不消膿勢將成也內外治法即按癰疽腫瘍潰瘍門

瘰癧



瘰癧生在乳中

瘰癧



瘰癧生在膈子骨軟陷中

參考桔朴芎歸草芷桂防風熱酒調

〔內補十宣散〕人參 黃耆 當歸各兩 桔梗 厚朴 薑 川芎 白芷 肉桂 防風 甘草兩各一 共研末每服三錢熱黃酒調服不飲酒者木香煎湯調下

〔方歌〕內補十宣諸腫毒已成令潰未成消

〔回陽玉龍膏〕 見腫瘍門

內外吹乳

吹乳乳毒乳腫疼。內吹胎熱痛。外吹子鼻涼氣襲。寒熱煩渴結腫疼。〔註〕乳房屬胃。乳頭屬肝。而有內吹外吹之分。內吹者懷胎六七月。胸滿氣上。乳房結腫。疼痛。若色紅者。因多熱也。不紅者。既因氣鬱。且兼胎旺也。多熱者宜服柴胡清肝湯。氣鬱者宜服逍遙散。外俱敷沖和膏。必消。或初腫失於調治。或本人復傷氣怒。以致大腫大痛。其勢必欲成膿。宜用逍遙散加黃耆白芷。連翹以養血排膿。治之。膿潰之後。宜調養血氣。待生產後。按潰瘍治法。方得收口。妊娠用藥禁忌。另有歌訣。詳載首卷。外吹者由乳母肝胃氣滯。更兼子吮乳睡熱。鼻孔涼氣襲入乳房。與熱乳凝結。腫痛。令人寒熱往來。煩躁口渴。初宜服荊防牛蒡湯。外用隔蒜灸法。俟寒熱退。仍腫者。服橘葉栝萸散。外敷沖和膏。消之。其腫消之不應者。將欲作膿。即用透膿散。其餘內服外敷之法。俱按癰疽腫瘍潰瘍門。又有至如內未懷胎。外未行乳而生毒者。係皮肉為患。未傷乳房。此肝胃濕熱凝結而成乳毒也。治當按瘡癰治之。無有不效者。

〔荊防牛蒡湯〕 荊芥 防風 牛蒡子 研 金銀花 陳皮 花粉 黃芩 蒲公英 連翹 各一

柴胡 香附子 甘草 各五分 水二鍾煎八分。食遠服。

〔方歌〕 荊防牛蒡乳外吹。寒熱腫疼俱可推。銀花陳草柴香附。花粉芩蒲翹刺隨。

〔橘葉栝萸散〕 橘葉 二十 栝萸 個 用半 川芎 黃芩 梔子 研 連翹 心 石膏 煨 柴胡 陳皮

青皮 錢 各一 甘草 生 五分 水二鍾煎至八分。食遠服。滓再煎服。紫腫焮痛。用石膏紅腫者去之。

〔方歌〕 橘葉栝萸吹乳。證涼襲熱乳凝結。成芩梔草連翹等。石膏柴與陳皮膏。

〔柴胡清肝湯〕 見頭部 〔逍遙散〕 見背部 〔沖和膏〕 〔透膿散〕 俱見腫 〔隔蒜灸法〕 見前卷

乳疽 乳癰

乳疔乳癰乳房生，肝氣鬱結胃火成，癰形紅腫焮熱痛，疔形木硬覺微疼。癰發膿成十四日，疔發月餘膿始成。未潰託裏排膿治，已潰大補養靈註。此證總由肝氣鬱結，胃熱壅滯而成。男子生者稀少，女子生者頗多，俱生於乳房。紅腫熱痛者為癰，十四日膿成。若堅硬木痛者為疔。月餘成膿，初起寒熱往來，宜服栝萸牛蒡湯。寒熱悉退，腫硬不消，宜用復元通氣散消之。若不應，復時時跳動者，勢將潰膿，宜用託裏透膿湯。膿脹痛者，鍼之，宜服託裏排膿湯。虛者清之，如人參養榮十全大補等湯，俱可選用。外敷貼之藥，俱按癰疔腫瘍潰瘍門。

乳疔圖



乳癰圖



〔栝萸牛蒡湯〕

栝萸仁 牛蒡子炒

花粉

黃芩

生梔子研

連翹法

皂刺

金銀花

甘草

生陳

皮錢各一

青皮

柴胡各五分

水二鍾煎八分，入煮酒一杯和勻，食遠服。

〔方歌〕栝萸牛蒡胃火鬱，指寒壯熱乳癰疔。青柴花粉芩翹刺，銀花梔子草陳皮。

〔復元通氣散〕見腫門

〔託裏透膿湯〕見頭部

〔託裏排膿湯〕見頭部

〔人參養榮湯〕

〔十全大補湯〕見腫門

乳發 乳漏

乳發如癰胃火成男女皆生赤腫癢潰久不斂方成漏只為膿清肌不生〔註〕此證發於乳房焮赤腫痛其勢更大如癰皮肉盡腐由胃腑濕火相凝而成治法急按乳癰未成形者消之已成形者託之腐脫遲者黃靈藥撒之以免偏潰乳房致傷囊痛難以收斂若久不收口外寒侵襲失於調養時流清水者即成乳漏外用紅升丹作搽以去腐生肌再兼用豆豉餅灸法緩緩灸之以祛寒內當大補氣血節勞煩慎起居忌發物漸可生肌斂口而愈

〔黃靈藥〕〔紅升丹〕俱見演〔豆豉餅〕見首卷灸法內

乳中結核

乳中結核梅李形按之不移色不紅時時隱痛勞巖漸證由肝脾鬱結成〔註〕此證乳房結核堅硬小者如梅大者如李按之不移推之不動時時隱痛皮色如常由肝脾二經氣鬱結滯而成形勢雖小不可輕忽若耽延日久不消輕成乳勞重成乳巖慎之慎之初起氣實者宜服清肝解鬱湯氣虛宜服香貝養榮湯若鬱結傷脾食少不寐者服歸脾湯外俱用木香餅熨法消之甚效

〔清肝解鬱湯〕 當歸 生地 白芍酒 川芎 陳皮 半夏各八 貝母去心 茯神 青皮 遠志法

桔梗 蘇葉各六 梔子生 木通 甘草各四 香附醋炒 水二鐘薑一片煎八分食遠服

〔方歌〕清肝解鬱貝茯神四物青皮遠夏陳 梔桔通蘇香附草能消乳核氣鬱伸

〔歸脾湯〕 人參 白朮炒土 棗仁炒 龍眼肉 茯神各二 黃耆五錢 當歸酒炒 遠志法 木香 末

甘草各五 生薑三片紅棗肉二枚水煎服

〔方歌〕歸脾湯治脾胃法食少怔忡夜不安 棗遠龍眼參歸草茯神香朮木香煎

〔木香餅〕 生地黃一兩 木香五錢 共和勻量結核大小作餅貼腫上以熱熨斗間日熨之堅硬木痛者每日熨之

〔方歌〕木香餅消乳核方舒通結滯功倍強生地研爛木香末和餅貼患處之良

〔香貝養榮湯〕見項部上石痘

乳勞

乳勞初核漸腫根形散漫大如盤未潰先腐微斑點敗膿津久勞證添〔註〕此證即由乳中結核而成或消之不
應或失於調治耽延數月漸大如盤如盤如盤堅硬疼痛根形散漫串延胸肋腋下其色或紫或黑未潰先腐外皮微點
爛斑數處漸漸通破輕津白汁重流臭水即敗漿膿也日久潰深傷膜內病漸添午後煩熱乾嗽顯紅形瘦食少陰
虛等證俱見變成瘡勞初結腫時氣實者宜服萁貝散及神效栝萁散氣虛者逍遙散及歸脾湯合而用之陰虛之
證已見宜服六味地黃湯以培其本外治法按瘡潰瘍門然此瘡成勞至易獲效甚難

〔萁貝散〕栝萁 貝母去心 南星 甘草 連翹各一錢 水二鍾煎八分澄滓加酒二分食遠服 一

加青皮升麻

〔方歌〕萁貝散治乳結核漸大失調變乳勞初腫氣實須服此南星甘草共連翹

〔神效栝萁散〕大栝萁一個去皮 當歸 甘草各五錢 沒藥 乳香各二錢 共研細末每用五錢醇酒三鍾

慢火熬至一鍾去滓食後服之

〔方歌〕神效栝萁沒乳香甘草當歸研末良乳勞初腫酒煎服消堅和血是神方

〔逍遙散〕見首手 〔歸脾湯〕見乳中 〔六味地黃湯〕即六味地黃丸改作煎劑見面部雀斑

乳巖

乳巖初結核隱疼肝脾兩損氣鬱凝核無紅熱身寒熱速灸養血免患攻耽延續發如堆粟堅硬巖形引腋胸頂透
紫光先腐爛時流污水日增瘡潰後翻花怒出血即成敗證藥不靈〔註〕此證由肝脾兩傷氣鬱凝結而成自乳中

結核起初如棗栗漸如棋子無紅無熱有時隱痛速宜外用灸法內服養血之劑以免內攻若年深日久即潮熱惡寒始覺大痛牽引胸腋腫如覆盤堅硬形如堆粟高凸加巖頂透紫色光亮肉含血絲先腐後潰污水時津有時湧冒臭血腐爛深如巖壑翻花突如泛蓮疼痛連心若復因急怒暴流鮮血根腫愈堅斯時五臟俱衰即成敗證百無一救若患者果能清心滌慮靜養調理庶可施治初宜服神效枯萐散次宜清肝解鬱湯外貼季芝鯽魚膏其核或可望消若反復不應者瘡勢已成不可過用剋伐峻劑致損胃氣即用香貝養榮湯或心煩不寐者宜服歸脾湯潮熱惡寒者宜服逍遙散稍可苟延歲月如得此證者於腫核初起即加醫治宜用豆粒大艾壯當頂灸七壯次日起跑挑破用三稜鍼刺入五六分插入冰螺散捻子外用紙封糊至十餘日其核自落外貼珍珠膏生肌玉紅膏內舒服肝養血理脾之劑生肌斂口自愈

〔季芝鯽魚膏〕 活鯽魚肉 鮮山藥各等分 以上共搗如泥加麝香少許塗核上覺癢極勿搔動隔衣輕輕揉之七日一換旋塗即消

〔方歌〕鯽魚膏貼乳巖疾腫如覆盤似堆粟山藥同研加麝香塗於患處七日易

〔冰螺搽〕 硃砂分 大田螺五枚去殼 冰片分 白砒即人言一錢二分 將螺肉切片同白砒研末再

加硃片同碾細以稠米糊搓成捻子磁罐密收用時將捻插入鍼孔外用紙糊封貼核上勿動十日後四邊裂縫其核自落

乳巖圖



乳巖

〔方歌〕冰螺擦消諸核癰腫砂螺肉煨白砒再加冰片米糊擦乳巖堅硬用之宜

〔神效栝囊散〕見乳

〔香貝養榮湯〕見項部

〔清肝解鬱湯〕

〔歸脾湯〕俱見乳

〔逍遙散〕見背

〔絳

珠膏〕

〔生肌玉紅膏〕俱見潰瘍門

47



洋装二册

12